

丹陽集





22.451  
5339  
27

27

0 1 2 3 4 5 6 7 8 9 10 11 12 13 14 15 16 17 18

Inches  
Centimetres  
1 2 3 4 5 6 7 8 9 10 11 12 13 14 15 16 17 18 19  
TIFFEN Color Control Patches  
© The Tiffen Company, 2007



丹陽集卷十七



五言古詩

涉汝詩 并序

汝河在臨汝門外半里所余屢攜客坐河橋上觀水石搏激爲雷霆洶湧之聲然未汎舟也今歲秋七月甲子連雨三日水暴漲數丈渺如湖海始招三舟攜二子出汎以微熱不敢率去非昆仲歸作是詩

居官行兩周出郭劣半里名稱臨汝守初未涉汝水今朝破巨浪萬頃寄一葦源從天息山此地乃其委青嵩正北湧紫邏復西峙兩岸千萬峰落影照清泚下瀨劇迅速舟輕如激矢周南滯畱恨此段聊一洗悵無周旋人同載如郭李以聞汝陰湖揚塵清潁尾醉翁漾舟處無復碧染指歲月供感慨人事有遷徙茲水美洋洋正堪行樂耳

再和涉汝詩呈去非伯仲



清汝如荆溪不異我州里奔流相逐感敢謂衣帶水攜賓汎漫汗  
畫鷁延綠葦出城散腰脚朱墨逃紛委卻望城中塔煙林隱孤峙  
何人貌清景筆筆可就泚幽尋要關健善飽未遺矢塵纓正堪濯  
凡髓亦可洗不須學東山韶顏載桃李顧當似白傳粒炊船尾  
膾縷斫鮮鱗遣客動食指風流得一事一官不願徒脫有戚戚時  
晤言消之耳

送姪元延之官

浮遊五嶺南展裙徧遷客寵以黿冠詩獨步文章伯十年未得調  
浪有聲華白來寧未死叔知費幾馬策相攜汎清汝壺酒映山碧  
肯嗣陳雷風一笑飲爲劇清途子初延我老欲投劾出處政參辰  
此歡寧易得

俞居易

侯

兄弟並時爲屬邑長亦其父所藏東坡送行詩用其韻

跋卷末

吾州兩支邑伯季俱鳴琴清談一傾倒疊疊正始音文室賴芝蘭

藥籠資桂參猥示晏楹書什襲緘藏深好事識雅趨揚美知孝心  
躋榮荷門基行矣勳業尋

戊戌次福勝院

錦溪足墟落高陸推繁華豈惟邑屋富政自山水佳幽清背人境  
千柱梵王家巍巍二子亭雲表飛簷牙我生功名忤巖壑爲生涯  
山僧類祝田施薄求者奢乞書名利疏無鵝惟潑茶一笑爲涉筆  
勿笑蟠秋蛇

比作青蘿山塔記并徐敏求墓銘皆蒙宏道爲書作詩以謝

文苑無蜚聲碑板謬見赴結因時伎佛書美閒諛墓從僚乞正書  
見許不嫌屢虞筋與柳骨濃纖皆合度浮海觀鴻戲抉石逢猊怒  
吾文敢言絕驥尾蠅所附它年翰墨場不朽知有助

次長清寺

迎賓一紅亭棟宇飛半嶺松筠引幽步以漸入佳境陰風起澗壑  
凜冽噤蛙黽歸雲擁僧袂飛溜入茶鼎措筇薰風閣玉溪兩峰並

中闕認牢山一點煙鬢整我來見所見賚恨在俄頃邱樊絕泥滓  
鐘鼎值機穽老逐黑衣居此心真炯炯  
至南陽卻寄吳興諸僚

震州推不去游食歲月久尺一從天來換作秦頭守迎新無竹馬  
記舊已鷓鴣迂愚敢護前警發賴鞭後獨坐百花堂還憶百花酒

原注南陽百花洲有百花堂而吳興上臨湖之百花酒

與襄陽太守張亞仲顏幾汎漢江

春波漲醞醅綠淨疑染黛神女昔江皋翫味仍解佩沙光射日明  
浪影搖風碎樂哉今日遊放溜舞滌華觴挹空闕疊鼓助擊汰  
仰視白銅隄岑樓飛綵繪遊女凭危關紛若五家隊真想謝窘拘  
意有千里快遠岸指煙藍飛流羅水磴尚想競渡時干船唱何在  
襄陽大悲院作

善財叩補陀大千一彈指我行無神足重趺二百里中年逢百罹  
所欠但一死稽首聞薰玉覬以俗障洗魚山彊讚述文汚梵書度

予嘗爲觀音讚文行於世自憐迷本聞云何見大士覺與所覺空根脫不用耳

圖融聲度垣變現月映水臂目恆河沙如幼本一理以是見觀音

文殊亦如是

乾明院作

我欲□襄陽驅車峴山址文弔杜征南酒酌羊叔子披榛訪二碑  
事辭俱俊偉高賢千載後遺魄猶登此一官推不去事故違願始  
不如造乾明山名亦相似交流千斛乳未減漢江水遐眺真不惡  
悲傷未燭理湮沒與垂名趨死皆一軌我與同遊人痛飲共擇旨  
生前一杯量恨山無石髓預憂名不傳卻笑鄒從事

遊峴山

山隨宇宙結千古眞苒苒登臨足覽勝茲來余復忝山椒聳太華  
夷路謝躋險溶溶鴨頭水綠淨衣可染漁師網槎頭盡以紅鮮掩  
金刀膾縷飛來佐華觴濫前修俱鬼錄勳閎謾琬琰谷虛禽響答  
月皎煙華斂同登幸曠士形迹孰拘檢長嘯揖清流一洗鄒湛詔

次韻葉夢得遊西奈山

秋霖喜新霽，裹飯山中遊。遙指大夫橋，閒汎野人舟。追隨得勝客，雅趣同滄洲。山路已清絕，顛氣况蓐收。亂石蹲狼羊，蒼官聳髯虬。古寺亦何有，森森瀟灑侯。忘懷一笑粲，更以大白浮。翰林廊廟姿，席珍韞天球。如何問三徑，更復尋一邱。升高澀投足，陟險眩迴眸。洞庭四萬頃，旁占鑄脚口。中有東西山，千奴熟霜秋。孤亭快寫望，欲去更少休。菟裘便可卜，何必依先疇。徘徊共懷古，徂歲真如流。封侯昔此地，顧余乃諸劉。一朝失茅土，窘急須人周。雍門曲池歎，事往將何求。雲木餘參錯，煙巖自深幽。人生行樂耳，慎勿曲如鉤。相說堂宴集，晚移望嶽亭。德升有詩復次韻。

陰森美章園，爽塏背塵陌。紛紛辟疆家，勝處此其伯。登危覽幽奇，寬敞盪喧窄。層層綠陰暗，中有孤花折。三品玩伏虎，兩部當鳴蜩。主人延客宴，清映壺觴碧。茂宰工撥煩，恢恢奏刀騶。議郎兼語掾，闔府畏跼踖。仇梅諸鉅公，燕笑歡一席。蹇予但空餐，營職無半策。

文墨彊抽身，林池同息迹。金火爭伏見，執熱如焚炙。頗願如百斛，船浮兩頭拍。嶽雲插晴空，移尊及未夕。清颿起四座，肅肅生羽翮。人生不謀歡，滯眼計月瘠。誰能較榮槁，項尾論干澤。相從飲文字，一笑百憂釋。歌呼到爾汝，坐待霜月白。歸軒踏清影，光謝紗籠赫。

幽居夙興

宴安毒于鴆，嗜睡真成蛇。攬衣待明發，是味豈不佳。天宇自澄穆，羣鷺肅無譁。喔咿雞一鳴，眾星猶撒沙。阜茨頰頭目，楊枝清齒牙。鑪中結願香，淨几對□花。澄懷觀道秘，浮念無由邪。欠伸起三昧，雲錦升朝霞。

蒙莫伯鎔餉酒，攜卽菁村元。舉山莊賞菊，坐客皆稱歎。以詩二首謝。

野飲政自樂，何容拘束交。窮居闕醇旨，逼此歲欲凋。冷仙歛照坐，開嘗驚韻高。秋空映黃菊，氣澄埽紫霄。攜之壽嘉客，豈諱十里勞。供饌者誰子，頗疑人姓焦。三杯反淳樸，一醜破鬱陶。酒村兼譜曲。

我醉吟今朝

迷途不自覺坐見六秩交霜發凜無幾況此日夜凋所寄在酒盞  
傾銀不辭高澆我磊砢胸那復氣干霄手捫赤泥封不辨呼孟勞  
乍紆愁腸回亦沃渴肺焦君甚似江州媿我非姓陶爲僚且親岸  
酌我非一朝

謝洛師蔡尹靖餉酒

叩門赤縣尹來餉青州酒底貢上天闈餘瀝到衰朽問嘗正及卯  
醇旨異失酉公不數瑤泉家還卑玉友我時苦無惊愁緒不論斗  
紛約方寸亂飛絮起風柳呼兒共一尊益益純氣守豈惟詩膽大  
更覺魔軍走寄謝魏陽元煩望埽愁帚

和韻答馬用弘毅朝散

三吳汗漫遊彌月沐風雨歸來駭貧舍忽有金剛杵豈惟心疾失  
頓覺頭風愈句如冰壺清格類瓦棺古五言有奧境此段得箋詰  
吾衰久寂寂笑人憂鄧禹自貶豈不能趨競虞姍侮洞庭巖壑秀

信美真吾土秋濤浮乾坤日月互吞吐中有七十山招提稱鍾武  
歸命兩足尊一洗俗諦苦但喜經翻貝那知檄馳羽鍾魚走諸刹  
衽席詎安處洞天隔塵寰仙境一二數毛公金丹成拔宅已輕舉  
空餘朝斗壇遺址猶可觀法成有龍象今作西山主淨甌逗真機  
松枝代揮塵示我第一義金鏡破昏瞽清游懷清標所恨隔笑語  
茅廬新塋塗戶牖木僅斧劇談仁公來相望十里許

用弘見和復和一首

荒雞號將晨不改風及雨高賢兩投分定交從白杵心期久彌堅  
膠漆比孰愈有初顧隙末賣友起中古五交有形狀孝標能訓誥  
邈哉彈冠契王陽知貢禹乘權獻巧妍失時輒輕侮管鮑貧時交  
此道棄如土孟嘗唾其面憤懣聊一吐翟公書其門薄夫嘗接武  
蹇予不知量拔土偏寒苦見欺多校人覈實失子羽歸來蓬蒿園  
弔影甘窮處知舊棄如遺那復見比數誰知荊州丞厚德能克舉  
任安窮不去平仲久更覩詩文連慰藉詞鋒設賓主剡藤快展讀

如坐對談塵惜哉華國文乃以觀矇瞽春容寫河漢寒窘笑三語  
才凡特俎豆德薄更藻斧玉卮實無當深恐累稱許  
海昌從中散兄遊硤石東西山及讚山而別兄獨遊黃灣諸山寺  
寵寄三詩因追述前遊卻寄

相從十日觀預恐別淚滴重謀訪林壑庶復延晷刻好山塵一舍  
何惜蠟兩屐東湖浸坤軸浩蕩鵬擊方舟穩睡餘帆已收硤石  
東山號紫微數殿聳金碧我祖練金膏井湫湛寒色颯輪已仙去  
千古留玉液當年善逝師福壤眼獨識上方子亭高俯睨眾山脊  
空濛雲海寬想像人境隔夜投涵虛閣萬籟森已寂輒腳旋呼尊  
亦復兩觀赤黎明登西山岌業動人魄華榜揭靈池審公存故迹  
高堂坐白衣巍巍妙智力道旁兩精舍聯步徧遊陟讚山特超峻  
四雙舊飛錫綠衣環高竿蒼髯矯千尺吳越峰巒秀羅列在几席  
情賞未云厭六龍俄已昇轉溪遂分袂惻愴不能食還家得詩筒  
妙語粲珠璧具載黃灣游恨不逐飛翼流光信駒隙薄宦只雞肋

他年倦招尋畫圖追舊歷

硤石寺聞擊豬明不能食

夜聞刺豕聲哀號欲趨死黎明肉入饌念之難啟齒口腹我可奢  
性命彼所恃石軍惋烹鵝東家嗅供雉

七月一日招道祖劇飲

長卿已勸遊十年安澤國越鳥巢欲南鷓鴣飛懶北會予亦蹭蹬

從子寄岑寂有酒時相邀歡飲終未劇今當大火流似聞姊喪釋

羽書靜追呼樂禁通考擊埽除北窗涼招速東牀客暫勤車騎都

未輟春秋癖白啖苦無賴紅顏因暫惜畦蔬擷菘韭園果剝黎棘

金齋薦子鵝銀條膾鮮鯽弓彎舞袖寬珠貫歌聲激景升陋三雅

淳于能一石擬取醉轄投慵持詩爛刻浮生百年幻且盡一朝適

莫待佐稽山對案空相憶

諸人見和復次韻

淵明事獨往謀酒不謀國引壺自酌罷高臥幽窗北孤松供盤桓

五柳伴幽寂時赴中道邀未覺醴小劇八旬棄縣令忻若重負釋  
安石登冶城清談工部擊竹林事游燕百金費羣客絲竹聊寫情  
副此栢鐺癖歲晚白雞夢顏齡天不惜之士俱好飲世運屬艱棘  
身今埽開軒紅蕖蔭鮒鮒遠挹環峰秀下臨湍水激得酒且盡歡  
何人壽金石不如更添燭夜漏淹晷刻醺酣便逃禪酩酊非闕適  
從教醉醲誤黎明不能憶

次韻章婿道祖山居

我本邱壑人負乘輒致寇歸來臥湖海斷三接畫尚餘憂國心  
帶眼日驚瘦騰裝居景山飄飄雲出岫門無長者轍相見誰肯就  
吾甥相國孫款我裏糧煠禪關有聖解已語則無咎兩庵同相攸  
卜鄰殆天授登盤無檳榔客居必見有富貴應自知不詢唐舉壽  
病起二首

春風散頑陰我亦除積疴客居有園林得暇輒一過殘梅雪尚積  
曲沼春已波儻或不近酒如此推遷何

人生身後名孰得還孰失豈若一杯酒聊復得永日如何杜陵老  
感難百憂集不飲孰忘憂飲多或生疾惟其疾之憂已矣兩相直  
立方和韻復和一首

屬疾大廢食始進一麥麻客至闕均禮呼兒辦瓜茶冷落乏勝事  
病苦將日加兒曹解人意爲潑閩嶺芽山深生意足香味冠百嘉  
依稀仙掌露秀莠石橋花過盞謝新法失杯戒憎蛇甘我舌三寸  
澆我書五車餘瀝均學子少長各有差何須待鞠脰此段固已佳  
人生頭露迅晷堪驚嗟適意貧亦樂鐘鼎來何賒今朝復何幸  
濯暑分流霞蘇息問蒼生欲汎牽牛槎

錢氏通惠泉

山翁徹骨清日飲一瓢水天公隱其窮殆將貽石髓先救西神君  
一派疏清泚初驚石罅出盈科來未已其緒爲淵潭其匯則沼沚  
酌比九隴泉錫味參差是一甌紫筍春牙頰畱甘美餘波共濯纓  
濺沫邀洗耳山中有異事喜甚屐折齒長安昊天觀秦吳隔千里

妄云脈絡通道人真疏矣寄語贊皇公未應停水遞  
謝興之餉魚肉二首

貧廚不舉火素拙□與乾拾煤未為飢猶有食一簞拜嘉飲二顧  
食尚闕晨餐快嚼乳蒸肥那學武子奢瓶中乏儲米請粟望子華  
佳醢得新味羞豆應當加

益益鵝兒酒風厄起微浪何以侑方尊尊美調得醬彘肩與魚乙  
佳惠過臺餉黃雀釀披錦江鱗砍玉板對之無畱觴固已號佳饌  
持此配藜羹更增貧士報

送同郡識上人遊圓覺問道慈受

道人獨往韻半生服行衣專門施氏易編脫屢絕章文詞粲藻火  
片語不救飢棄家學心法感歎悟昨非兩年飽三白唾視甘與肥  
南行訪道師芒屨常輕飛側聞長者寺塔廟俱巍巍□□第一代  
龍天共瞻依騰裝來見語舍是將安歸勉旃叩玄旨心花發清輝  
東莊院

此君如佳士得一不為少如何彌岡巒十里青未了泉源湛山椒  
紅亭藏縹緲奔流瀉萬丈穿林下縈繞居僧惜泉出少借作溪沼  
冰霜濺沫亂琴筑仙音香水行自莫逆獨厭逋客擾我亦願結交  
禪房寄深窈門前石盆潭匿鏡澄不撓寺後仙人壁峻嶒插雲表  
卜遊已經年此志幸不天菟裘在何許清境吾將老

中秋無月與仲仲飲書齋書呈仲仲

我生不如意十年常七八窮巷屬中秋乃有長者轍相逢急呼酒  
坐待盛滿月那知天所闕不吐冰輪潔王孫神膚清與月直莫逆  
牛渚舫中人武昌樓上客千古明月句腹中無一闕我窮輒相累  
昏燈照愁絕窗蕉響疏雨杯負琉璃滑豈無仍圓夜又恐閒河闊  
呼童歌嗚嗚一笑助耳熱

送仲仲歸漆塘以語及君臣際經書滿腹中為韻十首

僑居始定交寄誠用縞紵命駕輕千里次亦推嵇呂衰俗日益媮  
此道棄如土如何五載閒七返慰羈旅崢嶸聽崇論璀璨驚韻語

江湖風浪高媿子蛟龍苦

家貧困百須祿廩不時給接浙不漬糠孤斟但飲溼長者車轍至  
園蔬親掇拾主禮不如意八九更論十牛心餉會稽豬肝售安邑  
茲事固么麼力亦不能及

聚書三萬卷斷自典與墳金固已多是家那得貧平生謝維好  
童習至白粉幽經與怪牒一一儲心君坐令說今古奮袖真如雲  
何當過燕室手披至宵分時時咀熊膽辛苦以佐勤

君家髯御史百疏嬰龍鱗死喜作忠鬼生甘為旅人高節渠無繼  
從子蓋其倫危言對便坐骯髒不顧身重道輕祿仕無寧常隱淪  
它年青史上牽聯書直臣

潛山賦歸來卜築聊自憩巖壑發天藏相竹如手藝寒泉西神派  
那復問水遞割甘餉兒女伐木課童隸意行及跌坐宴然契真際  
誠從古人求三隱真可繼

中年鐙火讀閱徧汗簡青歲晚得奧境領略在六經肯薰班馬馥

要續丘軻鐙只今未康濟斯人尚郊坰

亂後等蓬轉風雨摧敝廬寄身菰城南誅茅縛幽居家山在何許  
清夢時一如宿鳥懷故林羸馬悲長途知交久寥落中原猶羽書  
歸歟不即賦此心耿朝晡一塵肯相容卜室終桑榆

失勢水投石得時山壓卵富貴親眷稠貧賤交情斷叔世澆薄中  
風誼如君罕生涯一舸風龍門何不款不扳不著腳乃數訪幽散  
語離太恩慙寸心常不滿

噉噉常易污庸庸每多福為嫌狙賦三乃作龜藏六先生經綸手  
都在十圍腹似聞紗籠人盡力欲推轂東之今已老鶴頭來要速  
頃年官黃岡清俸緣手空飽暖到惇獨吾寧守其窮竭來漆塘山

穉稔收橫從自言畏多累不復愛鍾負郭鄙蘇子汎舟似龐翁  
絕勝南陽人辛苦耕隆中遺後但清德有子人中龍  
明日元舉赴召見別用前韻送行

吾君急昇平元凱登二八赤墀擁豪俊青雲啟塗轍巖居及川觀

號召無虛月徵君筆瑞世制行圭玉潔向來端神羊不畏龍鱗逆  
嶠南歸興動只作數旬客迹雖遁煙壑名常藹雲闕果膺尺一書  
赴隴催裝發遂恐長烏府席與羣玉絕眷言國步艱敢憚泥塗滑  
牛刀剝繁劇鵬翅摩空闊相期扶中興何止得官熱  
丁巳游大雄寺有陳朝檜  
古殿藻井高樓桷窮壯麗黃金四佛榜煌煌曼卿字廷中檜異狀  
對植天嘉歲直幹龜鶴年樛枝龍蛇勢陰森歷九朝知閱幾興廢  
石根青銅柯孤高方得地應笑凡草木俛仰見癯瘁緬懷陳季年  
三閣事壞異後庭唱未闕已作墮并計獨此歲寒姿與佛常閱世  
寄謝青牛宮勿輕大雄寺  
赭山承慶報慈禪院劉希範資政墳寺張參預爲神道碑  
故人具雞黍相攜登赭山松桂蔚田舍上已煙霄干陰風起天籟  
誤聽號驚湍新寺粲碧瓦突兀數十閒君恩錫香火以報顧復艱  
亭亭無媿碑銀鉤墨初乾蓼莪避顧孝汝墳起周盤罔極疇不念

致此良獨難彭城廊廟姿報國劔鋒寒末途禦魑魅鳶墮隔生還  
榮枯信反手誰能保長安徘徊積慶堂老鼻一辛酸

戊午出長興郭汎西溪至清果院

朱藤花墜影罨畫因名溪林壑莽參錯鷓鴣扶春唳刺船未云久

眼明古招提入門赤泥亭石梁亦可躋佛殿制渟古凌空飛拱枿

淒其念陳祖此境嘗幽棲蝦灘弄平綫龍臥聊蟠泥一朝風雲會

起舞隨荒雞興王豈細事荒陵出金犀賢愚同一邱莫厭青鞋胝

戊午次吳山解空院乃端師子道場是日上巳呈法中禪老

尋幽勇鼓柁茲山初問津雲煙落吾手若水清潏潏蒼官舊千章

類不赦斧斤以茲海藏湧突兀千蒼身獨餘三大夫敲蓋被龍麟

下閱往來輩蜉蝣不知春迎賓上人者貌古意甚真豈惟嗣老端

勢到粲忍親陟巘旣幽絕飛談復清新何庸浥寒波更祓元規塵

己未次廣惠院

下若水法法佛寺古邑西開帆但五里不到將噓臍懷古展清眺

崇閣聊攀躋法生有鼻祖樂此山與溪自言孫子賢茲地興王基  
霸王受九錫二紀承梁齊空餘陽鳥阜石人臥荒溪綠滿天隨家  
巖花伴幽棲畱傳杞菊堂墨妙懸棖題秀色有他嶺招尋更杖藜  
山林且放誕邊城多鼓鼙

次吳粹老觀我齋詩

立我謹外樵逐物戒內熱樊然辨物我此意猶屑屑是身本虛空  
何者爲六結雖慧念不起雖定照不滅無我與我所觀亦于何設  
右臂彈已化左肘柳方檠願君進此道遺我自朗徹不見魯東家  
意與我俱絕

丹陽集卷十七

丹陽集卷十八

七言古詩

同子充遊堯祠見交代李行正詩追用李太白舊韻因亦次韻呈  
子充

俗物敗人意作吏七不堪竭來東蒙遇歡友角立傑出推江南英  
材百鍊揮利刃夷量萬頃澄寒潭弱齡文采照金殿荏苒立境衣  
猶藍銅章來踰瑕邱鼓邑屋歡康無疾苦春風郊外正微酣笑指  
叢祠兩驂舞猛拋簿領追芳哲不遺韶光浪煙滅戲看油壁聲如  
雷桃已蒸霞柳飛雪超然危立俯河干抱城清泗鳴驚湍謫仙秀  
句但碑版無復真迹龍蛇蟠君不見聰明文思撫寰海四表上下  
騰光彩破椽欺魄鑪無煙豪氣英風亦何在荒郊遺址望中來遐  
想千古令人哀祖龍巡幸亦瑣瑣從臣徒向蒼珉開豪華豈復靈  
光殿峻嵬誰知季武臺耿耿星河挂窗牖未跨歸鞍猶捧手同門  
早歲氣橫秋年大飢寒依秣酒俗儒醒醉尚不分金馬玉麟名遠

聞小縣鳴弦煩卓令冷閣問字疲子雲五斗不歸俱委瑣邂逅爲  
□天贊我金蘭編紉未足誇嵇呂命駕何其賒官寺相望無百步  
洋林正對河陽花坐令莊舄忘吟越亦復無心戀魏闕蒲酒相從  
未有涯祭竈請鄰纜一月

記夢詩并序

新定姜補之十一月二十日讀書齋中疲極假寐夢與半山老  
人相遇于長干白下之間大相譚賞且授以巨硯曰余昔所用  
也舊史載此類事皆爲文藝顯名之兆因作記夢詩二首

頤堂晝臥清且閑了無塵霧來相關俄然正夢半山老練裙葛帔  
泉石閒抵掌稱譚因餉硯微凹浮墨光如電自言緡經視草時落  
紙雲煙皆倚辨山頽梁壞空遺祠覺讀其書寐見之勉令勲德復  
藹藹佳兆若此真非衰少瑜昔夢青鏤筆江淹重錦完成匹明當  
辭藝驟驚人千里從今期一日

元豐功成身退閑鍾山小築掩松關莘莘學子求卒業說經鬧若

闔門閒木鐸茲文繫筆硯紫綬垂腰眼巖電似聞一日置心猿道  
德功名無不辨配食孔廟時忝祠子生其後不識之文章津源已  
默付名爵豈待顏髮衰向來李嶠夢雙筆至今辭藻無倫匹納鑑  
唾口難細論謂言不信有如日

補之見和復次韻二首

仙曹無事身得閑午睡絕惡呼當關榻施遽際獨展轉夢覺不離  
周孔閒官出硯州初之硯過眼羅紋如過電半生用一卽墨候頗  
欲易之貧不辨舊聞夢硯湘君祠乃今神異真類之秣陵真儒豈  
虛受文字之祥昌不衰孽箋壘壘稱名筆正始微言欲儔匹終當  
辭藻瑞朝廷更請焚膏勤繼日

原注蔣道支蓄魚硯二十年忽失  
之見夢日遊湘水爲二妃所留後  
于湘君祠獲  
馬出異苑

逸驥未遇虛王閑鹽車垂耳猶閒關夢中一面逢伯樂遺以舊物  
惝恍閒斧柯山神護珍硯采琢往往興雷電欲求潛璞滿書籠顧  
豈咄嗟便能辦禱求若用中宰祠何如假臥輒得之池塘句好有

神助文字格力何因衰莫嗟筮仕困刀筆騁材行卽肩羣匹速將  
妙語醉衰翁鷓鴣飛灘知不日原注與雷電祭以中宰

從人求鰓魚

海邦邾莒固多品此族稱珍乃其伯瀋泉湘瀟付饗宰薑桂煎調  
奉佳客視書已覺明病眼點酒偏能醒醉魄君看憂憤不眠人快  
啗取厭亦何擇豈如吾曹飲文字興臺不復霑餘瀝昔官餘杭飽  
下筯兩載杯盤厭凡核竭來瑕邱問鮭菜尊俎徧索未云獲願從  
褚公棄千萬免使劉郎鞭二百

刀馬河上書事呈提舉張聖用

稻人掌稼存周書蕩以溝洫蓄以澹為田一夫顧尚爾有大於此  
其亡諸所以當時多善歲黍稷高下無萊汙史公引漳變易鹵鄭  
國注洛通厥於寂寞井地已不復二子興利猶居居常平新書出  
聖考歲積羨入為畱儲毫釐不以給公上補助力役寬農夫意謂  
舍此欲富國不幾緣木求淵魚猗歟吾皇始卽祚駿惠成憲追前

模民田利病特經意詔俾海縣交修予芻言輿議滿清匭論及刁

馬尤勤渠一勞暫費不足憚要使長利相乘除水衡銜命出護役

使節適野同侪圖勸勤警惰詔賞罰尺一徑下隨都俞擇材分幹

自不乏猶如采芑從菑畬薨薨奮鏹事疏鑿坎坎鉦鼓催勤劬伍

符尺籍男兵法保受團結從州閭施功塹中每絕蚓得肉道上時

銜烏河流廣深事股引清波漲綠涵靈霄勸農使者舊京兆眉嫵

曾畫閨房姝魯邦都尉古循吏謀視韓許直庸奴經營土功費心

畫埤益王事成仙臞清明不歸對花柳獨冒埃壘馳軺車香名魏

巍鏤翠珍績用藹藹飛皇都橫流不復灌旁郡萬室按堵安田廬

陪京沃壤表千里旱乾水溢從今無誰言醜渠百世利政在起役

三旬餘荒功經始自勿亟煩爾訖事歌驪駒役夫雲翔指千萬北

返曹濮南青徐願修屬禁比川澤張官督察稱衡魚又言

謝人惠筍  
籀龍初萌豹文點味闕盤飧心正慊二公好事為髡鋤一日分甘

香掩冉小靳全勝沈道虔縱取何殊范元珍趣令庖宰事燒煮未  
怕旁人呵聚斂白醪赤米最相稱紫蓼綠葵當少貶驗長須知韓  
老嗜稱冤卻笑盧仝儉遙憐萌出盛家林豈不懷歸畏官檢願君  
繼餉走輿隸莫遣煙篁拂崖巉

喜元舉歸

溪東作舍已蓋茆溪西築庵新在棟水雲參錯出十里妙寄方嗟  
無與共忽聞故交還五嶺聊喜居鄰依二仲臺評卑口冠神羊儒  
館文華推白鳳詔除每下輒避寵才術小試已驚眾炎荒雖云去  
國遠皇華要是爲時用故爲懷歸還我輩露章求免疲護送自言  
嶠南官不惡峻峰危嶝頻飛鞚挽萬屢上羅浮顛披雲亦到朱明  
洞看山卻憶家林好夜夜幽棲來旅夢而今歸隱寄天放卻憶修  
途眞定痛猿鶴相向爲家禽松菊未荒蕪手種碧鮮脫穉高繞屋  
白墮敷醪香出甕從今莫厭數招尋持螯共費宮祠俸

試建溪新茶次元韻

船舟初出建溪春紅箋品題苞莢葉低昂輕重如美人等衰銖較  
知難躡格高玉雪瑩衷腸品下膏油浮面頰太邱胸中有涇渭包  
裹攜來充博帖稍發下駟已驚眼香味高奇光煒燁不肯花前殺  
風景憑花爲謝穿花蝶更看正紫小方珪價比連城直稱慳病渴  
羌人洗煩滯好睡兼旬便愁攝異時風流貴公子喜說藏珍今日  
囁莫辭七椀攬枯腸有酒沽君夜燒蠟

次韻去非謝前教授餉澤州瓦硯

錫花蒸成一抔土聯坳卽墨元光舞飛鴛餘韻照文房呂翁心機  
同刻楮高平沃壤眞土膏硯與龍尾爲朋曹剛柔得中不坏甌共  
推妙手能甄陶卽官小樣知名久何須對面供十手講卽尚有干  
載人要此編摩論臧否請加什襲傳後昆阿買不獨書八分紗帷  
晝靜棐几滑克肖鼻祖能綴文

次韻去非題紫邏洞

一麾謬作東諸侯邂逅兩玉陪遨遊引泉疊山作竹洞持以奉客

充淹畱漣漣清流出潭底辟疆萬箇那勝此奇疆丈六照幽亭雅  
稱幼輿巖石裏人所應無君盡無哦詩擁卷窮晨脯指物成形直  
題署便欲相稱詩董狐雲水相從樂復樂汝陽太守自賓幕不用  
飛章乞會稽聳秀交流看巖壑

次韻去非梅花

造化小兒心戀嫪偏向水花施巧妙冷禁霜帶曉寒飄清宜月綴  
微雲照已與鳴鳩傳酒信更乞遊蜂供蜜料交情萬里寄春色度  
曲五更吹怨調半樹臨溪抵死香一枝倚竹嫣然笑寒姿疏影太  
幽獨靜女貧姝真窈窕世言嘉卉出靈山我疑異種來圓嶠肯挑  
俗子眩穠麗只約騷人伴吟嘯少陵牽興催衰白廣平被惱回剛  
峭徑須相過壽此花市遠無肴只藜藿

次韻去非畱別

餘子碌碌不足數太邱晚出吾所許淹盤此境未金馬邂逅相逢  
慰銅虎與超宗語不知寒從季遠遊那覺暑祥琴皋月歛戒行征

馬譙門聊出租平生種學與績文自信扶珪兼綴組分無桃葉把  
歌扇只有松枝當談麈行裝未辦纏頭帛衣食何施擇木羽從來  
文豹深隱霧此去老蛟真得雨長卿蜀肆初滌器伯鸞吳廡曾春  
杵青雲直上不作難那復笑人憂鄧禹

喜宗丞姪病愈

向來聞汝拙將理五月寢瘵未嘗喜醫良未遇肱三折愛切徒勞  
夜十起欣聞安泰風愈嫩莫歎清癯肉消髀徑須營度還詩債要  
看筆翻三峽水

原注姪有圃  
字韻詩未和

奉同李倅安上賦崔白沐猴杏花

空山無人春風驕撲撲晴杏開香苞巖深谷峻無與賞攀枝騰踏  
惟飛猱大梁崔白舊所見絹數落手因揮毫巧爲紅豔狼籍勢撲  
蔌緋灑歸蓬蒿王孫惜花有深意預憂雨橫兼風豪故來跳觸看  
零亂妙思臨寫形無逃貴人錦囊舊藏貯文闈傳玩叢英髦東平  
儒仙首畱詠詩價與畫相爭高直云何用辨真假徑須對此呼香

九  
五  
醪誰知眞花卻時暫不如丹粉還堅牢

高君贊公嶽兼數職奔走疲甚以詩勞苦之

曉鼓蓬蓬天未白呼火攝衣于典客青衫手板階石前  
若無骨還將束矢聽情偽更向團絲分枉直糟漿逆鼻走冰厨播  
糠眯目司平糴翩翩輕舉行若飛濯濯單紉汗如滌趨局何曾過  
八磚端居未暇移百甃歸家往往犬迎吠得肉徐時烏攫食長材  
要自萬鵬程初益聊淹一雞肋徑須龜俛彈其冠未用低徊尤此  
幘左馮舊事今復繼敏手州人驚霹靂

邑尉姜補之師仲枉詩甚龍率爾酬和

去年詔鎖春官闈桓桓文陣如熊罷激昂辭章爭自售獵取豪俊  
幾無遺五更榜帖亂人鬼九衢姓字奔輪蹶維時謬從宗伯後喜  
子入穀名高垂楓宸臚傳預供俸杏苑閑宴常追隨那知巖邑大  
如斗邂逅聯事同勞疲民頽莫詬號難治心怯畏縮將安施幸蒙  
幹略整分冗閒以文義相娛嬉忘形未肯遽爾汝執禮乃或論生

師固知風味去人遠九牛何止爭毫釐平生最喜我輩士角巾野  
服同委蛇爾來亭午已休吏伍百彌月閑鞭笞城南桐竹富蕭瑟  
城北溪漲清淪漪頗願吾僚哀老子遨遊使得時伸眉

送許師應

訪我金溪船繫柳一杯醕我眞天酒原注酒名露華騰裝欲赴清油幕纔

得伸眉俄振手家聲文采照東南浴師吳郡乃所監蓋纁繼辟不

容避聊脫黃帽穿征衫元戎器業光鼎軸百萬貔貅爲部曲仰分

憂顧新登壇愼東英僚佐推轂平生韜略慮一朝側聞烽靜無氛

妖將軍三箭天山定于羣塞馬嘶風驕

少川兄貧瘁甚見屬求寓館未遇好事者聊作詩以寄因以速之

我兄弱齡推了了手不停編今髮禿人中滯論能立判筆下陳言

皆立埽多如雞跣歎積學大似牛腰看屬橐敗絮自擁不言寒書

牀坐穴那知老逆旅無人識馬周除舍何當館孫寶水波未合急

相過漱醪聊緩憂心擣

寄題吳江王文孺份解元臞庵

臞庵散人築隱居自稱山澤之臞儒邀風貯月有亭觀以道自廣  
何其臞三江雪浪魚龍窟千古浮天仍浴日乍吞涯淡歸醉胸時  
卷波瀾入吟筆天儲此景非寒窘經營傑觀規相準萬株蒼石雲  
劇根十頃紅蕖波照影異時壁沼搖毛錐同門太半通金閨一班  
一級何足道賦歸有此知為誰境清恍與塵寰隔髣髴天隨舊行  
迹聞道朱黃近筆牀定有叢書增笠澤

次韻慶善九日

舍南自灌五畝園滿種黃花待親識明朝酒熟當壽君卷白不許  
餘涓滴湖海浮家作寓公醉醒幸與騷人同一座盡傾塵表物不  
須舉扇障西風

再和慶善

但將詩酒樂重陽咕囁深嫌程不識已呼明月倒芳尊更浥滄波  
供硯滴多聞素仰百六公飄零邂逅笑語同明當數助擊鮮品鼻

頭出火耳生風

送慶善之江陰

南州地氣真火維午暑勢若遭蒸炊風亭水榭不救暘如何汎役  
衝炎曦四年道路俱六月叩門急義非君誰小篷暑行分不免著  
書暫卷春秋帷借船屢枉逸少字質錢敢以班史辭一麾尚與數  
人共西江得水知何時況復外事繼嬰擾主孟頻歌烹伏雌天其  
或者降大任必先空乏其儲資老人索居寓澤國蛙黾同處時迎  
醫麥麩芎藭兩未效政須健論扶衰疲君今舍我那遽反落莫何  
用伸吾眉大恐尺一函招選徑從僂道趨天墀

嘲淵明代答

按原本此前有嘲淵一首今編入七絕

君不見七百石了麴糵事二千石充雀鼠耗澆腸果腹固有餘糟  
邱米山何足道不如酒盡仍從酒家覓瓶中粟空聊乞食  
依韻和子有教授姪寄雪詩

空中紛霏誰翦水夜半天窗明臘紙天將奇寶借詞客使酒驅詩

難但已紅鑪活火然松明閒施博局呼明瓊區中無此清絕境疑  
是縮地來蓬瀛從來聞說三吳道飄瞥郊原看最好且願畱爲不  
夜城揮戈卻日還穹昊講郎才韻今可人聞客欲至顏津津急埽  
階庭施木屑跋馬去作陶家賓

衛卿弟和詩佳甚復和一首

俗人雪句如翻水陳言堪弔剡藤紙子詩清如扇上讚使我三歎  
不能已妍姿與雪爭輕明白戰不到飛瑤瓊西神山畔芙蓉水好  
招煙艇浮澄瀛千巖不必山陰道何處輕飄看不好百觚判斷速  
呼客莫待睨消還昇昊天備此景娛閒人貼瓶潑茗甘流津茅簷  
從此便歸隱不待人呼祁孔賓

衛卿弟賦詩見貽和答一首時有從軍之興

我如老屋人多閱翫麟如君真可說長途未騁駒伏轅窘步無堪  
鮒依轍諸賢袞袞位華顯獨子棲棲困巖穴何妨虎子聊一探況  
是龍泉未虞缺前時羹稀客告去爾日瓶空糧又絕不緣閱己賦

牢愁獨爲傷時拭清血燕頤食肉骨素奇龍額封侯計非拙勉旃  
鬢鑠出據鞍收卷毛錐從此決

明月峽

李□山記皮陸詩紀述茶事真歷歷枕流亭北池七里萬仞插天  
雙石壁懸崖倒挂天銀河武敏尚存西楚迹昔賢招尋多好事例  
以姓字刊巖石青瓊綠髓茶始生報春鳥鳴山晝寂茶民研膏柏  
黑黏香焙鑿山深二尺急程苞貢御簾開宮娥進水傾寒碧只今  
土食歲不供舊事獨有山英識躡人水厄不厭數耿耿不寐幾通  
昔他日重來覓舊題應歎流年如矢激

工部兄新治小閣壘土爲火鑪戲作勸召客

簡許開尊殺青竹俎有肥粢簋饌粟招呼未聽洗醴肴故復吟哦  
小詩促能使將軍當不貧請召宗姓仍反身擁鑪便是入窟室於  
粲灑埽情兼文我今愁如居廣柳萬斛量之應更有內典暫輟筭  
海沙羣經尤慵開戶牖政欲酣暢融心神村郊魚鳥皆來親不憂

坐上無武子羣從一天麒麟

大父通議無恙日開軒燕處有桐孤峙因名琴軒初不措琴嘗作

記敘意而偶失稟本故今家集不載比者與之姪閱故書得之

見貺喜而成詠呈六兄工部兼簡弟姪

嶧陽奇軒高參天對以華屋名琴軒軒中寄傲隱君子方瞳鶴髮

臞儒仙閣中默契絲桐理不待徵絃出宮徵柳暉筆捶佐屬文淵

明手撫聊寄意一篇敘此藏巾箱款爾六丁下取將世無安世誰

默識才異東暫孰補亡神物護持今復出數紙蛟蛇親手澤敢辭

援筆補遺編謾致區區貽厥力

諸人各見和復和一首

我祖還笏歸樂天不羨帶冕兼乘軒埽門笑傲寄元趣一龕相對

惟金仙辭藻翩翩能析理字字清奇中商徵響泉韻磬初不施見

色聞聲自真意從來家學傳青箱祿侈萬石今方將此篇不愁暫

飛去天相斯文終不亡孫曾秀傑今層出餘慶仰承君子澤莫言

臨絕似獲麟請看筆頭扛鼎力

沈必先殿院與求用策字韻賦詩見贈謹依韻和時居盛林

菁山遽用檀公策水村來作浮家客五年霄漢隔音塵此段相逢

喜折屐荒陂難覓鈇鉞潭胸中邱壑有人傑烏臺坐逼癡牀南見

事風生勇成癖逆耳爭先貢卓囊造膝仍頻對宣室只今道梗淹

荒村汲直未肯濟公孫時平已見龜墨食尺一行催覲文石

蒙維心示謝必先尚書餉筆佳什時維心方刊正三國史輒依韻

攀和

谷口之孫材刃鈇如錐處囊立見尖平生苦心在墳索入月猶未

高騎蟾若嫌壽史六十五論次未必三長兼與時諱惡難僂指為

米溢美堪掀髯浪言張華為輟筆至今詆者口不箝因時眾製事

編削管城雖老聊復拈明明褒譏滄涇渭欲向素王師謹嚴已刪

臥龍無將略過實仍刊諸葛瞻原注陳壽與二人有隙故稱亮無將略瞻名過其實東陽尚

書助述作束穎分餉出寶匳自言宸廷夙霑賜今以歸奉餘不潛

原注維心自雞距鹿毛青鏤管品制一一形標籤昔冠神羊書白  
號餘不山潛錫如鍼砭并與書法奉君子大書特書不可淹懸知南  
董奮直筆首於三馬誅姦愴

次韻王得之方也父子翫月

先生夜不眠愛月真癡絕呼兒飲文字桃黍聊一雪清光入酒墮  
胸次照見萬卷非涉躡商容顛氣寒徹骨況是冰輪圓不缺中宵  
影倒萬頃池上下金盤兩澄徹廣寒靈媛多飛瓊煙凝露暖收羣  
聲魚冷跳波聞靜岸鵲驚繞樹當前楹辭直道山來膝上郎君吟  
興紛縱橫詩成父子定知己門有佳兒真靈馨不須靈液玻璃盃  
一夢瑤臺亦非遠

楊泰初

權縣丞數寄示詩文作詩紀謝

關西家世東都相襦褐十年今始壯一官棲棲百僚底口象翹翹  
萬夫上憶昔曲臺尸列卿謬廁春闈慚哲匠英俊下沈勢欲拔文  
章橫流期少障榜中上第溷元結堂下一言驚叔向頻蒙古錦倒

清篇更枉長鬚問無恙詳觀歎賞欲投筆退慙麤疏堪覆醬吾衰

文意已

嘉量 解元許為寫照作詩求之

程良器

嘉量 解元許為寫照作詩求之

虎頭千古丹青傑誰言黠中有癡絕手揮五絃真勝詣頰染三毫  
更超越自言四體媿或妍顧與妙處無相關炯炯雙瞳點圓碧筆  
下頓覺神明還程郎言語妙天下畫復通靈能變化埽除俗骨畫  
如詩摹寫天機詩似畫竹齋溪嶼數相從似蒙僮僮窺塵容詆訶  
眾史露拙速疑有心畫藏胸中寒鄉鼠目蠶頭子葛帔練裙謝龜  
紫幼輿政自邱壑人試為寫傳巖石裏

次韻范昌齡

大有 慶新居

我家渺在澄江浦汎宅來依白蘋渚客居十載席為門上蓋茅茨  
下榛楚邇來作舍倒歸費聊為兒曹庇寒暑千巖萬壑相嫵媚似  
以身嘗為地主樓外煙霞邀吐句堂中墳史供稽古歲晚居身可  
否閒簪裳東閣饒安閒深媿詞人相俎豆鶴書應不媿鍾山

先公忌飯僧悟空興之姪有詩和韻

君不見毘耶居士人天英化佛億萬丈室盈清晨香積一盂食厭  
足一切緊法力又不見手提塵尾生公廬說經妙蘊幾無餘豈惟  
緇素日會面粉碎虛空雨花片我生歸命海潮音況復劬勞諱日  
臨三孤遺像涕沾臆建齋遠儼取掉闔悟空誰是悟真空門前灌  
水吟悲風

贈星洲僧了然

禪林古有一宿覺講席嘗聞一徧照凡馬十駕及駿骨況子秀穎  
顏齒少星洲巖壑鎖雲煙千柱浮空覺王廟似聞焯掌作書淫乍  
或橫肱究心要明窗淨几學參玄二途一得可前料香浮牛首禮  
圓光唄似魚山勝長嘯聞口女士豈忘言機鋒嘿贊潮音妙

和陳簡齋韻

馬鞭雖長不及腹山林朝市兩角逐華堂誰挂元吉塵坐使朱門  
變林谷龍章鳳姿自有種山野頭顱未為辱長沙寫真得天趣下

視馮尹皆奴僕君不見青州劉幡得意草能遣死麕骨再肉又不  
見廣平射麕變浮屠因罷校獵投金鏃兩幅陵陂榭葉香萬儔共  
樂春草長昂頭安尾無所畏窘拘知勝觸藩羊原注吉善畫麕尤精榭葉  
依韻和興之姪

一真那有黑白業佛囊枉用為書篋人人反照自圖成說甚一花  
開五葉了無結習便超脫因有挂礙生怖懾山鬼窟中求活計立  
關欲透知何劫匝天徧地自心源若鮮承當真要捷樹林水鳥皆  
法音露柱幡竿光燁燁世上盲聾啞人試問道師作麼接  
寄題伸仲芳美亭

漁舟一出桃源路煙鎖雲埋迷舊處那知九龍有仙村漫山灼灼  
花無數人言卻老是此花只今已似劉晨家微風披拂飛紅雨杲  
日照耀蒸紅霞似聞花閒新結字醉吟多是緩山侶更求人面相  
映紅我欲叩門求雪黍  
圓復師將游四明用道祖韻作詩贈行

禪宗不減宿一覺文性還同照一徧啞羊豈是一流行漆瞳爛爛  
巖中電機緣未遇闕金隄雲水光中挂衲衣定回時起橐駝坐秀  
句一吐胸中奇過我郡齋那聽去袞袞談玄侵日暮西風吹面作  
新涼騰裝欲指鄞江路一庵錢料山幽深欲拋印綬聊招尋倦游  
歸來問無恙東第飄然正角巾  
招道祖簽判嘗暑酌辱示佳篇記事輒依韻奉和且約再水釀云  
君不見兵火連年擾江漢一介蓋臣無斷斷列城守將遁或降那  
得捐軀顏與段塵兵喋血八年閒西失平夏北折蘭奔軍知是何  
雞狗坐想飛將張與關草莽臣謀未云獲且復澆愁傾大白平時  
徒有扇障塵一笑未辨鬚纒帛相邀聊共聖賢中但愁燭跋鴟夷  
空沈醪不畏輕出舌驚懼懸知不入胸午夜醉歸聞踏月林影灘  
聲助清絕糟邱好向水村營壑谷正爲吾曹設儒生嗜酒多有之  
高陽醪酌無所缺莫言酌我甚無多休彈賀若唱回波騰騰相送  
入無何

二十五日道祖滄浪亭落成召會

東園延表不論畝樹子成行俱楚楚方池瀾漫漲漣漪藕花清酣  
嬌欲語臨流新築滄浪亭斧斤斷手邀落成蘇家風月舊無價千  
金買得亭知名穹廬飲馬吳江水長洲萬井紅煙起齊雲樓觀委  
寒灰那有相家歌舞地稽山別乘今豪英肯將勝事頽家聲青氈  
舊物今在眼鬚髯北牖仍東榮把盞聊爲主人壽亂離已往空搔  
首請看前日闌巫醫豈有閒情舉尊酒朝來大火落南躔已覺病  
骨蘇涼天賸擣橙齋歛鱸鱠全家醉倒秋風前  
流杯

美哉洋洋曲流水碧可染衣清徹底我傾山資結茅舍兩載經營  
端爲此春風上巳一月前小試喫事來水邊胡牀醉坐略少長羽  
觴輕汎隨洄沿道人護戒無酒欲笑挹清波作醺醪崖蜜相和代  
引滿自言過免三十六隨緣戲劇亦何嫌勝遊從來支許兼久知  
世味如嚼蠟未應貪著中邊甜

次韻道祖大水

君不見綠槐蔭夏搖千門移秧徧野燥盈盆天公忽作彌月雨憂  
歲上勤黃屋尊我家茆廬劣容膝隨水傾摧非瑞室街衛生魚堪  
佐饗簷雷垂龍欲穿石仰天又見興油雲乾雨誤點波連村馬牛  
不辯固其理龜鼉同處何容論休歎棲直接飛翼林端會見賓紅  
日木饑水毀儻時運救災行看恩洋溢

同道祖及子舍遊茶山歸因成

寒窗送曙雞一鳴尋山尋食天初晴水口溪窮爲停棹步攜東坦  
仍添丁虎頭巖高山色好竹輿遙睇眼爲青花瀨濛濛勝紫氣微  
花拂衽聞芳馨岌我懸白與天接腳力欲趁飛猿輕此邦佳處徧  
尋陟夫差所顧獨未經茲遊野服穿不借自勝五馬仍雙旌憶昔  
貞元守修貢木瓜堂廡輝山肩兩邦歌舞競姝麗穀雨不許遨頭  
醒只今金沙雜榛莽空照華髮垂星星近澗喧豕泉瀲灩遠峰嬌  
膩雲英英山僧意勤苞紫筍傾盞一笑無平生息黥補劓有甘寢

夢覺起作遊山行

新池水涸股引于前溪辱道祖來觀

吾廬新築薰風堂其下方池手親掘畚插初無鄰里相垠隅那有  
波瀾闊旱涸俄驚坻龜兆灌輸未免翻龍骨街南大浸卷滔滔巷  
北小渠來汨汨膠杯忽覺水痕漲抱甕免嗟人力竭已憐紅芰浹  
枯菱更喜蘋鱗救濡沫幽居勝事快先睹上客高軒爲輕出蛟龍  
好在且泥蟠他年豈復池中物

初得庵基於菁山用立方韻請道祖同賦

身閒那贈繞朝策來作菁山數旬客結庵痛謝九流賓輕重嫌人  
分履屐才通箭道菖蒲渾幼興政合居山巖鬪健更須升絕頂接  
天巨浸浮東南從來不辨王濟癖石磴騎危甘腳歷欲將土木化  
荆榛坐歎清風來入室練裙葛屐居山村共怪膏梁相國孫祝雞  
爲鄰言不食自此相從煮白石

道祖見和復賦一首

人言不飲第一策況我攜貧來作客破衣任笑頻見肘斷鞋不辦  
時新履□□公望非丁潭世人誰許瞻巖巖豺狼滿道生理窄立  
錐方卜南山南十年邱壑幾成癖澄懷坐想真歷歷難希蔣詡開  
三徑且學陳蕃事一室時危花柳自成村未害含飴仍弄孫淡飯  
且安禪說食儲錢更買奇礮石

大暑新居納涼和小子韻

至後金柔伏日三旱氣焚空勢如熒火井湧沸煙生嵐鶴髮遺老  
素未諳我居瀕澤深耽耽修廊飛廡賢僧庵薰然好風來自南如  
甘露門開瞿曇如客懷冰吐清談有亭自雨臨深潭不假涼草生  
甕甕天日炎赫反所貪我窮儲無石與甌枵然飢腹空婪酣后皇  
矜憐百不堪免使熟爛聊包涵王臣袞袞穿朝衫跨馬揮汗流朱  
藍獨逃塵鹽侍魚泔坐亭逸樂捫心慚

關目

山村艱食字畫合齋鉢相呼坐僧榻今朝瘦羊忽入饌云是酸餘


徹腹臘年大才疏合退休尚玷恩華只自羞賞延疊疊來踵武命  
服童孫尚霸午

仕宦由來須遇合未遇杜門窳穴榻尊無汎蟻浪經春突有懸貍  
偶乘臘郡印還官得小休桑樞席門何足羞幽居不羨裴掌武綠  
野堂前橋號午

立方關小閣興之姪作詩勸會客次韻

吾兒立學師老懷嚴持月六入關齋新來五辛不入口坐使妻歎  
生不諧自言文室淨名量惟期禪侶來存訪栗里豈獨尊常空亦  
乏秦聲亂春相朝來天雨瑤花霏句如連壁來交輝鹿柁茶果亦  
易具不爾恐致膏肓譏幻界政應頻燕喜酒盡爲謀當更起趨庭  
爲爾復緩頰一旨旣嚴難但已

丹陽集卷十八



丹陽集卷十九

五言律詩

次韻大人待次吳陵邑五首

待次吳陵邑身修道日章蘭陵畱古郡花縣得鄰鄉未即搏扶上

端嫌代斷傷蕭條文墨外樂趣問濠梁

待次吳陵邑優哉閱歲年鳳池疏海角鷗閣竦城顛蒔藥時分穎

栽花自漑泉新篇談笑就寄自魯邦傳

待次吳陵邑行趨寶婺邦蔥龍連越岫澄澈泳桐江八詠風生座

雙林月映窗勝遊知不晚官履欲飛雙

待次吳陵邑常安揭小軒祇從支遁隱不問景純言顏巷居多樂

陶廬似少喧朝歌屈虞詡清切未殊恩

待次吳陵邑鷗黃報早春紅歸花蕾淺青到柳梢新窮約那趨俗

虛緣自葆真榮枯多反衍坐嘯儻頻頻

和送張元方南京掾

下位沈英俊青編樂自多官曹依綠水詞筆注黃河初日嗟貪鼠  
今年未飲鵝陪京資祿養何計免奔波

題橫林館

治劇知非稱投閒得退棲聊從詩酒污頓免簿書迷幻界榮枯小  
真乘寵辱齊橫林孤館靜辰發踏荒雞

題須江驛

寓館飄風雨高文耀日星原注驛有開身關歷覽左宦在零丁不見雌雄行子厚詩見空存長短亭襄陽知漸近峴首映寒坳

次韻李子京宋城道中詩三首

沙岡牛酒市渺岸指前程斷梗隨鷗遠殘霞與鷺平原注一云雨脚因風斷濤

頭薄暮平村聲喧映莽林影到澄瀛俗物難遮眼支離病骨輕

通塗了無畏清世足章程擊壤民風樂持衡國勢平米鹽豐道路  
桴鼓靜寰瀛佳氣怱怱近心隨過鳥輕

積累三冬學淹通萬古程孤高吳子札該洽蜀君平曹事今司李

官封近接瀛公階口有漸五斗未容輕

寄題海會晚寶軒

素節清霜重金苞照座隅根深容四老品貴入三都騷客真宜友

侯封未易奴舊時書兩廟感事涕沾濡原注元豐中先祖先人各嘗賦詩壁間歲久不存今

住持宗定來索親筆授之

登攬雲亭和工部兄韻

危亭聳山巔縈紆一徑穿林深將蔽日濤怒欲浮天江北迷隄樹

淮南起餉煙結庵容寄傲從此息攀緣

次韻和慶善遊圓覺寺歸四首時僕亦方自徑山歸

青鞋訪雲水僧饌飶菱蒲落拓人誰識迂愚世所無鷓鴣從物化

牛馬任人呼世事何須問諸公在禁途

步屨尋幽子談玄孰造微離羣雖念獨選勝遂忘歸世路從爭席

年華逼授衣生平付雙瑣手撫送鴻飛

招提行閒道末學倦編蒲不際方為際應無今盡無歸來聊自賦

隱去謝人呼宦路分夷險平生誰識途  
黃花兼露重白鳥帶煙微雲伴淵明出風隨曾點歸經邱攜芟製  
視膳輟蘭衣景物供清興詩高直欲飛  
夜歸不寐

流鶯驚節物樂事二毛前山簡不堪醉淵明方欲眠談餘愁似繭  
坐久腹如蠟日出重游衍殘花有杜鵑原注謂之映山紅

次韻慶善九日

二九依辰至追歡付麴生竹根拌醉臥菊蕊正牽情杜曲酬佳節  
陶翁愛此名吹花更吹帽相值得豪英  
慶善再和復和

異縣逢佳節羈愁太瘦生黃花真解事白首緩傷情十日尚堪醉  
一杯猶有名眼前多勝士何必洛中英

幽居二首

幽居無俗韻勝事特關心研度疲三豕牀敷戲一禽覆舟碁自戒

中聖酒時斟瀟灑侯來訪窗前綠透林  
名勝音塵隔懷賢自渴飢千巖聳秀處一榻獨懸時盛夏衣裳嬾  
深林枕簟宜招邀何以待數卷誦仙詩  
卽事二首

四月麥已熟清寒久不禁林深來蜀魄屋破絕燕禽幽屏兒仍出  
貧居病更侵蕭然北窗下跌坐獨求心  
巷轉柔桑陌門依綠柳橋因人嫌碌碌拔俗自超超嫩碧半篙漲  
殘紅一眼飄卑棲有微分尺鷃得逍遙  
試墨

爲適閒中趣晴窗試墨卿磨研輕有暈條暢細無聲紫玉浮雲淨  
寒煙點漆明鳥鳴春晝寂一笑萬緣輕

微雨小飲客至闌人辭以出令追路已不及偶作

昨日持三白今朝解八支聊爲犀首飲儘笑虎頭癡冠履從來嬾  
杯鐺且足持是中多樂趣勿遣外人知

題庵壁

葛翁攜葛姓小榻葛橋邊葛泉出蘿葛一派自潺湲咫尺葛山觀  
金丹問葛仙耳孫忝瓜葛行隱葛山巔

龍井  
古甃泓澄淺涓涓似有源蒸雲驟游宇吹雨忽翻盆泉伏微如燭  
泥蟠肆任蛭斲然頭角見坐禪葉公魂

龍堂  
一室飛山腹蜿蜒像設精班傳五色貴食辨百花名睡領應難探  
雲鱗詎可嬰從祈得甘澤棲壁有碑名

觀山謁蔣叔明靜趙鄰叔改翼二墳  
寒食觀山道佳城隔隴分趙公今不武蔣老去修文歌雄猶前日  
栽松已插雲生平各投分祭酒薦蒿焄

昭懷皇后挽歌詞二首  
大作元符合哀榮極始終陵陪永泰近禮視孝章隆隕主躋新廟

廠衣賁下宮柏城連獻愍蕭瑟夜臺風

寂寞崇恩殿颯輪去弗還尊名千古外顯冊兩朝間坐冷金缸暖

香消玉斧閒神遊返姑射脫屣謝塵寰

李楚老尙書挽歌詞三首

席寵三台後疏恩八座榮朝廷真大蔡邊鄙更長城戾社符刀夢

玉墀識履聲陰功歸壤子袞袞出名卿

東里推人傑西清列從班袴襦康二蜀裘帶靖三關赤白囊無警

朱丹轂遂還登龍門舊貴奕葉道家山

得謝恩重起追榮爵更崇龍蛇新歲是鷓鴣舊行空圖像人懷惠

尊名帝念功遭時掩陳實大耋偶相同

方待制輓詞二首

瑣闥樞機地儲闈羽翼人蒞儀容曲備校曆閏餘親雲路箕乘說

泉臺嶽返申荀龍行濟美交舊獨傷神

佳城醜酒奠長夜殞星知今代儒林傳諸方德政碑朝廷躬蹇蹇

邱壑自怡怡安得研幾士推窮妙萬著

莫子憲中奉挽歌詞三首

嗜學唯何甚飛聲實九如郎星頻省戶卿月轉周廬桂奠房祠酒

芸殘冊府書音容千古外墳楨闕南徐

材資合黃閣器業偃朱轡教府依模範樞庭驗討論成梁繫杜預

障水幸王尊二紀朋僚舊追懷慟寢門

令子承家學諸儒擁後塵無雙問江夏第一擢平津宣諭傳黃甲

褒稱對紫宸公師有追賁行慶密章新

致政朝奉親家丁公

安常挽歌詞二首  
節概松干丈聲華桂一枝牽絲始游宦解組遽安時人羨拋官早

身嫌了事遲反真聊示病曾不謁巫醫

貫籍光明殿頤神通德門慶源來化鶴高隱謝驚猿冕紱承前範

箕裘付後昆論婚情義重□□獨傷魂

胡誠甫朝散輓歌詞

學擅專門邃年躋賜几尊降崧鍾秀氣遊岱返英魂宰樹黃巖拱

房詞赤紱昏密章行胙國有子大公門

凌丞事挽詞二首

銓材今秀孝較德古沈冥已悟桃花理猶繙貝葉經妙觀存述造

陰德有平停今夜稽山道天沈處土星

紫誥恩華重青綸命服榮無香然玉釜有子勝金籟禪解超尊宿

鄉評服老成棘人深孺慕奉土作佳城

許處士挽詞二首

場籍聲華茂家庭志意修光陰歸翰墨器業謾山邱學府空雞蹠

賢書誤鶴頭門基多克荷袞袞出公侯

睢陽忠烈後泊水老成人庠校推模表州閭訓睦媼決疑辭郭璞

營急似陳遵碑字深無媿鑿坡得從臣

魯國太夫人楊氏挽歌詞四首

教子青雲上持身白業中挾醫來相第賜璫出宸衷鸞誥前恩在

魚軒舊轍空東方妙喜國斷取作幽宮  
未肖甘泉像先疏曲阜封春秋縣六紀甘毳極千鍾遠日朝廷趣  
容車郡國供吳人交惻楚相杵夜停春  
鱸堂推胄貴蟬冕媿夫榮玉金香無驗金輝館已迎鵲梁占胙土  
龜墨報佳城今代誰詞伯刊碑遠德聲  
子貴今台輔才高古蓋臣與民開壽域爲國幹洪鈞會友傷陶髮  
迎師憶孟鄰樂樂親負土腸斷冢邊麟  
五言長律

學正郭勉夫示詩次韻答之

有道家聲遠沈機足幹時松生非培塿檀伐待淪漪虎脊卑凡乘  
蛾眉疾眾姬一鳴驚伍舉千里器王珪德令温温著名香藹藹馳  
披莊問同異執禮判嫌疑操尚傾涓子才華進客兒適齊非鼓瑟  
逃楚笑吹篴藝苑高三絕書庠肅五儀涌泉惟敏思翻水播英辭  
計吏趨蘭省諸生偃璧池行殊師也過論鄙釋之卑默識板安世

東方劣惠施風標寒似玉機警利如錐高翥千齡鶴前知五總龜  
碎金珍謝傅餘錦夢邱遲謬學邯鄲步工施渾沌眉文科將赫奕  
榮路卽威夷器業今爲重功勳士所期他年青竹上凜凜看名垂  
勉夫示詩鳴窮甚哀因次韻答之極其貧悴之態而卒勉之以科  
舉庶廣其意也

落落超餘子干時命未嘗摧傷窮文陣拓落尚書庠賓貨無山積  
毛羣欠谷量蝸廬寒不展龍具夜何長牘謾三千富年侵四十強  
有車乘下澤無夢入高唐藜糗甘珍薦桑樞自峻堂書傭跼淨院  
春賃寄修廊異鬼時相笑鄰家許借光低徊呼轍鮒進退觸藩羊  
原憲貧非病榮期樂處常財雄劣程鄭資鉅笑秦楊甫里田多潦  
尋陽徑就荒白駒嗟逸豫黃鳥怨遺忘薪乏支離束錢空趙壹囊  
晨澣煩乞米夜讀待然糠詞藝聞精敏名聲已激揚登榮將赫奕  
處困暫徊徨志氣宜軒翥文辭忌怨傷逐貧高賦就豐廩換龜腸  
中秋和韻

涼夜清商半層空素月初騰清來洞戶委照入空廬銀海亭亭上  
金波煜煜舒纖阿今夕御少昊昔年墟魄射澄瀾倒光涵脫葉疏  
階莫生乍足庭桂落堪鋤東鄙人摘藻西園客燕胥未高尤激濫  
當午更脚踏氣挾金飆爽光從玉宇摠鑑圓疑傍架輪正若依輿  
影挂千林上明同萬里餘雲開無點綴火退覺虛徐滉漾吞星彩  
晶熒遡日車驚枝翻異雀減腦謝游魚田淨瓊初種窗明雪未除  
胡牀情戀嫪小舫興勤渠珠盛輝滋水潮高壯尾閭傾寒滌肝胃  
揚彩媚衣裾郡古休敲榜官閒置簡書萬家興醕鼓愷樂旒維旗  
次韻逢叔喜雪

始見穿簾隙俄驚照屋山春容先苑樹夜色誤城關砧積疑鋪練  
盆消若盜環酒醇懷汎蟻詩敏過求鵬滉漾迷珠澤便娟掩玉顏  
人飢甑共曠馬凍薦難慳勢急因空亂形移任地班舞深爭巧點  
轉細弄幽閒淮右提師入山陰訪友還江湖禽影斷絃木未須彎  
次韻李倅安上喜雪

兔苑佳賓集龍山上瑞臻微飄方自弄亂灑忽無垠翦水層空墮  
裝春病枿新續翻投隙巧歷亂點衣勻隱每隨風陣高將擁日輪  
階閒鋪六出簷重壓千鈞片落梅初謝毳飄柳未鬢賞清疑不夜  
驚晚誤思晨朔漠寒沙起湘吳美耐陳地荒包委瑣木朽蓋輪困  
舴艋尋幽客蝸牛臥冷人稍晴芳意動散策共尋春  
再和

皚皚盈尺瑞及此臘前臻滉漾連三暮縈盈徧九垓青腰陰巧露  
白帝羽儀新坤軸埋藏厚天潢瀉落勻瑤林變園榭縞帶逐車輪  
膏潤歸農畝雕裁自化鈞吟寒詩膽健裝冷嫵眉顰點袖朝正日  
侵鞞立仗晨境同秋月淨句鄙散鹽陳白玉藏千室黃雲卜萬困  
江皋迷宓女姑射想神人早晚晴光動郊原探早春

十二月初四日進吳山院  
穩坐踰年矣渾消髀肉頑兩兒挾籃輦十里訪吳山佛老聊施佞  
官曹未畏瘰煙林窈窕窈巖漚揭潺湲樓觀修篁外招提翠麓閒

澄危愁憊力潭淨怯衰顏身縛何因脫心紛得暫刪歲窮嗟俛仰  
境勝疆躋攀臘出因休吏哺歸反閉關相將投此憤永伴黑衣閒  
走筆追記十二月九日潭頭之遊

三益得豈易一遊營亦難地偏如避俗春早自排寒霖潦逢初霽  
年華念欲單措節上遐眺挈榼展清歡茶鴉千家密梅林十里寬  
幽尋窮窈窕危陟徧攢屹有地堪肥遯幽人卜考槃後前羅峻嶺  
左右繞驚瀾西望雙藤老南瞻巨石磐千章叢古木九畹秀崇蘭  
手板看蒼翠軍持上激湍醉鄉因蟻耐水厄爲龍團晚景雲低樹  
歸逢雨壓冠原注一作濺明驚烽火逼小艇起前灘

十二月二十三日立春中散兄講棣華第六會是日天大雪小孫

女出綵旛勝及花柳精巧夜漏且五鼓方罷旣歸不得寐偶成  
律詩紀事拜呈中散兄兼簡公任阜民詳定侍郎道祖簽幕判  
院朝提轄奉議卿任寶錄待制

異縣逢春啟羈懷百不堪頻傾次道釀聊喜阿雲談棣萼仍清集

辛盤助半酣綵旛驚節物玉屑瑞田蠶太簇律初應德星堂不慙

共誇筵秩秩那羨府潭潭濟美三分後原注謂章劉二家逃禪二老參原注

謂中散兄及己清歡時擇勝冲操自廉貪丹荔來閩部黃魚出嶠南雲泉

烹賜茗羅帕薦珍柑徑醉香浮座言歸鐘動菴蕭然文字飲共賦

鹿鳴三

六言詩

六月六日大暑市中無肉庖廚索然作六言三首

翠竹碧梧入望紫茄白苧供槃未辦楚王雞跖難求閔叔豬肝

常饌素諳苜蓿忍飢何必檳榔自歎麀頭鼠尾難求蟬腹龜腸

三白舊甘蔬食八關聊復齋支蟻酒似聞將熟蟹螯應得重持

再和三首

晨滄僅有醢豆夜飲應無燭槃屬何取雞肋委順甘爲鼠肝

野步自鋤蘆蕪輕塵試煮枕柳坐喜青芻入眼不須紫竹搜腸

腊毒雖無後悔轉雷已覺難支異饌那施方丈寒泉且飲軍持

七言律詩

二陳作書懷詩亦次韻

山城真稱著寒儒繞屋青蒼似故居吏牘糾紛慙磔鼠齋廚蕭索待汨魚嬾如園令將移病窮似虞卿合著書賴是豐年民氣樂夢回時見旒維旟

園空訟息復遇肆嘗庭事蕭然蒙良器解元寵詩輒以二章為謝一官銅墨付疏頑歲好人和偶未瘳東畝黃雲糜芑臥北扉青草繹微閒鶴亭夜覺冤氛靜蠅筆晨驚浦澤頒倪耄歡謠歸帝力風人溢美但頰顏

編戶相安易得情年來狴犴每刑清庭間不復施梧象俗朴聊同示草纓牆背僅能平枉撓需頭那復覲褒榮原注來詩有皇皇繡斧幾時來願采民謠

獻天子人言官事無由了暫得居官事了名

次德林新亭詩韻  
銛訟無多得暫閒結亭就柳碧鮮間胡牀寄日中宵月手板支頤

四面山楮帶水禽流淺瀨帆隨煙艇轉前灣登臨似與塵寰隔況

復朋從接筍班

次韻子充九日建天寧道場罷遊堯祠

悒悒無聊坐學宮銜杯阻共玉西東祝延精舍臣心重擇勝叢祠

友好隆休歎青衫淹小縣且從烏帽落商風喜君句法無饒字始

信才華夢得同

次韻德升遊堯廟

顏垣老屋寄荒村八彩修眉儼若存古砌荒涼無曆草奠觶牢落想衢尊雲山繞郭清如活煙艇搖波渺欲翻循牒歸來同勝賞免煩諸友為招魂

九日汝明畱郡中不遂同遊以詩見寄次韻

三年卜築慕幽人九日無歡媿病身始謂窺臨陪勝友那知岑寂度蕭辰醪敷卷白欣初熟菊蘂舒黃正斬新聞道小蠻新教舞歸時呼客莫辭頻

題觀音院

弱水無風到海山慈容親覲紫旃檀亭亭寶刹凌雲近湛湛清池  
漱玉寒橘瘦獨垂紅萬顆竹迷曾蔣碧千竿熟官步武何容到散  
秩須知第一官

諸生絕糧偶作二首示勉夫

庖廚落寞不堪聞彈缺無魚甌有塵誰識簞瓢顏氏樂可憐鮭菜  
庾郎貧固窮始合稱君子臨難聊須語細人曳綈長歌商頌在未  
應懟憾去來頻

飢腸愁坐耳無聞放飯先疑甌拾塵聞說食功非食志政宜憂道  
不憂貧佐饗但有思嘗者執爨初無欲倩人好向計臺勤自列文  
移見卻已頻頻

次韻劉卿任阜民對假菊花嘗新酒  
隆冬急雪舞淄澠那得鮮鮮細菊呈何處幻師來術巧此花詞客  
最鍾情盈尊更值醪敷熟下筯仍欣鱸縷頰應笑蓬蒿張仲蔚忍

寒獨坐到天明

次韻德升見懷

米廩無喧似結廬一簷寒竹伴幽虛閒閒桑落傾浮蟻淨展芸籤  
拂蠹魚頻枉詩筒從我讀已畱齋壁待君書二千石子人中爽風  
月高情更起予

次韻德升再講酬唱

蓮社追攀每愧心詩盟此假偶重尋孤高舊壓元和體清警新聞  
正始音龜洛賦成應奪錦雞林價重定酬金自憐潦倒無佳製東  
望家山但越吟

次韻蔡安度秀才賦鹽

法更鹽筴利源開瀕海熬波疊疊來貢能燒羊謾南北原注高昌國貢鹽南  
燒羊山者理龜北嘉邊形虎窟榛梅鍛圭槌壁嚴疆域積雪飛霜  
阜貨財滋味佐饗周九土柳星端合祀壇垓

青州試院次監門韻四首呈同事李補之

无咎簽判王立之 柏劉

至父及二宰鄭存道與權司戶李志道致縣丞

朱顏幕府美如英  
庇邑優閒閉訟庭  
語掾氣剛工論事  
講郎材拙只橫經  
相從此地初披露  
卻望遙天想眾星  
連發試題乘不備  
毋令掩耳及驚霆

東秦人士富豪英  
鄉老賓賢上帝庭  
玉筍未知誰得地  
金籟聞說賸通經  
雄秀氣各干雲漢  
妙製文多煥斗星  
水鏡諸公標鑒在  
大聲從此起飛霆

尊酒重陽汎菊英  
此時應得到家庭  
奔趨試席雖深貫  
囚鎖文闈苦未經  
夢入故園時栩栩  
愁侵衰鬢欲星星  
評文賴有金閨彥  
敏手從來號震霆

前山雲物望英英  
拘窘無從出戶庭  
葢眾未知除患術  
居閒聊喜衛生經  
客塗淫滯將彌月  
王事勤勞每戴星  
已恨歸期誤占雀  
阿香何苦更飛霆

再次韻四首呈至父

茂宰才名莫與京  
久宜遷擢潤朝庭  
儒林傳記夸三篋  
聖域淹通貫十經  
豪縣暫頒天子詔  
清資已應議郎星  
危言峻節他年事  
肯向威顏懾震霆

棘繞重門畫亦扃  
白袍搖筆坐中庭  
摘詞絲密多根道  
論事軒昂各傳經  
學博素推通德里  
名高先動進賢星  
知誰吉夢如揚輦  
一石龍駒落火霆

文卷縱橫未易名  
欲搜佳筆送王庭  
去畱彼我心無著  
工拙錙銖眼盡經  
老信虛名真畫餅  
忙知急景甚飛星  
自憐考閱專精甚  
不覺猝然柱破霆

披卷疲勞亦暫停  
相攜款睇聚閒庭  
繪圖細閱吳生品  
茗盃分評陸子經  
榜帖未應憑主第  
文窮端已送奴星  
毬場繫鎖驚踰月  
可信流光甚疾霆

出院有期呈同院二首

門前輿馬已紛紛  
猶爾癡迷校藝文  
山色未容飛蓋賞  
市聲時得

隔牆聞表頭黃尾皆前定王後盧前謾自分頗憶安居臥齋榻淨  
看香霧起微焚

旅懷牢落倦文場憲網拘攣出處妨眼力半消嫌夜燭腰圍頓減  
怯秋霜到家會是楊三喜取第誰同郭八郎趣駕莫孤糕酒會東

籬菊藥已全黃

次韻祝守康鹿鳴宴贈諸先輩二首

清香畫戟燕儒流場籍英材喜博收奮袖談辭爭落落掘衣矩步  
更秋秋新篇獎激華如衮公議歸懷綴若蔬藥榜登榮即從政定  
知果藝過由求

觀光六十富豪英賓送春闈屬鉅卿樂采舊知多藻茹燕敖今喜  
食蒿萃糊名選藝無私見置醴優游有頌聲成就旋歸充貢職魯  
人歆豔始知榮

次韻祝邦直廷題欽鳳泉

萬里溪源出小池喬林修竹映清輝遷鶯榜內偏流落欽鳳泉邊

習遁肥遊覽忽紆都騎貴稱夸更得綵毫揮故山水石那優此肯  
為低腰便賦歸

示友鄉

飛藿蕭蕭晚自零來時灌木始欣榮每因勸學添文思卻為回文  
動旅情好逐諸儒勤釋菜莫憂貧嫂便輟羹似聞闕澤中宵夢月  
裏分明有姓名

次韻若拙碧綫泉

掉繚穿橋一綫過濟南金色漫浮波共疑園客春投繭直怨鍼神  
夜過河貫脫已遺交甫佩縷飛如擲幼輿梭晚風披拂俄中斷拆  
鞮雖長苦不多

諸生詣府見畱再任偶作示勉夫二首

魯堂詩禮號多儒文席非才誤詔除賢路久妨顏已厚儒宮相借  
計誠疏化鷓未敢圖飛翼搏虎誰能復下車詣府自言無以稱空  
銜諸彥意勤渠

安閒喜得泮林居分教無功恨有餘  
閔貢政爲投劾計何蕃空上  
乞留書論文每愧瑕疵汝廷譽何煩俎豆予誰識白雲千里念終  
更計日望吾廬

丹陽集卷十九

丹陽集卷二十

七言律詩

將至襄陵二首

西風寥栗不須悲雲日輕明政自奇  
遠岸綠飄梧槭槭疏林紅露  
棗離離味迴新醕愁眉破涼入單絁  
病骨知試問夜窗燈火讀何  
知蚊蚋撲緣時

千里崑崙一月風乘流初不恨途窮  
南陔就養晨昏樂東榻忘懷  
笑語同牛酒故應推汴上鱸尊那復  
念吳中明朝繫纜襄陵驛試

上高原望鬱蔥

君山飯僧薦考妣元述示詩次其韻

負郭簷楹古道場山形連接楚人黃  
原注君山與黃山接千尋寶刹留幡影

萬里滄波對練光問膳香蘭無復日  
露襟青血自成分才收英器

還尊路三昧高僧笑我忙

次韻敦仁教授述懷

十載文華蓋眾英州庠微祿代躬耕半生甘爲方穿礙此段那因  
曲木驚折角談經於道勝低簪下匕以身輕兩朝大典資編削莫  
向西風厭宦情

近蒙夏蒙夫之文教授用贈太守韻見貽輒復和答

百家六藝日披吟問學淵源已造深舊直蓬山無俗夢今官槐市  
有清陰公餘綠綺乘閒撫客退黃庭每自臨官冷定知塵滿甑誰  
人裹飯慰愁霖

伏蒙達之學諭以詩寵眷生日次韻酬謝

窮通誰復問東龜材命由來略可推去惡敢言除畝蕘律貪聊慕  
拔園葵百年永悼懸弧日一顧垂當解印時詩句清新裛借甚卻  
嫌無當玉爲卮

段去塵教授示書以茶菊自況作詩謝之

高標落落敢評題託物銓量庶似之娛客精神真北苑可人風味  
劇東籬雲腴鬪早驚先出霜葉禁寒屬後期便欲相稱爲二陸居

然桑苧與天隨

旬休延聖院納涼周澶州招飲呈德升詩二首

年來形迹苦西東邂逅招提一笑同世事休論癡黠半物情都在  
聖賢中地靈蒸鬱疑無著友勝喧囂自不通借與方牀寬六尺道  
人知有竹閒風

誨席朝來得暫停籃輿同入法王城清壺照座三棱瑩小扇搖風

六角輕方罽共爭棋上劫頑盆更酌酒中兵佳賓更賴玉思遠霜  
氣能令暑氣清

元巳日王循德孝迪招飲方池宏道兄有詩奉和以紀一時之事

浮爽清波正日遲出郊修禊屬芳時幸陪飛觀朋簪盍未覩華堂  
舞袖傲原注宏道兄有舞命中已于三耦見爭雄仍向一枰知愛

君多藝能傾坐豈但流觴記逸詩

伯兄以家園亭名書壁閒因作

壁閒亭榜記家林獨住雲泉宿昔心千里故園應好在十年羈宦

阻登臨鍾儀長自操南語莊舄何曾忘越吟松菊未荒歸有約不知富貴定誰淫

伯父致政通直取謝靈運詩句作蕭散堂賦詩次和寄二首

神武門高早挂冠自嗟榮路久淹蟠詩辭故故推靈運禪語時時

對道安書字不誇雲五朵臥閒偏怯日三竿遐齡清德全真樂誰

識榮期善自寬

青雲誰羨猛飛翰解組歸來分屈蟠唯以道腴從己味肯將心法

逐人安林迷曉嶂雲千疊舟漾春塘水半竿退隱州閩名愈重坐

令鄙薄化敦寬

賀十八叔父及孀氏受恩封

聖渥便蕃獎義方靈椿雙壽慶華堂品開京秩紆藍綬告錫脂田

闕錦囊家世百年逢盛事庭闈十日拜恩光列封更及諸郎貴祿

釜交迎福熾昌

和克卿兄喜孝卿兄登科

興賢賜第集英春勸學應從孟母鄰黃甲科名新赫奕青雲歧路肯因循暴顯昔恨登龍晚飲羽今驚中鵠親雲陛開陳三道要靈容舉首屬他人

堯卿兄改官升朝作詩紀賀三首

交親袞袞上青雲冷局辛勤自奮身玉陛臚傳瞻覲久金閨通籍

寵光親功名此去未爲晚富貴儻來那有因豫喜郊封榮禰廟弟

兄同列拜恩綸

冷不遷官似子雲但知謀道不謀身文高書局恩華舊秩改朝班

慶□新此去功名應自致從來力命固相因榮途萬里通無礙峻

陟行看奉帝綸

引對天墀獲望雲固知儒學不孤身均輸它局交論薦元會登朝

正履新夕秀共誇披未振夜光那復困無因持荷入侍從茲始龜

紫應卑五兩綸

次韻堯卿兄詩酒中興三首

可惜虛行淮汴路不憂無繼是巴箋任貧任病須歡伯更拙更慵  
猶短篇好拉嘉賓傾若下賸鉤華藻染由拳離羣他日乖觴詠馬  
腹因何更及鞭

舟行詩酒兩相牽豈暇觀書理廢箋金榼興闌多半醉錦囊才亂  
罕終篇吟哦有味增閒適酩酊忘形謝曲拳年大此鄉疑可老宦  
塗羞鬻賈人鞭

恥向權門事鞞板嬾於驛路奏書箋芳醪不厭三千醜嘉頌時爲  
十二篇吟裏情懷清似洗醉中身世小如拳伯倫子美真豪逸風  
味平生願執鞭

弈碁有進勸工部兄召客

索居河海欲忘憂瓜葛相呼事弈秋方罫互贏多有進圓盆更酌  
早爲謀搭高誰是州中正米賤休沽縣督郵及取春光尚堪賞莫  
辭醉倒更扶頭

次韻韓景賢承議自金陵沿檄宣歙道中見貽二首

循牒騰裝冒苦寒傷離愁思定應寬剗煩獄市才稱健奔命郵亭  
歲欲闌赤米素鹽廚寂寂清泉白石路漫漫到家尺一應催召聞  
說知音正執桓

搖毫頃刻便成章弱冠名標桂籍香倉氏官閒聊自喜荊州望重  
豈能方高談不辨連三日敏識空驚下五行畱落更煩勸慰諭誰  
口寵辱漸能忘

五月望日會食普滿院夜歸作詩二首呈文中縣丞玉老禪師江

敦玉或

懷冰高韻暑天寒況有波瀾在筆端可但風流稱不墜故應哺啜  
亦堪觀坐曹行赴陳蕃榻待戎方彈貢禹冠戒食每煩臨荀瓠慚  
無斗酒鹿盈枰

簿書填委我何堪茶串攜尋井水甘幻境豈能喻十十禪機聊喜  
契三三竹風敲玉清音迴荷雨跳珠綠影涵檀施敢夸蒲塞饌欲  
因盧至戒慳貪

原注是日讀盧至經

二十四日葉氏林亭燕集成句呈文中縣丞

執熱何從避火雲山居岑寂背城闌昂霄木老清陰厚鉞水秧齊  
翠剡新鮮熟慣醒虞匠酒扇輕堪障庾公塵涼颯拂袵容吾共白  
意無懷以上人

葉佐卿

隆見和復次韻答之

扇上閒題隴首雲揚風攜過海盜闖于飛鷺識觀光早前列龜看  
入貢新會見文辭驚乙覽莫嫌衣袂點京塵昇平樓下臚傳日共  
指中朝第一人

和少蘊石林谷草堂三首

寵辱循環厭宦情蓋頭茅屋手親營清泉橫道疑滋穴翠袖圍居  
似化城不擬身名炫俱泰且圖心迹遂雙清半庵閒地如容我便  
足徜徉了一生

雲峰帶竹似伊川山溜甘于九隴泉離世未應多怨誹葆真聊自  
樂虛緣漫郎擬酌窪尊酒逋客慚馳驛路煙敢請著書詳勝致千

秋萬歲遣人傳

妙年涉筆賦城蕪歲晚無歌擊唾壺曾是北扉稱內相卻來東嶺

伴寒儒

原注石林谷近朱氏兄弟

閒來真隱編成傳靜取飛仙貌作圖豪氣年

來除已盡元龍雅意臥江湖

呈去非

嗣宗曠達早相逢更喜林閒識仲容林萼集中陪唱和幽棲谷畔

許過從雲飛隴首高情遠楓落吳江好句重梁棟他年知有用齋

前楚楚一株松

婺源祁門二令母年八十求為保官注家便闕慨然慕之作詩二

首自悼

庭闈無復薦芳羶烏鳥哀情每泣然游子但吟春草句門人欲廢  
蓼莪篇風枝數效皋魚泣水菽難攀子路賢空羨鄰封二佳令兒  
嘯八十壽親前

迎養京都突未黔蒼黃荼毒血霑襟百年過隙知難復三釜纏衰

政自深不爲鱸蓴歸亦好獨甘羊棗果何心寄言世上斑衣子温  
清應須競寸陰

周文之

彥賢

運使巡按海寧追憶曩歲與伯仲同奉板輿之樂感

慨賦詩不惟辭藻格力清蔚高邁且足以敦孝悌而厚風俗昔  
夏候湛作詩示潘岳曰此文非徒温雅乃別見孝悌之性因次

韻和二首

褰帷巖邑特從容憶昔鵲原會一同樂孺共營蘭薦膳劬勞爭報  
棘吹風繡衣握節新恩重綵服承顏往事空三紀光陰眞插羽依  
然小市夕陽中

披雲初獲接音容賢勝風規自不同懷懷威明將使指恂恂孝悌  
訓民風競傳清唱紙騰貴爭識皇華巷欲空尚有壁閒眞墨彩匣  
藏畱在給園中

贈覺僧二首

并序

建初寺如覺道人禪學高深護戒不墮讀書工文尤精於三篆

有以照齋集行於江左爲僧首累年卽求退在勢者檄住慧滿  
禪院亦辭不就道俗皆尊鄉之某到官時春秋七十有三矣獨  
少重聽而精明不衰連枉詩文皆清麗可喜殆當與靈徹浩初  
輩抗衡黑衣中未易得也因爲二詩以贈

道貌堂堂老不羸照齋佚閣送居諸斷常不著安禪後尋伺皆空  
入定餘護戒獨持螺畫行繡經時作鹿輪書山城爲令眞非惡更  
喜游從得浩初

上堂慵算海邊沙分衛寧甘向七家篆筆頗疑傳棗木方袍不羨  
賜蘭芽名高白社推尊宿才比紅樓更麗華連枉清篇洗塵滓緘  
藏畱與里人誇

翠輦陪行  
關玉輝

靜林寺

妙行堂前疏碧鮮壺中軒外疊嶺岷山門靜對清油闊佛國寬圍  
碧玉寒蠟展喜隨談理客饋漿驚見字民官開山老侃畱遺像試

問何如釋道安

次韻工部兄除夕見寄三首

異縣飄流十載窮年華又見轉和風春遊已陡驚梅白夜集猶疑

共燭紅藍尾方嗟形影隔蒼頭俄喜信音通麥秋時節搖歸棹禪

榻相從話苦空原注除夕獨坐縣齋偶記香山居士隱几詩云行

老杜守歲詩云四十九朝過飛騰暮景斜誰能更拘束爛醉是

生涯因成長句三首呈良器是歲子年三十九是日持六齋

霜毛垂頷病摧頹歲晚流年四秩催一自貶官瞻日遠兩經除夕

歎星回梅吹畫角餘寒盡柏欲飛觴暖律來歲暮日斜還隱几心

同白傅守寒灰

江城流落歲還新嬾作雕蟲問大鈞月盡嘉平餘景刻年侵疆仕

尚沈淪晚持禪說惟三白曉簇春盤又五辛肯把生涯供爛醉黎

明學不動心人

維心以詩送花果栽次韻

奉乞花栽□旋移退師老圃自安時新萼應待天陽發生意先從

地脈知異縣聊尋郭駝傳他年敢忘角弓詩庭柯只作怡顏具肯

比侯封逐利宜

送胡彥師職方迎親赴闕二首

詞華標韻出鄒枚要路飛翔見軼材編削終篇辭右府裊延飛詔

入中臺碑刊常萼如敦實衣曳荆蘭似老萊五兩風輕清汜路迎

船魚筍助南咳

簪筆文昌作望郎暫拋台史護衣香摘辭曾是金聲獎程奏親逢

玉色康祿泊千鐘榮修瀧圖分九服職封疆到都右袞如相問為

說飄流鬢已霜

侍讀官程伯禹以賜茶寄江敦仁處厚教授惠四勝以詩紀謝

講罷清陰轉綠槐露芽珍賜不銀臺品高迴壓仙人掌味絕堪名

瑞草魁分既雖從稽古出看題知自邇英來晴窗碾試供詩社先

聽聲轟萬壑雷

次韻宏道游三官院園時余往辟靡不果往

丹集二十  
晚攜勝友共揚鑣應厭家鬢捻紫簫速得暇時能有幾每逢佳處  
且相邀大夫高挹髯龍操公子閒窺白雁標獨恨抗塵乖寄賞偶  
飛輕蓋四門橋

詠槐

蔽日干霄過百圍龍蛇天矯半天垂蟠根不老應千載合抱橫分  
見九枝學市濃陰能幾許公庭轉影不多時那知山谷無斤斧坐  
與冥靈結後期

鄧子文

裳

辭朝枉道相過且出往還詩見示次韻二篇上呈

區區蘇李未應師句法中涵屈宋姿華貫卽今方慎束異才如此  
會深知飄飄氣概輕餘子凜凜規模擴大兒老厭交游翻覆手欲  
於士遜結心期  
獨學離羣政自傷寵臨何幸不遺忘莫嗟黃繖檣掀擢行看青冥  
指忽荒好問徒知積雞跬登塗曾不倦羊腸衡州言語高天下秀  
拔如君實肯堂

次韻正臣朝議見寄二首

解組歸來遯里門慶源貽後繼臧孫幽尋此日扶鳩杖榮遇當年  
駕鹿轡高義共夸賢者出廉風端道薄友敦紫壇熙事專優老頌  
篋行看下九關

儒學推稱第一流乞言堪入告嘉猷長閒氣味安三徑難老光陰  
傲十洲談理清風生玉麈覆名殊寵謝金甌方瞳大隱年兄弟營  
道應居最上樓

次韻答王聲見贈

平生未分作臞仙抵拙英豪不值錢效智連年居定鼎策勳何日  
上凌煙高情獨寄猗蘭操壯志應存寶劔篇途轍懸知騰上速請  
看火色映鳶肩

和目疾韻

幻翳乘虛近漆瞳輕雲蔽月有無中廢書暫阻讎三豕妨射何因  
落兩鴻慧眼水清知吉夢藥師經驗表奇功疾平豈但開巖電反

照觀身覺內通

幽居書懷六首

材疏出仕久知難境勝謀居自考槃反抱關爲知道在賴閒處著  
得身安離騷每向醉中讀周易仍于病裏看萬頃煙波時擊汰泚  
泚籊籊弄晴竿  
環堵條然一畝寬更無塵務苦相干森森佳樹木奴實湛湛清池  
地鏡寒三益時瞻玉界尺一杯何用肉臺盤官閒坐饗無功祿更  
恐風人刺伐檀  
觀名計利了非真何似江湖習隱淪戶小但期茶當酒家貧那有  
蠟充薪五花自喜風翻簞一角人看雨墊巾上界神仙多護短不  
辭長作葛天民  
不識癰疽與瘡環柴門雖設自常關木雞養就都無累芻狗陳來  
分合閒聊復讀書牛背上誰能橫槊馬蹏閒子亭結築臨溪面瓢  
飲新來待學顏

我貴從教知我希靜觀物化養天機名呼池面游魚狎縷繫梁間  
舊燕飛安石固應存遠志姜維那遽覺當歸人生安樂他何卹悵  
望鄉粉與願違

清時鴛鴦正充庭何事抽簪喜退耕百步穿楊防偶蹶一卮賞畫  
保先成獼皮冠小隨時用豬鼻車低取意行官柳野梅春意動莫  
教詩酒負平生

謝太守惠茶

林亭凍卉未芳華已享先春正焙芽活火急呼湯餅客緘囊來自  
使君家破看鮮馥欺瑤草煮驗漂浮漾棗花不預頭綱評四品恍  
驚流落滯天涯

新茶

壑源包貢及春分玉食分甘賜舊勳水厄陽侯宜避席天隨陸子  
合同羣珍同內府新蒼璧不壓元豐小喬雲便請加籩先果腹鵝  
無畱掌鼈添裙

謝通判惠茶用前韻

色味新香各十分可無桑苧與書勳打門贈我今呼客好事知君  
最出羣飲罷清風引仙闕睡餘妖夢破朝雲貧無列屋纖纖手捧  
盃齊眉但布裙

次韻郭大夫昌朝見寄

泗上頻蒙訪寓公十年乖隔馬牛風誰知邁往青雲上尚寄衰遲  
白髮翁浮食即今尸靖館育材當日謾儒宮寄聲有道勞虛獎窶  
藪方安鼠技窮

中秋夜宿舞陽精舍

居心純靜眼無塵此夜清光徧廣輪乖隔謾嗟千里共澄明還是  
一年新已拋世外無窮事獨喜尊前見在身卻憶帝城通夕看清  
歌百闕會三人

二月三日遊風穴白雲寺呈通判二首

世傳三穴起長風此理誠難識所從覺性未能參七祖原注寺有唐高僧塔

號七祖禪師禪肩聊欲訪千峰原注寺碑隋大業中號千峰寺桃溪遡日紅霞爛麥隴

搖春翠浪濃簿領回回清興少乍尋巖壑媿塵容

秀野班春過梵宮賢僚况復肯相從風緣禦寇來幽穴雲為淵明

出遠峰柳色直將波共綠花光疑與酒爭濃一庵此境堪肥遁寄

語山靈幸見容

四桂坊并引

燉煌令狐吉先首以文藝第進士其季茂之壽域子建皆繼登

科並時顯仕蔚為冕紱盛家余為汝州榜其坊曰四桂豈獨寵

門閥之懿且以勸來者

藥榜連年詔墨黃聯翻恩綬月中香家聲舊踵三槐位儒學今標

四桂坊酬唱共傳花萼集笑談應聚德星堂門同列戟知非晚更

遣鄉評服義方

吾家故事子姪登第必有酬獻詩什去歲立悌立經二姪並中科

選未有慶以詩者偶示四韻

充閭秀氣我家多又喜雙龍並化梭同榜連榮追紹聖原注子與伯兄大成

同中紹聖傳名躋甲首宣和原注順之權之并蒙朝班鳴玉猶升

四年第舍原注順之為奉禮郎以冠歲橫金又中科原注權之中科四葉

登華誰得似會看盛事入編摩

次韻覺心道人游郡園

牢落踰年坐斗州窺園逢勝輒遲留招邀風月千章木收拾峰巒

百尺樓雲葉悠揚疑獨鶴浪花浮動想飢鷗道人知被煙霞錮當

是空門第一流

畱二季父二首

敢向明時歎滯淹得官迎養富魚鹽百年永抱雙親恨五斗猶欣

二父霑壽蓋名應書綠字康寧藥不待青黏虛堂梧竹饒幽趣正

好端居養智恬

羈宦栖栖易感懷一秋聊得病顏開幸蒙南巷攜家至更喜東牀

自遠來鵠髮二翁頻撰履鵠原羣從共銜杯家山莫便懷中隱風

月躋攀更幾回原注郡有清風樓明月樓

和若拙弟說汝州可居已約卜一邱韻

汝海膏腴人共說封疆況是接同州指囷待惠知無日負米躬耕

會有秋林下要須三徑足囊中更莫一錢留餽鈔雲子當同飽官

職來遲且自休

次韻陸巖老祠部見寄五首

山城岑寂偶分麾聊欲藏瘝一再期豈有聲華如所譽得非朋舊

狠相欺久欽黃髮嘉猷壯初喜青天宿霧披尚忍恩恩還執別不

容重醉習家池

繞郭芙蓉十里城畫橋煙水接東瀛蘋洲倒照蒼山影花瀨遙聞

白芒聲問舍求田應犯慮浮家汎宅未忘情催科拙似陽公考敢

覬屏風錄姓名

溪南溪北梵王宮踴髻亭亭聳半空紅鞋鞞沈山帶日碧琉璃淨

水無風雲迷翠閣參差見舟檣朱橋繚繞通泚筆憑誰寫東絹盡

將煙景□重瞳

詞場弱歲以文鳴落落寒松見老成劇郡神君頻結課中台郎位  
早飛聲當年威令千人廢此日精神一座傾欲試閒窗鴻筆健春  
容詩軸燦瓊英

鏡中雙鬢未全華退隱林泉意緒嘉春圃帶煙鋤徑草夜鐙和雨  
看簷花神能自衛同干越老更知塗似渥注文注五河初不竭從  
來惟屬士衡家

次韻何總管等慈寺詩二首

寺門修竹映長楸景似江村事事幽山疊青螺雲繞屋月升紫磨  
水明樓夢中他日應知路天上從今與寄愁競病將軍功已就卻  
將高興賦滄洲

古寺蕭清汝水湄寓公仍有庾征西機輪宛轉春寒磴浮綫縈紆  
漾小溪入定僧閒多卻埽探春人去自成蹊一杯相屬知何日成  
事因須共到齊

伯氏喪歸有日遣立□祭奠

靈輻東下啟銘旌羈宦惇惇逗楚城遣奠聊憑貽厥力銜哀遙致  
友于情虎闈典教曾同遇鴈塔書名亦並榮齒脫髮稀吾老矣可  
堪回首望前楹

次韻景純將赴襄陽眷戀里第

枳棘棲鸞豈所宜鹽車服驥暫韁韉少而好學書饒讀壯不貪榮  
譽自歸重去故山拋小隱嬾□名路觸危機寄言漢廣徜徉者聊  
賞風光且莫違

蒙若拙寵次陳敏彥振韻三和

彤墀日覲赤霜袍何苦懷歸盼大刀吳坂未逢驚腰裏豐城行見  
拭豪曹廟堂仄席方求助筦庫飛笏莫諱勞卽向詞垣摘外翰當  
年仙桂幾枝高

寺居岑寂近方袍貧舍分瓜每借刀隸事舊聞輕叔寶讀書今卻  
笑敖曹珍姿渾厚韜和璞利刃堅剛敵孟勞桂樹獨生千仞表太

邱家世顯名高

韶顏祕殿賜恩袍白首山城始夢刀竹鳴有詩緣二妙棠陰無訟  
賴諸曹消閒不廢持螯飲結課曾微汗為勞更擬松江理煙艇如  
歸亭上踵三高

次韻宋景純寄陳去非昆仲

雲臺獻納媿先賢端合塵迷簿領閒政似陽城惟下文如祖詠  
只班班看書大似屋中屋擇祿甘從山上山揣分量材宜置散敢  
於造物怨偏慳

叔父承事用先公舊韻作詩次韻和呈

西笑惟攜插架書雍容車騎不求都觀光鳳闕前蹤在寄恨鴿原  
往事徂喜見教忠躋顯仕勉從迎養涉修途新詩清婉追棠棣樂  
孺當年共究圖

和元方寄若拙弟託覓顏淵之五十畝韻

下田彌望股清流謀食誰言必本州且復種杭資口腹早知藉稻

載春秋攜家便可隨豐儉仕國從今委去畱饘粥粗供吾事濟寸  
心安靜得休休

蒙若拙見和復次韻

逸氣軒軒蓋縉紳後來之秀子其人文如范曄無空設學似揚雄  
已大醇記問五花能奪簞風標一角共傳巾怪來吐句皆清警胃  
次應無庾亮塵

伏蒙孝立朝請同年赴九日燕集翌日以往篇須酒謹依韻上謝

新稻翻匙羹芋魁慙勤重客肯相陪醉歸已徹重城漏睡起應尋  
十日杯欲得杜康連榼至原注選詩以杜康為酒客因令毛穎寄辭來扶頭往  
餉宜頻醕更喜輪租罷與健

邇日詩卷承若拙編為小集見示且有詩因次韻

驪珠魚目兩無遺卷袞深煩為林釐賦原注賡酬蠹疏慙短筆  
刻畫類連枝似聞警策耽佳句何用編摩載惡詩敢請冠篇重作  
序二難文采勝延之

次韻景純後圃宴集

攜裝過我路漫漫聊命杯鐺為禦寒漏月竹疏憐影碎干霄楸老見根蟠城頭飛屐干峰迴樓角凭闌六幕寬尚欲相留過殘臘小園佳致雪中看

景純到汝數日遽求別僕固不敢留客然宋伯舉軒為兄蘇勤道大監為婦之兄遽見去似非人情輒賦是詩率二條留之

奉留高客敢同黃特有親親與雁行樂孺誠宜賦棠棣盤桓何畏嗇檳榔敬通叔達無爭論法護僧彌各擅長二義周官如問得且看姜被莫騰裝

懋南博士暫出迴邑以盛藻見觀謹依韻奉和二首

五十之年歲又開劾歸不勇尚徘徊家徒四壁謝金埒第之一區慙玉杯疆欲安心師達磨嬾尋真我類投灰吾僚輕作經時別猶喜民謠挽得回

公退蕭閒閑息深從來縣譜用山陰威稜少霽髯垂几才韻頗將

筆捶琴取檄臥家聊小憩捧符還郡卻幽尋風流若把名香擬堪作盈斤百和沈

提宮工部兄攜家見過輒成律詩二首上呈

剝啄欣聞夜叩關相迎一笑解愁顏枉帆雖落十人後原注某到見訪者已踰十人矣謂少州才儒道卿過飯今成五郡閒原注某弟友卿子可紹疏達卿衛卿達才夢錫如赴隴從招隱卻遣幽藹問小山魯漣水汝海及今曹州自役其身慙鞅掌無求于世羨蕭閒何

相逢雖幸慰睽離憂患仍年觸境悲琴與俱亡念同氣原注謂長兄大成岳猶難擊槍齊眉筋鴛肉緩奔名嬾意廣才疏見事遲只待歸資堪問舍一封投劾去追隨

福國諱日壽寧院作呈工部兄

一官追牒浪推移不到名山二十暮踴鏡獨存煨燼日布金重見鼎新時舊遊已起人琴恨原注頃歲屢陪光祿兄遊淨供還增隘鏡悲賴是一般官拓落林泉深處得追隨

近闢祿隱軒建瓢飲亭季父以詩寄題和韻

稗節爭名翰墨場中年習隱水雲鄉  
遭時有幸常溫飽濟世無能分  
退藏山色不於羈客祕日華  
端為散人長身閒卻笑東方  
朔避世金門傲武皇

次韻景純見寄敘相從之樂

許昌舊姓有文儒得得西來過  
燕居訪我肯題門有鳳館君  
深媿食無魚鄣泥難為清游  
惜便面頻將好句書尚遣雅  
才淹簿領好賢誰賦衛干旟

奉酬景純道中見寄之什

慙無才望照簪紳割竹藩方  
誤長人堪笑為官常拓落獨  
知取友愛真醇吏休時著煎  
茶帽客去令聞漉酒巾曷日  
清揚重會面劃開河漢滌心  
塵

友卿寄詩并月波酒和其韻

長鬚剝啄叩柴局令弟官清  
遠寄聲摘句已欣資藝圃漱  
醪兼賴

破愁城牽絲聞說恢材力露板應連上姓名猶憶具區分袂處孤

帆一點愴離情原注昨赴南陽友卿至震澤相餞

次韻叔才幽居二首

世塗艱險動難諧學士深居但柏齋  
紫翠當門流水過碧鮮遮檻好  
風懷角巾家巷便高枕手板公  
庭厭沒階天地百年真逆旅誰  
能巧宦沒筋骸

麤才濩落與時乖湖海幽居一竹齋  
月徑清游疑不夜風窗高趣到  
無懷身閒有分白蓮社地禁無  
心紅藥階只待匡廬官秩滿一

章程奏乞殘骸

次韻工部兄見寄三首

影落邗溝是我家竭來吳地寄生涯  
蝸廬困臥身何擇蜨夢時歸路  
不遐幽徑任荒陶令菊開門聊  
藉召侯瓜西還約醉中秋月屈  
指同襟尚阻賒

文彩清華自一家行生所到詎能涯  
學該古昔仍知要識造高明

豈不遐英悟早明當道李勤書煩事鎮心瓜似聞憂國頭今白法  
會無錢想尚賒

朱門十萬一貧家鼓世西歸悵未涯數米稱薪嗟隱約望雲臨水  
負幽遐清音且聽雉登木曲路任從蠅集瓜午飯蕭然無膾鯉須  
知滋味已能賒

次韻叔才以詩卷見還有作

委巷歌謠媿斐狂雷門布鼓背生芒鳳毛忽爾驚懸磬魚目真能  
引夜光義重肯爲流俗變意勤仍以古風將怪來巾笥多珍玩獲  
奉英游已五霜

昌化紫霄閣次長老仲希賦

溪山佳處不須招未到心旌每動搖漸喜田園挽陶令聽將筆硯  
伏君苗黑雲含雨迷江館白鳥衝煙映市霄回首海寧驚謫夢挽  
舟猶記笏垂腰

次韻鄭維心遊西余山二首

雲巘瓌奇甲震州不須幽境更旁搜從來知是通侯國此段方從  
勝客遊閨歲春遲空水樹雨時溪漲失沙洲吾衰久矣欲何適更  
爲前山一上樓

顧余峰好鎖雲煙入寺窺臨信所傳衣祖石肩從衲子屐除前齒  
陟山巔一杯相屬直宜醕因者難并偶幸全亭號弄雲誰作記紫  
樞當日筆如椽

丹陽集卷二十一

去南陽有日書懷二首

七言律詩

去南陽有日書懷二首

奠食無勞合退休君恩誤付百花洲未温坐席已當去偶滯泥封  
得少留官意正如彊弩末歸心先問天刀頭略無涓滴蘇民隱空  
使閭閻說舊侯

離吳州好冠西畿左竹纔交賦式微雲巖遐觀空杳靄春郊細履  
負芳菲薄游頗似桑三宿重到誰驚柳十圍畫諾諸僚皆府望不  
容坐嘯久焉依

郡齋書懷

暫擺塵勞坐燕居野人偏與世情疏馬牛價雜慵鉤距鳧鷖行多  
厭簿書同醉徑須邀綠竹盜香無復念紅渠不持黃卷來遮眼可  
惜光天化日舒

南陽諸僚和雷別詩再和二首

王事勤勞得少休全家喜復入汀洲  
懶於榮路占淹速尚有浮生  
任去畱名譽未須驚谷口功名終亦困  
壺頭歸棲擬種千竿竹便  
與題爲瀟灑侯

十連名郡近天畿負重懸知困力微  
閒客已知無嘯諾鄰邦聊得  
看芳菲謀身舊似齊優拙雁咎今同魯  
酒圍回首雋游難戀繆索  
居獨學果疇依

還鄉有作二首

菊潭才到便歸休年大何心泣楚囚  
南岳獻譏無反覆東皋舒嘯  
有朋傳龜靈自古稱淮浦  
狐老從來只首邱便覺謳吟罷莊舄  
儵然隨俗且沈浮

予子攜家反故園尚霑榮祿媿空飡  
官閒未辦夸腰組車過常先  
下里門塗巷依然榆社舊屋廬  
猶喜枳籬存浮生誰似還鄉樂  
聲欬吾前盡弟昆

里中無居寓丹陽縣書懷呈邑宰張子蒙

首秦頭兩月強往來遵路一年忙  
幸逢庇邑人惟舊暫說浮家  
計亦良退食井腴如就國  
原注某見封丹陽子遙尋祖系似還鄉  
原注葛稚川丹陽人

戲書

木彊與世異酸鹹掃灑真祠屢入街  
新格似聞惟半俸舊官那記  
是常參茶鑑僧鉢隨時用手板  
朝衫竟月緘賴有班書貧可貼  
且謀蒲筍慰飢饑

依韻和工部兄尋由里山泉眼

葛帔練裙一散仙親攜畚鍤道蒙泉  
濫觴初見開微溜中準終能  
作止淵棲畝稻秧滋萃萃入池藕  
葉汎田田道人跬步不知處未  
遇名賢名孰傳

依韻和工部兄雪五首

風撼柴門夜不關黎民瓊玉徧人寰  
舉頭寒掩東隅日縱目高疑  
西域山朝露昔曾飄袂上禪房  
今喜點鑪閒亦知塵霧難撻拂萬

徑行蹤絕往還  
 排寒聊與酒交關  
 呈瑞應先自帝寰  
 初見同雲迷六幕  
 漸驚飛鳥絕千山  
 知酬素景風塵外  
 坐隔清遊咫尺閒  
 飛灑卻羞來傍鬢  
 安仁年少不重還  
 從此何憂家事關  
 明年粒米厭區寰  
 腰青不見飛花女  
 頭白先看對面山  
 絃凍未應停綠綺  
 膠彊仍喜穀黃開  
 平鋪萬頃茅簷冷  
 欲問城居幾日還  
 門似柴桑畫亦關  
 歛驚聞闔墮人寰  
 郊原那異熬波海  
 隴阜渾疑聚米山  
 望遠恨無樓百尺  
 逃寒阻共屋三間  
 阿兄詩句清奇甚  
 格律都高漢以還  
 偶茲窮臘憩鄉關  
 無蒂花飛偏海寰  
 粉飾門闈疑省戶  
 雲屯觀闕想神山  
 飄狂不絕三冬裏  
 積厚遙追二紀閒  
原注鄉中二十年無此雪  
 聞說旗亭增酒價  
 沈酣準擬典衣還  
 菁山梅花盛開予  
 獨未之知十一月二十二日周元舉察院餉數

枝以詩謝之三首

香雪常開小雪天  
 孤芳今占六花前  
 欲從玉女互爭秀  
 不分青腰誇擅權  
 見事自知秦相緩  
 著鞭甘被祖生先  
 左轡不要宜春郡  
 應戀南枝映水鮮  
原注元舉被袁州之命力辭不起  
 冬早寒輕測測天  
 疏枝明秀忽來前  
 玉酥結色神仙種  
 冰麝分香造化權  
 三白共驚千樹發  
 一年都占百花先  
 巡簷索與冰姿笑  
 準擬攜壺更擊鮮  
 山頭雲物陳吳天  
 幾樹寒英喚我前  
 老不禁愁聊索笑  
 病方止酒暫從權  
 松篁傲雪堪為伴  
 桃李酣春未敢先  
 習隱菁山真不惡  
 吟鞍千里看芳鮮  
 次韻耿守詠雪  
 低雲曖曖與天同  
 翦水飛空候應冬  
 沴氣潛消煩燮理  
 歡謠藹布荷明農  
 漾舟訪友乘清興  
 授簡延賓繼舊蹤  
 歲好定知豐五稼  
 倉箱行慶畝收鍾

景山寺居大風步月

溪邊空谷偶來逃散步虛廊破鬱陶庭戶月華封玉雪林巒風響  
洶波濤氣寒秋晝衣裳薄夜靜山深殿閣高欲識羈懷愁幾許明  
朝攬鏡看霜毛

十二月十日汎舟以北風寒回棹

雲山冬瘦露精神整棹溪邊試問津懸坎帶坻冰積厚綠蕈冒棟  
雪飛頻出乘舴舻爲龜手歸卧蝸牛分口身已覺烏蟾不能活陽  
熙早晚定回春

正月二十六日雪後登子亭示道祖

淑景因陰苦未韶峭寒於老不相饒竊香風韻歸梅萼刻楮工夫  
到柳條萬瓦雪消疑夜雨一溪波漲誤春潮連枝別後口曹遠賴  
有吾人慰寂寥

贈講華嚴惠照大師

松陵講舌看瀾翻滯論冰消瞬息間覺性已明華藏海退身聊遁

莫釐山識真久認魚筌假處靜因求塵尾閒我是殊庭仙隱吏二  
年雲水共躋攀

贈深老

折牀學子厭如雲卷席歸樓震澤濱識了大千俱是幻理窮餘二  
卽非真已辭白社拘方侶更笑紅樓應制人弟子安心安已竟不  
知若个是迷津

贈福勝院老僧有宣

諸方行晝已忘筌宴坐歸來水石邊五葉承來真的嗣七朝閱過  
到耆年鸞音袞袞閒猶振鶴骨昂昂高更堅我特叩門來問道投  
鍼相值恐前緣

春日野步二首

一年春好是清明萬事都歸笑矣行卯色天容供遠興縠紋波面  
愜閒情門生陪從無參佐野服徜徉束佩纓午困乞漿先饋少已  
無形夢不須驚

一春連雨少晴明，曳杖郊坰偶意行。  
嫵媚花枝空濺淚，風流柳色但牽情。  
長飢頻覺帶移眼，大笑何曾冠絕纓。  
北極朝廷今咫尺，穰寇盜口相驚。

二月十五日遊謝村福田院觀涅槃會寺乃靈運故宅呈道祖  
年年生計一輕舸，晨出晡歸豈憚勞。  
謝客兒山存勝致，佛泥涅日往遊遨。  
波闊星斗沈光冷，月裏山河結影高。  
何日菁山山上寺，與君痛飲讀離騷。

天靈節感事示寶華鑑老  
詔語從天下九圍，並嚴法會保宸闈。  
山稱萬歲誠尤切，鑑奉千秋事已非。  
已聽鸞音勤請祝，故應龍輅慶過歸。  
孤臣拭血懷君處，小笠峰前淚滿衣。

和西郊春事招元方同遊韻

仙橋水殿照清流，攘攘遊人聚九州。  
光景從來夸輦轂，風標況是富陽秋。  
天開卯色春方好，月上弓形夜更留。  
勉作新篇書盛麗，莫

令少味似韓休

和元方用韻見寄次韻奉謝二首

人與嚴徐是一流，英英儒雅冠吾州。  
白虹吐燭呈文夜，紅杏飄筵得意秋。  
祿薄未應腰爲折，語多共歎舌無留。  
合君舉善搜寒俊，不進清華諒不休。

文律高峰與激流，五言佳處似蘇州。  
靈甘葛縣中滴酒，不羨宣城賞奕秋。  
白首同歸相器重，青雲一感豈淹留。  
外家門闕期君大，作德雖休更勿休。

追賢院食已度嶺，歷來胡諸庵轉山夜歸

擊缶那能似漆園，銷魂來訪小桑門。  
側衝雲陣尋峰頂，細步泉流覓水源。  
九里環觀山向背，兩輿歸趁月黃昏。  
春風不識愁人意，柳暗花明自逐春。

定山寺

入門松桂拂天長，遣化誰來自眾香。  
初翦蕨薇豐草把，半殘桃杏

露花房不辭峻極猶登踐免使幽尋隨渺茫原注欲遊此山聞有

章申公墳寺

千章宰木蔭長城申枉行頒寵數新金莖文華才冠世銀鉤字畫  
品稱神佳城此日看馴鹿文葆當年想夢麟定有玉璜傳後裔投  
竿端自渭城濱

讀史二首

祖尚浮虛事漆園生平園府不曾言神峰峻若瑤林茂手色全如  
玉柄温翊輔但求三兔窟風流空擅一龍門季年喪國排牆禍綺  
靡諛言可得存

曾侍東皇採紫芝竭來西土宴瑤池藻翁梁上休繁役灰劫池中  
認遠期數木故應煩鬼子竊桃那免號偷兒蒿廬不愛深山臥避  
世金門世孰知原注與工部兄邇歲離多會少樂少苦多述懷

並寓僧藍得幾時原注同寓家太平薄遊若雪遠睽離一麾為郡

乖同濟原注兄守琅琊某守南陽百謫還鄉獨後期原注親友皆

雷南都數第隔東西希聚首原注相去在憂連宗戚罕伸眉原注

月方歸原注繼有子崇之喪原注何時解組俱林下松菊園寬日共窺

和工部兄邇歲離多會少樂少苦多述懷韻

一歲連膺四命書衣冠慶美近時無縣長本自天資厚憑藉由來

地勢孤襟被昔高蘭省去影纓今喜棘班趨立言制行俱忠孝豈

媿堂堂七尺軀

寄獻中散兄生辰

吉月迎秋萬寶成充閭瑞氣降耆英粉榆社裏藏身穩桐柏宮中

庀職清原注今崇道觀黃髮足應驚再少絳田端自保長生壽觴

親薦猶彌月歸夢馳誠栩栩輕

次韻大資節使薛公見詒二首

黑頭自致已三旌暫寄江湖適性情五總龜遊欽學富九臬鶴立

見神清西雍曾累飛章薦東閣頻蒙倒屣迎方幸台躔照若霄以  
茲投劾未能輕

劇談世事邇來慵時向煙波棹雪逢德美未嘗矜久大光塵惟曲  
示和同十年輔政裨元化萬國賓賢振士風敢請中興重作頌袞  
衣不日見歸公

依韻和薛大資將往仙潭

久向巖廊侍禹湯歸身邱壑興尤長東阡方幸陪遊樂南浦難輕  
送別傷欲以中經諮詰訓更將奇字問偏旁勉畱袞曷輝山郡不  
日天書下寵光

次韻林茂南祀喜雪二首

膜拜同祈海岸仙風雲奔走會諸天山巖恍若龍銜曜墀庶頻驚  
鶴奪鮮莫訝瑤英來有信都緣玉燭氣無偏化工應念催科拙乞  
與豐穰大有年

吾僚齋禱極精誠俄見聯翩舞玉霏逞巧封條危不墮弄閑飄幌

細無聲傾都奇貨歸王老侵戶寒威賴麴生天念春回惟七日故  
教連夜趁嘉平

僚佐再和復作二首

雅步誰追鶴筆仙峭寒真是酒家天謝庭最愛因風起桓扇曾書  
遇象鮮遠覺歸巢禽翅重靜看當檻竹枝偏三吳此景宜增賞飄  
瞥郊原似昔年

從來愛雪是真誠又見祥飛六出靈材薄敢招能賦客庭閒聊作  
詠詩聲瑤階誤向凡閒見林藹翻驚臘裏生賀板並來無答語自  
慙詞筆太平平

次韻中散兄及諸弟寄願渚茶二首

茗溪溪上一茶神三表遺經品藻親輕拂競看雲態度初嘗應愜  
舌根塵草堂遙憶金沙水原注草堂有金沙泉君謨愛而名之花瀨聊分紫氣春原注

健步倉頭捷若神露芽三日到情親輕甌延喜凝珍玉小磴鄰虛

墮細塵便好相招十日飲莫教虛負一年春  
六齋時共應真

吳衛鄉弟三首

搖毫射策逐羣裾獨以高名唱玉除原注廷試第六人五斗拋來為詩酒

三餘收得向樵漁固存夙悟無生理永訣親裁忍死書晚歲異鄉

成一慟大紅新破茂紅疏

遠業相期未易量那知百歲似風狂鵬來有恨催新賦鵲往無醫

識禁方鄰笛他年那忍聽人琴此日遂俱亡長空後夜西風急吹

斷驚鴻不作行

高材磊落氣崢嶸命薄難將智力爭赤米白鹽生理窄紅蓮綠水

宦情輕曾期虛閣凭闌醉不遂扁舟適野迎原注約赴汝已反真

歸大化山城空慟十年兄

曾夢良傳惠然見存出示詩十有七篇偶撫所遺成三篇紀謝

未有歸資可買山一封程奏便求閑睚睚去後容爭席碌碌羞來

肯抱關幻界已知都是夢真心自要識無還尊前袞袞聽名理坐

遣窮愁一破顏

清明時節訪溪山消盡機心大智閑元亮孤舟聊自棹向平家事

不相關叩門雖幸千金顧戀德翻嗟半日還並水幽亭同歷覽應

憐瓢飲政希顏

居然埋照向窮山誰識龍媒伏帝閑意氣雖吞雲夢澤功名未羨

玉門關身常靜退緣知止心不傾邪畏好還但恐縉紳公論在招

延行見覲威顏

中散兄喜罷郡有詩次韻卻寄

上印歸來卧葦門此心炯炯向誰論平生疏拙真天賦此去安閒

盡主恩舊識愧真為我累近知凡百喪吾存原注一作幻體尚知非我有得榮何足喪

語好來同習菁山隱白髮仙臞兩弟昆

次韻中散兄見寄

晦迹纔須一畝閒浮家暫寄五湖邊官拋印綬輕千里祿隱漁樵

已十年眼對雲山偏爛爛腹藏篇牘自便便政緣欲遂幽棲樂豈是清時獨棄捐

次韻錢仲伸仲伸見詒兼送別二首

四年五度訪郊村首蓄羹稀不厭貧清韻欣逢鬢展戟奧篇仍覩筆書銀一筇巖壑幽棲地五兩江湖自在身他日願陪雞黍社貴鄰應不買增珍

郊居牢落似東屯剝啄欣聞客叩門筆下波濤文貫道胷中瑜瑾學逢源西余未遂諧清賞南浦俄驚黯別魂金菊萬株秋露重此時重復望來轅

題寄仲伸先塋瞻雲亭

銜哀負土記當年自首來臨涕泣然宰樹行成無鹿觸佳城卜吉自牛眠已乖綵服親嘗膳猶幸綸封數漏泉反顧雲飛頻悵望孝誠寧媿斗南賢喜中散兄將至

兩年僑寓爲知音百指仍攜就汎金蠅集樹榛曾掣肘魚傳尺素喜回心無邊紅芰邀同醉不盡青山得共尋白首居諸良會少對牀免被別愁侵

次韻中散兄將到先示詩

雲山佳處復躋攀景物依然得破顏春事闌珊三月尾時光荏苒七年閒重來懷絨成何事歸去抽簪幸有山且盡一杯今日樂投林飛鳥會知還

次韻中散兄喜雪二首

林薄風號兩日先俄驚翦水墮遙天坐看山路禽飛絕聊勝泥塗馬不前輕點紅鑪呈妙意斜飄素髮映衰年寒雲與我官同冷莫笑柴扉日寔眠

縹緲山頭白最先模糊雲物變胡天陸機玉圃無精搆王衍瑤林滿後前酒漲微瀾宜永夜麥翻翠浪看明年曉晴便是春消息梅萼包香柳欲眠

次韻中散兄二首

泉石清遊一月閒，風清氣爽未驚寒。唱經雲岫頻清梵，佞佛香鑪費紫檀。震澤魚肥聊獨酌，包山橘熟阻同看。歸來頓識南宗髓，曾見彌天釋道安。

徧遊湖寺棹舟還，重理殘書逼小寒。衰鬢迎風似蒲柳，貧鑪無火取槐檀。臺銖利祿回頭笑，翻覆人情洗眼看。癡鈍老人堪底用，故應衡宇自偷安。

友卿弟見和復賦二首

歲律崢嶸又欲還，鳴條風急作清寒。菊英媚日猶呈秀，梅蘂包香未吐檀。江水過門兼汐到，鄉山當面帶雲看。是身已覺都無事，只有空殮不自安。

門無雜客往，仍還趺坐澄。心定水寒清，淨苦嫌千日。酒蕭閒，惟事一銖檀。眼中金屑全無用，髻裏明珠得自看。作止更能除起滅，已無禪疾自輕安。

次韻維心二首

蕭辰無奈客愁多，日飲那知酒有戈。松徑崎危羊石臥，筠筒屈曲虎泉過。懶尋丹竈山名葛，且供禪龕人姓何。共看今年龍集酉，穰穰蕃熟慶時和。

側席求賢歲又除，如君德盛熟儀圖。軼材共仰人之傑，謹議懸知帝曰都。豈有簣中終去魏，未妨廡下略居吳。蒲輪不日來徵聘，禪句休誇雪點鑪。

次韻葉少協夢齡汎舟

水風斜日愜新情，初解銅章病骨輕。遠寺藏煙增掩靄，寒風帶雪更鮮明。尋幽屢辨揚舠出，尋訪漸乖倒屣迎。原注少協寵願煙艇遙遙逐漚颺，淵明從此得浮生。

寄題拙臺

講罷公堂得少休，下簾清興與天悠。書空怪事知無益，爲圃機心逝不留。四至九卿空士笑，一當萬乘豈人謀。先生獨有摛詞巧，奪

盡人間重錦裘  
和小室韻

一味伽那已默傳隨機任運且忘年翻然不落摩騰後成佛仍居  
謝客前教海就舟方見聖宗門得髓始通禪蕭齋一炷寒沈水了  
盡因緣與自然

次韻朝隱招飲二首

千古興亡馬食槽醉鄉真可寄廉高功名戲事何須挂富貴危機  
詎肯饜幸有碧筩消暑溽休誇白墮執連逃牢愁滯恨知多少準  
擬都將付濁醪

何須邈邈響檀槽獨喜杯中酒浪高芟實深酬屈到嗜鱸魚仍足  
季鷹饜加邊疊疊情尤厚醉舞傲傲罪敢逃我亦頭巾漉家釀明  
當相速醉芳醪

招中散兄飲

飄零羈旅苦摧頽旬日希逢笑口開鱸冷難施文武火氣寒聊雜

聖賢杯牛鳴地去無多遠羊胛熟時宜便來聞說家山動歸興預  
愁疊鼓起高桅

次韻卿任賦立春

陽和協氣起寒灰席上清歌聽落梅暖逐日華驚歲換夜占天象  
覺星回書籌屢點蟾蜍硯命醮連催鸚鵡杯願斂春祺錫黎庶熙  
熙一鏡似登臺

次韻道祖賦立春

棠英棣韡綺筵開何用三行粉面回金鴨香殘知漏永土牛色重  
喜春來飄翼著樹狂欺柳翦綠裝花巧鬪梅俛仰光陰驚歲換誰  
將婪尾更銜杯

喜晴

補陀香供走人天赴感隨緣舊旆傳霖雨方憂困桑戶晚晴俄喜  
賦樊川階庭旋見收黃淹齋壁何因上綠錢多謝化工哀老子遊  
遊不復更祈年

陳朝檜

拏雲老檜欲干春幾閱人閒且復曛風裏樛枝喧過雨月中清影  
碎流雲蟠根不願郎官谷聳幹宜參君子軍須信英靈神物護頻  
經兵寇惜揮斤

春晝偶作次元述韻

屏居岑寂似禪關顧笑初無素與蠻畫棟差池曾識燕綺窗蔥翠  
舊遊山時危謾自懷頗牧境靜聊欣接尹班二紀家園逋細履身  
閒今得一時還

次韻元述

漂泊身如不繫舟芙蓉湖上懶回頭干戈時幸逃新鬼巖壑人能  
識故侯已覺功名眞破甑卻驚歲月甚奔流仙都五載空浮食恩  
重邱山豈易酬

卽事三首

五載投閒隱薛蘿眼看時事只悲歌家貧不畏鬼來笑世變難教

佛奈何髀肉生緣癡坐久帶圍減爲客愁多他年莫忘菁山寺百  
口嗁飢兩鬢皤

青雲那肯羨雄飛前料山邊習遁肥名教固因多樂地賤貧聊幸  
脫危機齋無苾韭何妨醉藥有荻蓴自合歸格外一官垂欲滿便  
從神武挂冠衣

諸公袞袞上巖廊濟世無能分退藏所止先名大隱洞平生本望  
祕書郎晝成願失一卮酒箭蹶空穿百步楊幻界光陰凜無幾養  
生從此學長桑

村人寫子像卽景山飯道僧祈禱爲會頗盛

單車去位五年強初乏恩襦庇一方大姓殷勤攜老稚精藍祈祝  
飯緇黃此時美稷勤邀迓他日桐鄉必奉嘗爲報庚桑相俎豆不  
如道術永相忘

除夕郊居書懷

晚塗蕭颯寄漁樵夢亦無因到上朝書在牀頭脫復看客逢野外

偶相要聽嗟祿薄難餬口大勝官廳每折腰六十七年明日是亦逢村釀也浮椒

次韻德升頤軒書懷

煙霄飛步欲青春未信論甘肯忌辛三仕固應無喜色一鳴今復見驚人射如關尹方知中畫在元君始識真早晚奏篇來拭目清塗聊爲洗荒榛

次韻中散兄慶立方賜第

兒曹春榜預言揚竊吹知難服士鄉黃絹未能摘好語青氍偶幸繼前芳穿楊喜共東牀客攀桂同標北寺房原注鹿苑寺以其聖肄業堂榜曰雙桂世選材如華嶽積塵曾不棄毫芒

次韻邊公明

知常放魚

小鮮無數命臨危邂逅雲莊擴大悲巨浸何勞長者水親臨尤勝校人池依蒲俯視還真樂貫柳充庖那復知圍圍介鱗俱自得道人因得一伸眉

次韻顏孝立

天經同年

亦識韶華不肯留時危那敢事嬉遊羈懷不辦愁花雨空廩惟知望麥秋願我端憂宜燥吻如公無事合扶頭麴生謾助齊眉餉清洗錢塘兩玉舟

和必先龍圖謝酒兼呈沈次律

瑄中大學士

臺閣高賢卧里門清揚乖隔阻寒温尚餘宴豆陪三雅聊卽煙郵寓一尊亂後官居同幕燕春來香味憶河豚溪亭午夜銜杯處應對梅花淡月昏

贈史德謙

不入城闕已十年足音何幸聽蹙然杯觴共樂三更後書史相從一世前烏倦尚飛慚我老鴻冥何算覺公賢錙銖得失何須算聞健惟當數擊鮮

贈鮑欽止

慎由二首

錦窠朱紱亦何榮辭劇求閒責自輕聊喜青蔥供俯仰未應紅腐

較奇羸久知飛鳥有真意誰信雞鳴非惡聲只恐朝端闕司隸又將斂手避威名

紅塵袞袞厭朝班官寺深藏洛尾灣識擢早驚郎位峻招尋今見水仙閑高標自置羲皇上俗眼從教季孟閒倉氏一官寧久困禁途供奉政才難

挽致政奉議魯公壽寧歌詞

脩然丈室老維摩不媿家聲舊曲阿事閱七朝推壽俊慶鍾六子半文科白蓮入社塵緣息朱紱通閨聖渥多空唱已聞生淨域可

須薤露起悲歌原注南史庾詵傳詵且終家人皆聞空中唱云上行先生已往彌陀淨域矣

張子蒙令君挽歌詞二首

賦歸州里半年間豈料循題哭二難屢薦嘗為趨幕客數奇終困字民官清談竟日師夷甫寢瘵連年痛士安身後華名知不朽幾多墨妙翠珉刊

文義游從四十春艱難勢闊見情親少年漣上初傾蓋末路雲陽

擬卜鄰萬室謳吟依愷悌一生志氣負經綸涓陽豈特兒曹慟老

送佳城淚滿巾

大卿表兄莫公平砥挽歌辭二首

露奏求閒猛挂冠忽驚卿月墮雲端中年屢攬澄清轡末路堅辭矍鑠鞍自卜壽藏松已拱親裁幽刻墨方乾映溪清遠樓前月後夜登門忍獨看

游從五紀荷勤渠白首來依霽水居郡閣箴規言有補家村書疏月無虛方期老驗長桑藥忽見神升廣柳車兄弟同時封吉壤不堪清淚屑衣裾

先兄中散挽歌辭四首

昂昂鶴骨素康強微疾生朝罷舉觴尚冀魂隨香釜反那知人逐綺琴亡禁方不驗三茅洞原注元祐醫士茅師遺墨空留二老堂原注某處號二老堂

鳴與兄日夕同從此幽棲風雨夜一翻姜被一淒涼德與才高位不酬大鈞杳默向誰尤剖符政化傳沂水握節威名

振宛邱心悟三乘真合覺原注兄結四學該九域獨推優原注兄

進九域圖志為諸路之冠特進秩一等雁行影折元龜喪淚灑西風不忍收

粉闈當日正逢辰興在滄州猛乞身袖手旁觀真得計急流勇退

更何人翱翔祠館全無累笑傲秋園不計春鼎鼎百年均此路惟

公達識負誰倫

流年八袞慶初開駒隙那知二豎催書聚五車緣嗜學家徒四壁

為輕財幻身夢蝶白云適曲路憎蠅何處來原注兄為平貨之屬大闢以大柳特薦改

官中深恨滯畱睽屬續此生賫恨在天台

哀範卿學士弟

萬卷曾中學已優安恬當向古人求有財謾說駒千里此路何殊


貉一邱儒館芸香今寂寂親闈芝檢竟悠悠懸知簫鼓江村路茂

柏深松結暮愁


楊彥安植大夫挽歌詞

英猷卓識世無多用不酬材可奈何庇邑頌聲空製錦阜財智算

漫熬波鱸堂積學家傳慶蟾窟登榮子繼科下里有車催遣奠上  
池無藥起沈疴心期于我勤知過肺腑從公久切磋十載飄流隔  
生死東風吹淚寄滂沱



丹陽集卷二十一



丹集二十一

三

丹陽集卷二十二

七言絕句

讀史八首

王嘉

王嘉冤死有由緣峻節忠言照史篇最是一條堪恨處臨刑猶道

孔光賢

馬融  
為梁草奏枉忠臣李固黃緣遂殺身南郡何須施絳帳應無面目

見時人

陳蕃  
閣尹流凶徧海隅飛章露奏計誠疏黃門詔獄空忠鬼天下何因

遂掃除

鄧伯道  
賊掠家儲歲阻饑將兒繫樹後無兒林回輕棄千金璧始信皇天

丹集二十一

是有知

法真

獎鑒人倫重法真親庭曾遣助  
口人牖開占察曾何補只得庸庸  
番土臣

王戎

兒時黠慧豈尋常苦李從教結道傍  
何事季年癡更甚為財鑽核  
長膏盲

沈約

革運稱梁出祕謀壽光不許范雲留  
赤章夜奏稱非己合向人間  
諡隱侯

王維

子昂文律唱唐家摩詰詩聲未易加  
場屋有誰深薦達坐令入穀  
賴琵琶

泮水

半壁清波勢自然鸞聲旂色想當年  
野芹不識興亡恨猶有牽風  
漾碧漣

廟宅

素王遺廟屋渠渠老檜陰濃耀碧虛  
無復升堂聞古樂尚傳開寶  
得丹書

靈光故基

蟠螭宛轉謾承楣東序西廂只廢基  
終與建章同圯壤浪言神力  
有支持

望嶽亭

迤邐羣山不識名天門日觀遠崢嶸  
地靈不見二官迹聖作時聞  
萬歲聲

壽慶二邱

巍巍寶贛聳青冥軒后開基向此生  
雲瑞已隨仙馭遠電光猶遶  
北樞明

省習堂偶題

格外官曹自在身，闔門掃軌養天真。何須更待年三十，始約孤高不詣人。

蒙文中縣丞以詩送苦筍走筆六首爲謝

豹皮羊角食無冤，煩助先生箇著槃。便教佐饗淹苦酒，春餘調筆要多酸。

張衡愁坐政煩冤，下筯南京照午槃。老作禪癡多不肉，每觀鰕鯪鼻辛酸。

爨無煙火歎廚貧，嘉藪蒙頒勝八珍。苦口片時終雋永，端如藥石盡規人。

茂林髡取未應貧，政恐書材窘伯珍。更請作橋通夜道，可憐辛苦涉溝人。

公圃荒涼此物無，畦丁遺餉十餘枝。他年京下憎羊酪，莫忘溪亭點酒時。

碧潤那憂盛夏無，駢頭聊取供齋枝。辟疆園暗新蒼玉，未害清柯貫四時。

四月八日蒙文中餉黑飯作詩二首紀謝

熱際初經四月八，磨香灌佛曉泉寒。丞公忽致槃游飯，兒輩驚看歡喜丸。

方歎流塵生范甑，何圖香黍溢顏箠。將軍尚未封侯貴，推去那容學井丹。

比作黑飯新茶二首，未蒙文中縣丞寵和走筆再賦以助一笑。點漆飯蒙清淨供，翻匙那敢配羊寒。獨欣法味盈齋鉢，尚欲詩辭看彈丸。

三歎曾厭闔沒腹，十方皆滿淨名箠。定中不敢逃禪飯，卑景何因醉臉丹。

次韻張仲宗元幹絕糧五絕

高賢往往突不墨，造化從來一小兒。執戟逐貧曾有賦，柴桑乞食

豈無詩  
二頃無田空好歲四郊多壘已仍年遙知壁立書生舍只有溪藤  
與麝煙  
飄蓬聞說旅途窮我亦枯魚困轍中裹飯獨期來見客一杯當卜  
與君同  
冠玉何因常寶牖身名未泰少安之雀羅忽枉黃金彈驚怖還應  
震失匙  
中臺宏講禪初政學省雄文畏後生不悟宦遊成左計只今無米  
糝藜羹  
從仁叔求楷笏四首  
異種初從弟子栽東家宰木鬱泉臺誰知當日勤封植只作人閒  
手板材  
好事頻來闕里堂文房裁斲已盈牀講郎乞與非拋卻已辨芬絲  
結紫囊

橫斜文理秀爛斑分餉閒官尚獨慳準擬遣人來檢料欲將挂頰  
望西山

祇召行親尺五天書辭對命赤墀前人言此板多乖悟換試聊須  
覓褚淵

陪亞仲遊習家池不攜妓偶作二首

史君攜客看池頭不載連營女妓遊紅燭要須醉薺澤白雲何似  
老溫柔

四序垂楊裊麴塵荆豪不見水粼粼何須倒載搖鞭問不是并州  
姓葛人

少蘊內翰示和朱氏新治澗泉之什依韻和兩絕

桐川舊傳七里瀨洛宅仍誇八節灘樓聳橋橫墮波影未應能勝  
此山閒

北門學士居新北南海使君家中更有嬌雲兼健水吾邦從此  
冠玲瓏

次韻叔才見貽二首

舟隨風入亂山村流水桃花似武陵  
疊穎叢條煩寄語幸非逋客莫相憎

紛紛寵辱不勞驚凜凜孤高未易名  
聞有百錢供菜把下簾從此謝君平

尋山

檻泉依石古名壑細轉輕流有令姿  
不覺籃輿歸日暮坐憐清泚住多時

山臺

休言歌酒舊時好把酒高歌今更新  
醉裏不知身是客寒城落日數行人

鳳凰山泉石勝絕去城無幾里而前  
此未有知者偶因休吏與文中良器  
二士訪尋得瓌奇卓絕之觀於荆棘  
草莽閒相顧大笑因崇基址築亭榭  
且疏泉贊池爲登臨嘯詠之地九月  
二十五

日遊陟歸夜作小詩十首

鳳凰山色鳳凰泉山下泉邊有隱仙  
同是荒榛埋沒久一朝題自萬人傳

渾渾泉源瀉一溪碧澗方沼燭鬚眉  
便須牽率諸臣賀卻向山中得鳳池

結宇南池頌老潛東亭復構半空簷  
書棋文義慙朱异獨向雲山號不廉

暝靄昕霞景變移煙雲竹樹渺參差  
輭紅塵裏何因有遷謫江湖卻恨遲

竹好祇生君子國松高不受大夫名  
兩郎風韻都相似結作東西四友生

濃淡峰巒低復高林深依約見汀橋  
風流公子圖紈扇咫尺須論萬里遙

鳳去丹山久不歸昔年曾此覽朝暉  
紫庭正帶黃紳望曷日重將

九子飛

從我登山未覺疏應將得失日乘除喜添桐葉千篇詠顧減茅堂一卷書

陰森行盡古榕林別有幽奇路可尋漁舍傍溪人不見弄晴水鳥自浮沈

消盡機心獨保真無情雲外合相親安心丈六奇礪石不是山閒射虎人

再賦十絕

橫肱盤石俯清泉山澤臞儒似列仙汎水登山聊肆志著書萬卷果誰傳

檻泉甘美勝梁溪來照泓澄得展眉盡道潺湲流不遠那知無路到天池

子亭聊欲寄幽潛旋斲茅茨覆短簷北牖未妨施枕簟炎天坦腹臥飛廉

雲峰遙看步慵移層碧三參更兩差天際餘霞似殘錦只堪收拾餉邱遲

兩士端如蕭子顯求心已足不干名春朝秋夕風兼月辭藻居然嗜此生

雲蓬煙艇寄孤高破浪乘風不礙橋豈待征夫問歸路始教輕漾日遙遙

眺望雲巖每惜歸溶溶溪練照斜暉雙鳧容與還如我因戀滄洲更不飛

清新十韻豈材疏俗韻蕪辭盡掃除佳句浪傳真可惜郊居齋壁莫輕書

輒語相從喜道林碧流紫樹白幽尋是非那復談朝士嬾作香方比麝沈

蠟珠作鳳定非真真鳳惟梧與竹親鳳去臺空應不恨賦詩同有謫仙人

走筆再和鳳凰山十韻酬良器解元兼呈文中宣德

洞府桃花出沈泉只容劉阮見飛仙叢條疊穎嫌逋客好去人間  
莫浪傳

不甘蒿藜蔽流溪混沌何妨一畫眉若遣周回插楊柳醴泉便是

陸家池

隱吏皆非謾誨潛夜燈花落廣文簷招尋日月攜連璧不用船中

覓孝廉

屈曲雲根屋旋移下窺鴛瓦碧參差不須欲速求僂路自地升天

理合遲

雲巘回環出遠青千層萬疊莫知名白茅峰獨如黃憲不見須臾

鄙吝生

催功下下與高高束火人歸鬧小橋莫向九巖生妄見須知采柏

望中遙

灘深畱客不容歸更盡西山一寸暉要看冰輪升紫磨遶枝寒鵲

自驚飛

秋殘景物更蕭疏愁寄憂埋盡破除埃壒是中無少分畫塵終恐

悞君書

聞有山房隱茂林高人不與世相尋屋虛但有荒基在恐是宜僚

遁陸沈

結友忘懷契道真水雲情話似親親愛君葉落雲飛句知是才高

壓眾人

送靈浩江州般若之請二首

甚深真諦不容聲溢水鑪峰照坐明悟般若人居般若鐘魚都是

妙香成

峴山峰頂五花堂曾見迷津賴法航霄水江流同一滴未妨作戲

更隨場

師今北去幾時回是法初無去與來一句但言無可得寶函封印

不須開

贈僧知先

諸方行盡夙心諧澄碧歸來寄雅懷曾識禪那兩居士昭文齋主與高齋

庵僧善能求詩贈二絕句

此生任運只騰騰聊作空山骨觀僧生死由來如幻夢道人因此識三乘

一瓶一鉢早周游參徧雲門與趙州卷席歸家只趺坐了無一法可推求

靈山紀遊

慣穿蒼翠屬潺湲來伴高僧半日閒鷲嶺談經元未散不應向此認靈山

寄次顏叔時為蘇州庾官

遶郭清蒿翠欲浮燕泉山水抱城流娃宮香徑終肥膩誰道蘇州勝汝州

題龍興寺顏魯公祠二首

幻界當年暫陸沈聊憑前綵結知音清貧雖乏生前米飛裂還多死後金

平原高節映常山生死興亡本自天莫道排牆為鬼錄請看裂鐵

作形仙友鄉病起二絕句

相從天末慰羈愁屬疾書窗喜頓瘳休向友鄉求竟論且從吳客

話詩籌遠來著錄寧非黠肯作長齋卻是癡別久相懷因少廣朝來新得

字如龜遊徑山蘊常上人字無可以山中秋日十詩求和因次韻

年大飄零馘已黃野麋難復廁鴛行山名一徑通天目便欲看雲

老是鄉幽尋連日至如歸款聽清談玉屑霏好乞一庵容一社只消枳落

與松扉

棘蓬禪老舌縱橫小閣談元夜氣清頓覺心空重及第信知茲理本無生

五峰崑崙勢滌回國一當年手自開莫向蘭袍認遺像此心無去亦無來

攀條葉脫驚徂歲照影波清悵病顏好似蘭臺感秋客送歸臨水與登山

嚴除賓館遠相迎挂壁殘缸夜自明臥聽愁聲嗚索索華鯨呼粥報參橫

昂霄杉桂不知年風燾雲幢鎖暮煙狡獪老欽能縮地十州移得別山川

貞龍徙舍走風雲寒井猶餘舊漲痕老去文書但遮眼嬾求寒澗洗眇昏

擁書齋館水侵門當日靈芝秀一村碧落二卿今不見空餘喬木

曉驚猿

萬疊山深顯氣清沈寥天宇鴈初橫真機已契偏中正世事聊將熟處生

次韻劉無言蕭山中五絕句敢請諸僚和之

載酒陶春久不歸將花判斷定忘疲尋芳便作而今計莫待他年子滿枝

命友登山共寄情亦逢佳處便班荆有時便取琴雙鎖寫出蒼髯夜半聲

蕭閒谷飲更巖栖應笑癡人簿領迷萬頃青油行省舫嫩黃輕拂柳條低

川原紅綠遠交加春物關心夢到家體骨素輕唯燕子面皮最好是桃花

榮槁如環浪自循一筇雙屐伴行春溪翁野老來爭席不識蓬山第一人

遊真意亭得二絕句示良器

相攜取意蹋郊墟松拂芒鞋畢竟俱灑落持君比佳竹幽人一日

不堪無清波澄澈復縈紆照影湘纓得自娛寄與溪光容笑傲人愚那敢

便相愚

嘲淵明

粟貯瓶中能幾何頭巾漉酒苦無多雖然清藻標千古試問還曾

醉飽麼

中庭雙柏

羞為趙瑩婆娑樹嬾作處回旌節花獨立凜然霜雪裏唯將真節

勸無邪

約特進河東相公元樞河南相公遊菁山觀梅用前韻重賦五絕

獨抱幽真歲月長不甘取次為人芳紫樞黃闥垂青眼宿藥橫枝

特地香

嚼藥攀條起日華懸憂面旋逐風斜若非鼻觀通清馥應道漫天  
無蒂花

蔽谷連山萬樹多吳天今日驟晴和冰肌玉骨知誰似只向尊前

許兩娥原注河東公是日出二姬

為愛寒英暫去家不辭溪路渺津涯山村盛事人應說第一人觀

第一花

春醪香旨約同嘗玉雪花多獨此疆敢請對花同爛醉擬將酒債

典衣償

以梅花餉富季申直柔樞密有詩三首謝次其韻

數枝幽豔逼人清望臘先馳淡日程往近樞光增嫵媚絕勝寒影

照溪明

姑射肌膚獨占清東南萬樹數鳥程原注菁林便須挈榼連宵賞

要看瓊蕊伴月明

葛山庵畔野梅清風便猶須半日程聞說數枝來几席何妨先賞

到黎明

次韻胡汝明舜陟梅花下小飲三首

林閒縞袂綴瑤英  
月底輕盈畫不成  
拂石坐來花一眼  
神膚從此喜雙清

南枝連夜犯寒開  
好事誰曾步履來  
上客固知心匪石  
為花燒燭取瓶罍

輕陰池館潤無塵  
骨醉簪花任笑人  
先向孤芳一傾倒  
明朝更浥上都春

汝明以詩謝餉菊次韻二首

千本黃花嫩色深  
恍疑春色變家林  
禪翁護戒新停酒  
小宴無因費百金

和氣迎陽更棣通  
露根移得自蠶叢  
分明般若圓明相  
誤落柴桑酒盞中

二聖圖書

狀曰華陽真面賦風神味非真賦前賢賦對天

宸章端與三墳並  
奎畫全將六義該  
湖海小臣如草木  
豈知雲漢有昭回

夢良以書獻吉夢戲作二絕

山林皋壤樂無厭  
況是寒灰豈復炎  
蹇足上天無是理  
固應此夢不須占

枕中佳兆遠相誇  
未敢憑虛便拜嘉  
老去定心如止水  
不隨閒夢入人家

書懷二首

寂寂蓬門雀可羅  
不妨休影養天和  
諳人三十已當止  
年事那堪更倍過

樗散知非濟世賢  
一官明道又踰年  
真人上界官都足  
甘向塵寰作散仙

雪意

闌淡同雲撥不開  
歲陽云暮迫星回  
寄言大造洪濛裏  
速致青腰

滕六來

雪

朔風一夕結層陰奇貨居來更易尋器異山濤仍玉璞坐無王行亦瑤林

雪中有懷舊遊次友人韻

昔汎秦淮一舸飛角聲吹動塞雲悲如今獨聽寒窗雪憶殺梅花

舊日詩

陪樞密富公遊雪川卽事呈三首

飛樓百尺面嶺岼萬頃谿光帶谷寒宵寐正求良弼夢雲山聊得

暫時看

龍庭一紀袖攜香磊落功名竹帛光敢請東周重復古肯同歌鳳

接輿狂

杖藜登覽更簪蒿莫學騷人獨舖糟奕世當傳張顛印三公行佩

呂虔刀

疊前韻三首

菁村小隱卜嶺岼盟在前鋒詎肯寒卻把青鞵蹋城市赤闌山色

帶慙看

青蘋風起遞秋香翠葢紅妝襯水光暇日躋攀莫辭數人生百歲

似風狂

晚涼湯餅點青蒿葡萄分甘笑楚糟好摘江蘼充雜佩不須歲晚

夢三刀

涌橋道中

雨跳濁水千漚亂風過橋林萬弩齊頃刻涌橋斜景在市人來去

兩虹霓

七夕

朱閣瓊宮輝紫房翠翹下墮慰愁腸天中感遇非塵世不念癡牛

念郭郎原注郭翰

次韻德升七夕二首

盈盈一水截長空烏鵲橋成得暫通  
逗曉歸來裝萬恨舊機牢落  
響寒風

霓旌鸞扇去央央雲路輕車駕七香  
靈會此宵才瞬息經年何苦  
夜偏長

次韻德升頤軒詩五首

晴碾春龍鬪小窗飲壑難遣睡  
魔降翩然夢遶滄州去白馬波寒  
槩一雙

輓轡聲到讀書帷草解招涼暑氣  
遲淨掃竹軒人不到成樓哀角  
又空吹

造物機緘屬小兒嬾從寒燠究  
端倪綠陰晝寂孤花靜猶有黃鸝  
恰恰呢

金鸞賜第新攀桂鐵幕官期未及  
瓜隱几蒲團無一事五車關眼  
未昏花

外物年來論已齊眼看人事浪推  
移穢祥白犢何勞問寵辱黃梁

共一炊

次韻德升惠新茶二首

寵餉頭綱北焙茶分甘應自五侯  
家午雞驚破槐安夢猶有新香  
在齒牙

雙壘紅囊貯揀芽旋將活火試  
瑤花平生未有陽侯厄喜聽  
咿啞

轉井車

新茶  
當日火攻應有法此時水厄定  
無餘閒軒七椀宜頻試九隴清  
泉

勝具區

烹茶  
俗耳未容聽滴瀝水瓶聊遣  
挹泓停晴軒小酌煎新茗紗帽  
籠頭

似管窰

鮒魚  
貫以柳條仍撥刺  
芼之筠筍佐鮮肥他年京洛  
憎几饌莫忘河亭

染指時

烹筍

味佳端可供羹挾韻勝尤宜薦酒螺自笑癡人饜口腹不求新竹

透林多

友人惠芍藥并青梅一枝偶成三絕

窺園記我分名卉大似梁園重錦紅自愧江淹才已盡卻須還與

主人翁

芳叢的皜

長明檻不似餘花頃刻春始有常能耐久何須逐巧

鬪尖新

香雪一林初著子和枝分餉不吾慳含酸但止文園渴青鎖無人

蹙遠山

以糟水灌芍藥戲題二首

年年國豔賞敷腴酩酊供人就燕胥此段固應先骨醉舖糟聊學楚三閭

金邊山畔汁偏美玉井峰頭船最多未敢磨刀供大嚼卻愁藏扎

有修羅

山谷以寒巖子詩十二首作橐書詞筆俱絕裴繼之出示求跋因

題絕句

百篇詩已露玄關欲免驚愚理亦難招得使君來帳下不應饒舌

坐豐干

跋子猷訪戴圖

玉屑金波各眼塵如何牽役不知勤往來擾擾天機亂那似端君

對此君

跋陶淵明歸去來圖

小邑絃歌始數旬迷途才覺便歸身欲從典午完高節聊與無懷

作外臣

吳道子畫鬼

莫將幽顯較精粗人鬼從來理不殊磊砢擎雲傳怪狀論師天眼

識工夫  
跋李伯時畫李玄通隨虎圖三首

華嚴寶軸挂於菟笑問翻經有也無引下福山三十里不應老馬

獨知塗福清樾寒潭土作宮楊枝柏葉五年中論成永作將來眼一笑功歸

大小空

素幅工傳長者真龍眠端恐是前身只留散帶經行影不貌供齋

兩主人

跋黃魯直畫

江南黃鷓飛滿野徐熙畫此何為者百年幅紙無所直公每翫之


常在把原注玉篇鷓鴣也說文鷓鴣也一日年母

畫竹二首一日駕呂氏春秋注田鼠也駕幽州謂之鷓


萬箇霜筠保歲寒風枝輕夏玉琅玕何人重作翩翩賦寫出高標

與眾看

眼到竹邊知未是竹來眼裏亦全非諸人問我真如意不到山前帶笠歸



丹陽集卷二十二



丹陽集卷二十三

詩餘

浣溪沙 詩梅

東閣郎官巧寫真西湖處士妙傳神  
嫣然一笑臘前春鬪好雖無冰骨女相宜  
幸是雪髯人且煩疏影入清尊

又 木芍藥 三首

可惜隨風面旋飄直須燒燭看嬌嬈  
人間花月更無妖濃麗獨將春色殿繁華  
端合眾芳朝南牀應為醉淘淘

通白輕紅溢萬枝濃香百和透豐肌  
丹山威鳳勢將飛玉鏡臺前呈國豔  
沈香亭北映朝曦如花惟有上皇妃

鬪鴨關邊曉露沾華堂醉賞軸珠簾  
插花人好手纖纖遮護輕寒施翠幄  
標題仙品露牙籤詞人遺恨獨江淹

又 賞芍藥

樓子包金照眼新香根猶帶廣陵塵  
翻階不羨掖垣春不分與

花爲近侍難甘溱洧贈閒人如羞如怨獨含顰  
又少蘊內翰同年寵速且出後堂并製歌詞有鴛卽席和韻二首

今夜風光戀渚蘋欲教四角出車輪金釵離立座生春 神女恍

驚巫峽夢飛瓊原是閨風人詔封後院寵儒臣  
溪岸沈深屢汎蘋傾城容見此惟輪可憐虛度二年春 暮暮來

時騷客賦朝朝新處後庭人天留花月伴羈臣  
又少蘊

盤裏明珠芙蓉香尊前堆雪臉絲長何妨羌管奏伊涼 翠葆重

生無復日白波不醜有如江壁閒醉墨任淋浪  
又少蘊內翰同年寵速遺妓隱簾吹笙因成一闋

東道殷勤玉學飛華鐙傾國擁珠璣玉奴嫌瘦玉環肥 縹緲幸

聞緜嶺曲參差猶隔夏侯衣放開雲月出清輝  
訴衷情 友人生日

清明寒食景暄妍花映碧羅天參差捍撥齊奏豐頰擁芳筵 逢

誕日揖真仙託爐煙朱顏長似頭上花枝歲歲年年

減字木蘭花 公弼姪初授官以此勸酒

辛勤場屋未遇知音甘陸陸詔錄遺忠一札天書下九重 鵝城

初命此去青雲應漸近解褐恩新今歲吾家第四人  
西江月 王月十七日與文中自邑境徧游歛駭祁門諸山水十九日在黟邑洞靈觀夜燕二首

羈宦新來作惡窮途誰肯相從追攀十日水雲中情誼知君獨重

寂寂回廊小院冥冥微雨尖風鳳山香雪定應空昨夜疏枝入

夢  
山鎖紅桃阡陌煙迷綠水人家塵容誤到只驚嗟骨冷玉堂今夜  
莫對佳人錦瑟休辭洞府流霞峰回路轉亂雲遮歸去空傳圖

畫  
又三月初六日席上代監酒和  
晚路交游綠酒平生志趣青霞霜風時節近黃花汎宅舟將鷁畫  
不分兩溪明月夜深只屬漁家今朝清賞寄情涯肯向榮途索

價

又叔父慶八十會

瑞獸香雲輕裏華堂繡幕低垂人主七十尚為稀況是鈞璜新歲  
登俎青梅的皜明闌紅藥芳菲天教眉壽過期頤常對風光沈

醉

又與王慶錫登燕集作

清樾已生晝寂孤花尚表春餘象牀筠簟燕堂虛初過晚天微雨  
珪璧新來北苑鱸尊未減東吳捧觴紅袖透香膚不浥翔龍煙

縷

醉花陰

次印師韻

東皇已有來歸耗十里菁山道凍林萬梅一夜妝成似趁鳴雞  
早年時清賞曾同到先仗游蜂報抖擻舊心情一笑酬春不羨

和羹詔

瑞鷓鴣

工部兄七月一日生辰

火雲欲避金風至秀氣充閭初降瑞去家丁令卻歸來還燕懸弧  
當日地金章紫綬身榮貴壽福天儲昌又熾怪來一歲四遷官  
還遇當生元太歲

浪淘沙

十月十九夜賞菊

我愛菊花枝浥露偏宜旋移佳種一年期照眼黃金三徑爛可但  
東籬秋老摘花吹敢恨開遲只愁一夜便香衰待插滿頭年大

也且汎芳卮

又九月十八日與千里賞菊三首

又見菊枝新色淺香勻老人衰病臥漳濱雖是無聊仍置酒幸有  
嘉賓不用怨蕭辰不似芳春請看金盞照金尊今夜花前須醉

倒直到黎明

歌闕鬪清新檀板初勻畫堂新築太湖濱好是黃花開應候聊宴  
親賓上客即逢辰況是青春上林開燕錫堯尊今夜素娥真解  
事偏向人明

娛老小亭新丹堊初勻萬枝金菊繞溪濱折向華堂遮醉眼聊用  
娛賓紅燭夜將辰廣坐生春月波新釀入芳尊好向花前拌爛  
醉不負承明

鷓鴣天賞菊二首

黃菊鮮鮮帶露濃小園開徧度香風自簞玉醴酬秋色旋洗霜鬢  
對曉叢香在手莫怱怱尋芳今夜有人同黃金委地新收得莫  
道山翁到底窮

采采黃花鵲彩濃吹開一夜為霜風已邀騷客陶元亮不用歌姬  
盛小叢秋易老莫怱怱齊山高興古今同欲知此地花多少一  
眼金英望不窮

又九月十三日攜家游真意亭燕集二首

婆律香濃氣味佳玻璃仙盃進流霞凝香清滌高陽醉靈液甘和  
正焙芽香染指浪浮花加邊禮盡客還家貫珠聲斷紅裳散蹋  
影人歸素月斜

小榭幽園翠箔垂雲輕日薄淡秋暉菊英露浥淵明徑藕葉風催  
叔寶池酬素景泥芳卮老人癡鈍強伸眉歡娛莫遣笙歌散歸  
路從教鐙火稀

又新春

玉瑄還飛換歲灰定山新棹酒船回年時梁燕雙雙在肯為人愁  
便不來衰意緒病情懷玉山今夜為誰頽年時梅蘂垂垂破肯  
為人愁便不開

木蘭花盧姊生辰

談圍曾蔽青綾帳林下中年敦素尚煙波偶趁一帆風卻鎖雲局  
來就養自從悟得空無相身把虛空來作樣大千沙界抹為塵  
未比無生真壽量

鵲橋仙七夕三首

涼飈破暑清歌縈坐缺月稀星庭戶瓜華草草具杯盤喜其浥初  
筵零露天孫東處牽牛西望勸汝一杯清醕精靈何必待秋通

爲一洗朦朧今古

天孫佳耦天津輕渡卻笑姮娥孤皎平時五夜似經年問何事今宵便曉雲車將駕神夫留戀更吐心期多少支機休浪與閒人莫倚賴芳心素巧

南鄉子 三月望日與文中諸賢汎舟南溪作

柳岸正飛絲選勝齋輕漾碧漣笑語忘懷機事盡鷗邊萬頃溪光上下天 荻葦久延緣不覺遙峰靄暮煙對酒莫嫌紅粉陋嬋娟自有孤高月姊仙

又 九日

拂檻曉雲鮮銷暑危樓竦半天曾是攜賓當薦九開筵度水滎山奏管絃黃菊映華顛千騎重來已六年樓下東流當日水依然更對周旋舊七賢

又 九日用玉局翁韻作呈座上諸公

晴日亂雲收人在蘋香柳暉洲溪上清風樓上醉颺颺共折黃花

插滿頭 佳客獻還酬不負山城九日秋茗碧若青供酪酏休休

楚客當年浪自愁

又 九日黃剛定再索席閒作

秋水瑩精神靖節先生太逼真談塵生風霏玉屑津津爽氣泠然欲侵人 一座盡生春滿引瓊觴已半醺更把黃花壽彭祖

魏文 帝書 盈盈數闕新聲又遏雲

虞美人 酬衛州弟見贈一首

三年曾不窺園樹辛苦螢窗暮怪來文譽滿清時柿葉書殘猶自日臨池 春秋新學卑繁露黃卷聊堪語家人不用寄歸詩行看昇平樓外化龍歸

一輪丹桂宵窠樹光景疑非暮天公著意在茲時埽盡微雲點綴展清池 尊前金奏無晨露只有君房語驪駒客莫賦歸詩東道

留連應賦不庸歸

原注一作共賜青 題靈山廣瑞禪院

靈山法會何曾散此地神光滿丁公潭下百雷霆疑是銀河挽下  
一齊傾 高橋飛觀連雲起檻外驚湍水大磯才過小磯來應有

天孫靈馭月中迴

又自蘭陵歸冬夜飲嚴州酒作

嚴陵灘畔香醪好遮莫東方曉春風益益入寒肌人道霜濃臘月  
我還疑 紅爐火熱香圍坐梅蕊迎春破一聲清唱解人頤人道  
牢愁千斛我誰知

臨江仙

上巳日游海昌王氏園呈吳宰劬及中散兄

倦客身同舟不繫輕帆來訪臞仙春風元已豔陽天天桃方散錦  
高柳欲飛絲 千古海昌佳絕地雙鳧暫此留連通宵娛客破芳  
尊蘭亭修禊事梓澤醉名園

又燕諸部使者二首

自古吳興稱冷僻菰城水浸鄰鄰回星難望使車塵如何三日飲  
并有五行人 文似枚皋加敏速記書易若張巡幕中無用邨嘉

賓它年浮棗會莫忘兩溪春

千古烏程新釀美玉觴風過鄰鄰歌聲未辨起梁塵九天扶持客

來作繡衣人 夙有詞華驚乙覽傳聞獻頌東巡未應握節久賓

賓一封馳詔旨卻醉上林春

又與葉少蘊夢得上巳游法華山九曲池流杯

小漾洪河分九曲飛泉環繞鄰鄰青蓮往事已成塵羽觴浮玉瓚

寶劍捧金人 綠綺且依流水調蓬蓬醕鼓催巡玉堂詞客是佳

賓茂林修竹地大勝永和春

又嘲尉姜補之託疾臥家

郊外黃埃端可厭歸家移病香閨象牀珍席共委蛇耆婆尋草盡

天女散花遲 小雨作寒秋意晚簷聲與夢相宜冷侵羅幌酒煙

微試評書五朵何似畫雙眉

又席上和呈中散兄及吳令三月初六日

寶觀岩堯飛雉堞登臨恍欲升仙野桃官柳襯吳天春風寒食夜

遺恨在封絲 聞道東溟才二里銀濤直與天連憑誰都卷入芳  
尊賦歸歡靖節消渴解文園

又章園賞瑞香二首

二月風光濃似酒小樓新溼青紅碧琉璃色映羣峰更移金鑿落  
來賞錦薰籠 詞客舊曾留月旦此花清麗纖穠未饒蘭蕙轉光

風赤闌呈雅豔翠幕護芳叢

雪壁歌詞題倚溼春風又見輕紅一枝斜插映頭峰不辭連夜賞  
銀燭透紗籠 白髮欺人今老矣尊前羞見繁穠清香尤嫵虎溪

風海棠須避席佳種謾蠶叢

又二月二十二日錦薰閣賞花詞

檻外奇葩江外種嬌春未減靨紅畫樓晴日歛雲峰佛香來海岸  
蜀錦薦燈籠 今夜那憂殺風景酒花來鬪妖穠江梅冷淡避春  
風明朝來縱賞應醉綺羅叢

定風波

與葉少蘊陳經仲彥文燕駱駝橋二首

千疊雲山萬里流坐中碧落與鼇頭真意見娛吾已領煙景不辭  
捧詔久汀洲 老去一官真是慢溪岸獨餘此興未能收留與吳  
兒傳勝事長記赤闌橋上攬清秋  
共喜新涼大火流一聲水調聽歌頭況是修蛾兼粉領佳景謝公  
元不礙滄洲 平昔短檠真太慢氣岸老來都向酒杯收雲水光  
中修禊事猶記轉頭不覺已三秋

蜨戀花

春夜卽事二首

二月春游須爛漫秉燭看花只爲晨曦短高舉蠟薪通夕看紅光  
萬丈騰天半 寄語平時游冶伴不負分陰勝事輸今段燈火休  
催歸小院慙慙更照桃花面

只恐夜深花睡去火照紅妝滿意留賓住鳳燭千枝花四顧銷愁  
更待尋何處 漢苑紅光非浪語棲靜亭前都是珊瑚樹便請催  
斟鳴鼙鼓明朝風惡飄紅雨

又疊前韻二首

子集二十一

七

百紫千紅今爛漫舉燭輝花莫厭燒令短酒裏逢花須細看人生  
誰是英雄半安得紅顏爲老伴妙舞花前楊柳誇身段已倒玉  
山迴竹院清香不斷風吹面

已過春分春欲去千炬花間作意留春住一曲清歌無誤顧繞梁  
餘韻歸何處盡日勸春春不語紅氣蒸霞且看桃千樹才子霏  
談更五鼓騰看走筆揮風雨

又和王廉訪

風過漣漪紋縠細十拍香檀驚破文禽睡野蔌溪毛眞易致風流  
未減蘭亭會擊汰千艘供洛禊映水垂楊萬縷拖濃翠小海一

聲波上戲慙慙留客千金意

又二月十三日同安人生日作二首

雨後春光濃似醉著柳催花節物侵龍忌繡祿香閨當日瑞紫蘭  
宮墮人間世歌管停雲香吐穠碧酒紅裳共祝魚軒貴天上阿  
環金籙祕龜齡鵠壽三千歲

共樂堂深簾不捲惻惻寒輕二月春猶淺續壽競來歌舞院龍涎  
香襯鮫綃段畫棟朝飛雙語燕端似知人著意窺金醖柳外花  
前同祝願朱顏長在年齡遠

又章道祖生日

安石榴花濃綠映解慍風輕政是朱明令袞繡元臣門戶盛童孫  
此日懸弧慶夜燕華堂添酒興黃紙除書遠帶天香賸欲挹茗  
波供續命不須龍護江心鏡

漁家傲 初創眞意亭於南溪游陟晚歸作二首

巖壑縈回雲水窟林深路斷迷煙客茅屋數椽攜杖鳥人寂寂侵  
簷萬箇琅玕碧倦客羈懷清似滌更無一點飛埃迹溪漲慢流  
過几席寒淅淅鳧鷖點破琉璃色

疊疊雲山供四顧簿書忙裏偷閒去心遠地偏陶令趣登覽處清  
幽疑是斜川路野蔌溪毛供飲具此身甘被煙霞痼興盡碧雲  
催日暮招晚渡遙遙一葉隨鷗鷺

江城子

和無言雪詞

飛身疑到廣寒宮  
玉花中興何窮  
酒貫旗亭誰是惜  
青銅飄瞥三吳  
真妙絕銀萬里  
失西東  
華堂紅蠟煖  
歌鐘卷簾風  
賞空濛豐頰  
修眉鶴鬢擁仙翁  
欲作鸞花底  
客清漏永  
禁城重

驀山溪

送李彥時

出門西笑千里長安道  
不用引離聲  
便登榮十洲  
三島畫船珠箔  
蘋末水風涼  
隨岸柳楚臺人景與人俱好  
應憐見晚玉殿生清曉  
正是妙年時  
步承明謀身須早  
輶車虜使新逐  
凱歌回恩綉重  
綵衣輕嘉慶知多少

又

天穿節和宋刑掾二首

望雲門外油壁如流水  
空巷逐朱轡  
步春風香河七里  
冶容袂服  
摹石道宜男  
穿翠靄度飛橋影在清漪裏  
秦頭楚尾千古風流  
地試問漢江邊  
有解佩行雲舊事  
主人是客一笑強顏  
春燒鐙後  
賞花前遙憶年年醉

春風野外卵色天如水  
魚戲舞綃紋似出聽新聲  
北里追風駿足  
千騎卷高岡一箭過  
萬人呼雁落寒空裏  
天穿過了此日穿名  
地摹石俯清波競追隨  
新年樂事誰哀老子  
使得慙遨遊爭捧腹  
乍憑肩夾道游人醉

滿庭芳

任昉嘗為新安太守風流名迹圖經史牒具載感今懷古

百不為多一不為少  
阿誰昔仕吾邦共推  
任筆洪鼎力能扛  
不為桃花祿米  
讎書倦一葦橫江  
招尋處徒行曳杖  
曾不擁麾幢  
川真大好魚磯無恙  
密嶺難雙聽訟  
跡多就樵鷗僧窗  
歲月音容遠矣  
風流在遐想  
心降雲煙路  
搜奇弔古時為酌空缸

江神子

初至休寧冬夜作

以下從毛刻六十家詞補錄

昏昏雪意慘雲容  
獵霜風歲將窮  
流落天涯憔悴一衰翁  
清夜小窗圍獸火  
傾酒綠借顏紅  
官梅疏豔小壺中  
暗香濃玉玲瓏對  
景忽驚身在大江東  
上國故人誰念我  
晴嶂遠暮雲重  
點絳脣

縣齋愁坐作

秋晚寒齋藜牀香篆橫輕霧閒愁幾許夢逐芭蕉雨 雲外哀鴻  
似替幽人語歸不去亂山無數斜日荒城鼓

行香子 愁況無聊作

風物颼颼木落滄洲漸老人不奈悲秋驕懷都在鬢上眉頭似休  
文瘦文通恨子山愁 庭梧影薄籬菊香浮強招尋聊命朋儔窮

通皆夢今古如流且淵明徑子猷舫仲宣樓

水調歌頭 程良器嘉量別賦一闕紀汎舟之會往返次韻三首

夜汎南溪月光影冷涵空棹飛穿碎金雷翻動水精宮橫管何妨  
三弄重醞仍須一斗知費幾青銅坐久桂花落襟袖覺香濃 庾

公閣子猷舫興應同從來好景良夜我輩敢情鍾但恐仙娥川后

嫌我塵容俗狀清境不相容擊汰同情賞賴有紫溪翁

下瀨驚船駛揮塵恐尊空誰吹尺八寥亮嚼徵更含宮坐愛金波

激灩影落葡萄漲綠夜漏儘移銅回棹攜紅袖一水帶香濃 坐

中客馳雋辨語無同青鞵黃帽此樂誰肯換千鍾巖壑從來無主

風月故應長在賞不待先容羽化尋煙客家有左仙翁

勝友欣傾蓋羈宦嬾書空愛君筆力清壯名已在蟾宮蕭散英姿

直上自有練裙葛帔豈待半通銅長短作新語墨紙似鴉濃 山

吐月溪汎艇率君同吾儕轟飲文字樂不在歌鍾今夜長風萬里

且倩泓澄浩蕩一為洗塵容世上閒榮辱都付塞邊翁

木蘭花 與諸人汎溪作

木蘭干外池光闊午夜喬林迷岸檝掠船涼吹起青蘋縈水歌聲

欺白雪 檀郎響趁紅牙節胡語嘈嘈仍切切人生何樂似同襟

莫待驪駒聲慘咽

醉蓬萊 天寧節作

望蔥蔥佳氣虹渚祥開斗樞光繞析木天津正靈暉騰照鷺綴分

班象胥交貢奉御觴清曉玉殿寒輕金徒漏永瑞鑪煙裊 萬寓

均歡示慈頌燕壽祝南山慶均鳧藻縹緲紅雲望九重天表舞獸  
鏘洋抃鼉欣戴度管絃聲杳曆草長新蟠桃永秀與天難老

西江月 次韻林茂南博士杞汎溪

山外半規殘日雲邊一縷餘霞滿城飛雪散茗花萬頃溪連罨畫  
柳暉風流舊國鶴齡瀟灑人家皆嗟流落在天涯雲水從今起

價

瑞鷓鴣 相通判送別

兩年人住豈無情別乘辭華四水清何事千鍾勤飲餞故知一別  
未能輕解龜雖幸樊籠出挂席還愁海汐平江草江花都是淚

驪駒休作斷腸聲

浪淘沙 將去南陽作

步屣對東風細探春工百花堂下牡丹叢莫恨使君來便去不見  
鞞紅霧眼一衰翁無意芳牋年來結習已成空寄語國香雕檻

裏好爲人容

西江月 連水東樓燕集

豔曲醉歌金縷朱門高聳銅環中天樓觀共躋攀飛絮落花春晚

低映綠陰朱戶斜拖素練滄灣銀鈎華榜五雲閒奕奕蛟龍字

綰

又汎舟

鞞鞞斜紅帶柳琉璃漲綠平橋人閒風月正新妖不數江南蘇小  
恨寄飛花款款情隨流水迢迢鯉魚風送木蘭橈回棹荒雞報

曉

江城子 呈劉無言

浮家重過水晶宮五年中事何窮無恙山溪鬢影落青銅欲向舊  
游尋舊事雲散彩水流東茗花向我似情鍾舞霜風雪濛濛應

怪使君顏鬢便衰翁賴是尋芳無素約端不恨綠陰重

減字木蘭花 辭肇明二侍姬至葛山觀梅辭公會作

葛山仙隱尚有餘膏留舊鼎十里梅花夾道爭看袞繡華 人間  
妙麗並侍黃扉開國貴僻壤孤芳羞澀尊前不敢香

又病起不見杏花作

杏花零亂擬把百觚來判斷病臥漳濱不見枝頭鬧小春 吾衰  
老矣一醉花前猶不遂情緒厭厭虛度韶光又一年

西江月

送衛卿弟赴定遠簿

萬卷舊推鴻博一官且慰嗟此升平樓下賜危科曾對鴈昂瀟坐  
燕頤從來骨貴鸞栖尚屈才多今宵且共入無何定遠功名么

麼

浣溪沙

賞餘醪

一夜狂風盡海棠此花天遣殿羣芳芝蘭百濯見眞香 勸客淋

浪鐙底韻惱人魂夢枕邊囊一枝口插不口口

文康葛公文章粹雅夙絕當世士夫仰之儼如山斗凡所著  
作流布於人間者孰不珍藏而喜讀之曩者洪君出守儀眞  
固嘗鏤板以惠學者比以兵火蹂踐散失殆過其半曉不忍  
斯文之墜因學糧之餘投訪舊本命工補闕庶可傳之永久  
在曉雖不能繼三篋之美譽而亦可以足四部之藏也歟隆

興癸未仲夏甲寅日石朝請大夫知眞州軍州主管學事兼  
管内勸農營田事宋曉題

葛文康公以文章名世世之名能文者舉推尊之信筵乏綸  
闈與公之孫給事邨游從容論議得公平生爲多公妙齡擢  
上第以三經試學官應博學宏詞科俱第一徽宗幸太學時  
以賦頌奏御者千餘篇詔近臣第之以公爲首於是譽益重  
雖然茲公餘事爾公爲大司成數言時政得失忤貴要意禡  
職奉祠處之晏如也起知湖州過京師以書詆當路勸毋北  
舉其言有曰天下無事則宰相安宰相生事則天下危以今  
觀之識見過人遠甚豈特古所謂綴文之士哉有丹陽集傳  
於世儀眞舊嘗鈐板經兵火不全姚君恪爲守復刊之屬余  
識歲月因筆一二以發幽光之緒餘使後進得以窺前輩之  
學姚君本書生累與賓薦雖登武爵凡事能潤飾類此淳熙  
十三年七月初一日朝奉大夫試中書舍人兼修玉牒官王

信跋

丹陽集卷二十四

三

宋故左宣奉大夫顯謨閣待制致仕贈特進諡文康葛公行狀  
曾祖惟甫故贈吏部尚書曾祖母吳氏贈陳留郡太君  
祖密故任承議郎致仕贈通議大夫祖母胡氏陳氏皆碩人  
父書思故任朝奉郎致仕贈少師諡清孝母侍其氏贈秦國  
夫人  
公諱勝仲字魯卿其先嬴姓夏后世封國于葛春秋時嘗見于經  
其後子孫因以為氏漢魏之際籍廣陵唐天祐中有諱濤者避孫  
楊連兵之禍徙江陰家焉其子鄴太宗時以高年有德賜爵公士  
生詳隱居不仕于公為高祖娶焦氏是生尚書至通議清孝皆以  
進士擢第通議早歲歸休為鄉人所宗而清孝居官奉親清德孝  
行著聞既卒邑狀其事諡于州州聞于朝詔特賜諡清孝公幼警  
敏日誦書數千言九歲能屬文初清孝篤志孝養未暇為公擇師

丹陽集卷二十四

附錄

宋故左宣奉大夫顯謨閣待制致仕贈特進諡文康葛公行狀

曾祖惟甫故贈吏部尚書曾祖母吳氏贈陳留郡太君

祖密故任承議郎致仕贈通議大夫祖母胡氏陳氏皆碩人

父書思故任朝奉郎致仕贈少師諡清孝母侍其氏贈秦國

夫人

公諱勝仲字魯卿其先嬴姓夏后世封國于葛春秋時嘗見于經  
其後子孫因以為氏漢魏之際籍廣陵唐天祐中有諱濤者避孫  
楊連兵之禍徙江陰家焉其子鄴太宗時以高年有德賜爵公士  
生詳隱居不仕于公為高祖娶焦氏是生尚書至通議清孝皆以  
進士擢第通議早歲歸休為鄉人所宗而清孝居官奉親清德孝  
行著聞既卒邑狀其事諡于州州聞于朝詔特賜諡清孝公幼警  
敏日誦書數千言九歲能屬文初清孝篤志孝養未暇為公擇師

丹陽集卷二十四

三

九集二十四  
一日公白清孝曰某人不足以爲某師清孝駭問其故公徐于袖中出文彙清孝遽取視則語盡驚人而師所竄定皆非是迺笑而頷之遂爲公易師清孝嘗與客論文偶有遺忘召公問之酬答如響一坐嗟異自是賓朋會集必使公侍左右年十五而學成于經史無不精通年十六應開封舉中其選年十九丁內艱二十二再試開封爲第四主文歐陽叔弼見其封建策愛歎之紹聖三年復預開封優選明年試南宮時再用經義取士知舉文節林公希謂公遂于經旨擢寘高等遂登是歲進士第朝廷方興律學公居學纔閱月于法令貫通若素習試爲第一國子監上其程文乞旌擢以勵眾元符二年調杭州右司理參軍杭爲湖右軍會民俗繁夥多鬪訟狴犴往往充斥而吏皆大姦宿贓舞文市獄無所顧忌公自以儒生且年少恐其易已乃痛繩以法而于鞠獄必委曲詳盡囚感哀矜咸吐情無隱旬月閒滯獄一空吏益畏憚不敢肆皇祐中有司理某者以院吏名次高下立爲定格每視役之劇易悉以

序授任循用既久吏持其上莫有懲勸事多不集公暇日取其格視之謂羣吏曰此非若衙規有成法不可動顧前官可爲吾何爲不可改索火禁棄不用眾皆譁公屹不變遂一以能否勤惰爲升降而任劇易于是人人競奮事無不理府帥豐稷知公爲一代偉人屢薦于朝事皆倚公而辨先是福州有士族不肖子因醉酒與其從凡三人出郊偶見巨商行支徑隱關征者卽詐爲捕稅吏執之商窘甚以賂得釋已而疾死其家乃以遇劫盜聞于官獲其二卽抵法獨逸其一跡捕至杭得之繫州獄前官以其黨旣伏誅謂是囚亦當死無疑鍛鍊成之獄具未決公至得其情曲折移牒福州請收商家詰問果辭窮自言實誣告遂直其冤眾皆服公之精明文節公赴召京師陰求天下奇士一見公謂曰君文詞經術宜爲當今模範獄訟允職奈何久居因薦試學官元符三年春公以詩書禮三經試于有司又試宏詞二科俱爲第一特循河中府知錄參軍改登仕郎士林歆豔見其文以爲不可及公之華問自是

彌大矣建中靖國元年除兗州州學教授究故先聖國師儒之任  
朝廷不輕畀以公有重名特命焉公居職益自淬厲與生徒講經  
論文孜孜不倦人得所未聞心感說服鼓篋踵堂者輻湊至黌舍  
弗能容公迺移書部使者旬錢悉徹其舊擴而新之且豐其餼廩  
學校之盛遂冠一路崇寧元年始行三舍法于天下朝廷以太學  
首善之地故除授學官非第一流人不在選除公學正清孝喜謂  
公曰士積學非獨爲己蓋將淑諸人汝其勉旃清孝自謝事高尚  
未嘗出閭門公因力請迎養從之公官卑祿薄且處桂玉之地日  
營脩灑之奉極其誠至崇寧三年八月用薦者言遷文林郎是歲  
天子幸太學公奏賦數千言時四方文儒之士上歌誦文章者以  
千計徽宗皇帝命中書省第其優劣公居其首十一月丁外艱執  
喪哀毀過制既舉大事貧甚無以贍其孥至全家食粥終喪未嘗  
飲酒茹葷居苦廬闕釋氏所謂大藏經者盡其卷帙大觀元年五  
月用幸學恩循承直郎差充提舉議曆所檢討官是冬天子祀南

郊文武官通朝籍者例皆得封贈公以檢討在職若滿半歲則于  
格當改奉議郎預計其日適在藏事之後乃拜章乞減秩一等及  
大禮前授命朝廷嘉其孝特改通直郎由是恩霑泉壤鄉里榮之  
八月除知大宗正丞事檢討如故始朝廷以從臣提舉議曆所至  
是俾郭天信代之公深惡其人弗欲與共事謂之曰是局既有長  
則其屬義亦不可畱堅請引退天信曰公譽望如此豈久爲檢討  
官者苟能暫屈相從正字指日可得公曰富貴在天儒者但當顧  
義耳明日抗論于朝力旬罷天信聞之大怒公請不已併乞罷宗  
正職上嘉其不可奪特許罷曆局縉紳稱其難能二年皇帝受八  
寶恩轉奉議郎仍加武騎尉宗室仲孫妄議學制公劾之上喜公  
能舉職特轉承議郎三月除秘書省校書郎五月遷尚書考工員  
外郎以親嫌改禮部員外郎時方承平四方上符瑞者遷至公掌  
南宮牋奏或曰草數牘曾無滯思時人服其敏而工三年六月磨  
勘轉朝奉郎八月以議廟制與時論不合責知歙州休寧縣歙地

多巖險其民很且復健訟歲斷大辟以百計在江東號最難治而  
休寧尤甚故諺稱鑊湯滾處銓曹選注無願往者攝官歲久弊滋  
甚益不可爲公初至命吏于大辟中恣取其一旦親決吏選久可  
疑者案牘數千紙俾兩人昇至欲因以困公公閱視不移晷呼獄  
吏曰于若干紙外亡去一節是必汝所匿吏駭汗失措度不可隱  
迺于其舍故牘中出之類皆中冓要吏叩頭曰囚罪本不至死某  
故當以死其所匿一節乃囚自白明甚懼令平反故匿之公引囚  
覆問皆合因釋囚而正吏罪一邑歎爲神明曾未踰月囹圄告虛  
公之始謫也眾皆謂公必不行既至又謂公必不事事及見公視  
職甚謹雖細務檢飭必親簿書錢穀悉井井有條次無絲毫治  
然後歎公之才有餘而度量宏遠也每聽訟必先爲民辨曲直已  
乃從容告以慈孝禮遜之節恂恂然猶父兄之詔子弟民多在庭  
中感泣願息所爭由是獷俗頓革鬪訟衰止暇日攜賓友登覽泉  
石吟詠酬唱略無遷謫之歎考課爲江東第一外臺列薦諸朝政

和元年磨勘轉朝散郎加雲騎尉三年復召爲禮部員外郎以預  
議元圭轉朝請郎未幾遷吏部員外郎四年擢國子司業時興學  
久成均之士爲文轉相模倣率一律公恐其漸入卑陋每考試必  
取卓然不羣者置之前列文格翕然大變士相慶以爲得師質經  
叩疑者屢滿戶外幾無食息之間其爲當世推重如此朝廷命諸  
生習雅樂樂成上御崇政殿按試大說學官皆增秩一列轉朝奉  
大夫七月以公在吏部編修使臣名籍成轉朝散大夫九月遷太  
常少卿皇朝自建隆至治平初所行典禮歐陽文忠公嘗哀集刊  
定爲書凡百篇號太常因革禮及是朝廷以公明習典章俾續其  
書公自治平迄政和四年用文忠公條目纂錄爲三百卷于是五  
十年間禮文之事粲然在目書成上覽而嘉之使與前書併藏太  
常焉五年初建太子府以公兼太子右諭德公每見太子未嘗不  
言治心修身之要且以仁孝學三言各著一論獻之勉之使進于  
是大蒙嘉納復采春秋戰國以來歷代太子善惡成敗之迹日進

數事既久遂成一書號承華詔熾云九月磨勘轉朝請大夫六年七月移太府少卿時盛章以諂媚權貴驟用爲開封尹勢傾中外忽遣其子并謂公曰外府左遷士論甚鬱某能爲公卽還舊物其許之乎公正色曰進退百官當自宰相某雖不佞願安肯由他岐進以重速戾哉并歸以告章大慙遂與公爲仇識者聞而賤之除國子祭酒七年遷大司成以前任司業訓導高麗生有勞轉朝議大夫公慨然語家人曰吾自布衣致身侍從受國厚恩當圖報效前此位卑不敢越職論事今豈宜緘默乃數求對言天下治亂大計且陳時政得失雖削橐不以示人然貴要咸怒切齒公由是不能自安于朝矣俄落職提舉江州太平觀宣和元年朝廷明公非辜復右文殿修撰仍改宮觀復自陳繼除知汝州國初京西多曠土寶元康定間特輕其賦募民墾闢歲久地無遺利而民益富饒政和初言利者始獻議增稅民已不能支其後宦官李彥爲京西之民率盜占官地括其田而歸之官號西城新法由是破產者比

屋有朝爲豪姓而暮乞匄于市者公下車數月會彥至一境騷然苛暴肆行人多逃匿以避禍公見彥垂泣曰某任郡寄當爲天子牧養斯民而坐視其離散如此深所不忍願公少霽威嚴退而條具不當括者數千戶請蠲之彥大怒曰是欲阻壞西城新法邪草奏劾公朝廷壯公敢爲寢其奏不行自茲西城及貢奉之事專委通判而彥不復再至州境矣二年磨勘轉中奉大夫加丹陽縣開國男大河歲修掃岸費稍草不資皆取辦旁郡而汝獨倍民大困不堪命公喟然歎息上疏乞免且令民緩輸待命轉運使怒不及期符檄督迫日峻公奏免益急僚屬惶怖不知所爲公慰撫之曰諸君第勿書尾某當獨任其責頃之詔允積年重斂一朝而除民叫謹交賀家家畫公像歲時率子孫環拜相語曰微葛公吾儕非餒死卽徙異鄉能復自保于此乎前太常建言汝州崆峒山實黃帝問道之所遣築宮奉廣成子旣得請則竭力以事土木工未究罷去及公至主觀道士出大言脅公促繼前役公叱之曰歲饑民

賈可因以不急乎卽上疏乞須豐登有旨特從公之內剛不畏疆  
禦多此類三年復顯謨閣待制四年四月磨勘轉中大夫七月轉  
大中大夫徙知湖州是行實過闕例得入覲時親黨當國將爲燕  
山之舉公先以書遺之其略曰方今東南靖息西北歡盟相之功  
業可謂大矣然天下無事則宰相安宰相生事則天下危願相公  
享宰相之安而無使天下危也省書不說乃畫旨令便道之任公  
之未至湖已聞有點吏數輩持郡將短長肆爲不法及視事數日  
盡得其姦賊流放之閩境稱快燕山之役旣興國用益屈乃科免  
夫錢于天下輸後期者必以軍法從事民大驚懼時浙西連歲水  
潦公持檄憂形于色顧其佐曰方茲艱食何堪重斂議減其半眾  
爭諫以爲不可公曰苟利于民死非所憚卒奏減之前此浙寇方  
臘起青溪旣破睦陷杭湖與杭接壤無賴輩乘時相劫掠州縣兵  
單弱弗能禁乃便宜使土豪捕擊有愚民無知因平昔纖芥遂誣  
其鄰以叛逆殺數人及事平鄰家訟冤有司推治連蔓不已以求

貨無辜逮繫者百餘家前二千石踰年不能決公究問則首二三  
人皆瘐死久矣卽日決遣之歡騰市里宣和六年移知鄧州公之  
在湖朱勔嘗求灘鴻白雀之屬公拒之甚峻勔銜公入骨由是橫  
加媒孽遂落職提舉江州太平觀七年加開國子靖康元年以淵  
聖皇帝卽位覃恩轉通議大夫冬公寓平江敵人再攻東都圍甚  
堅四方音問莫通公憂懣殆廢寢食旋聞二帝北狩西嚮號慟白  
郡守曰公當帥師勤王又曰元帥在濟南以表勸進不可緩因呼  
左右索紙筆立草數百言俾守卽遣官持詣元帥府詞旨懇切讀  
者流涕及上卽祚一時人士皆爭爲攀附計而公未嘗一語及之  
建炎元年覃恩轉通奉大夫四年復集英殿修撰再知湖州自庚  
戌歲敵人蹂江浙後盜賊蠡起破州縣殺官吏人情恟恟朝不謀  
夕公于是邦遺愛素著民見公復來歡迎蔽路會劇賊邵青大緝  
舟楫欲由江路入太湖窺伺湖州聲勢甚張公乃繕城郭蒐卒乘  
作水戰艦數百艘以彩幟別其隊伍教之陣法日親閱試而加賞

罰士皆精勇可用又命郊外團堡社明斥堠以堅防守民恃以不  
恐時高彥張琦復相繼擁兵入安吉長興界公遣其屬李咸統兵  
與之力戰獲首級甚眾賊鋒既挫且聞有備一夕而遁邵青亦望  
風引去有頃孫誠于烏鎮殺傷官吏居民散走公亟遣單騎諭以  
禍福恩信賊徒乃相戒曰使君至誠吾儕聞之舊矣即投戈就降  
安吉頑民施四九見羣寇洊至郡境因起爲盜旬日間嘯聚千眾  
鄰邦皆震恐公選將校之驍勇者使統兵授以方略直擣其巢遂  
生擒誅之餘眾奔潰皆縱不問將吏請奏功曰捕盜守臣職也何  
功之有終不自言是歲大饑米價翔貴一斛踰萬錢餓殍相枕藉  
公既發官廩又輸已穀數百斛遣官吏振給百姓見公憂勞惻怛  
復爭出穀爲助傍郡之飢者聞公荒政咸襁負而來至無以容乃  
自城邑及郊野命闢僧舍若亭驛以處之薪釜管藉之屬無一不  
備蒙全活者不可勝計建炎初梁端守是州嘗獲謀叛軍人童照  
并其黨數十人被加職之褒告者張成沈賓皆命官人咸慕之至

是復有將校告其營卒有謀叛語意公必聞而已因受上賞公夜  
半披衣集官吏訊治則營卒醉臥猶未醒公知其誣告笑曰吾豈  
肯殺無罪而利己乎遂錄付獄果無迹狀因坐誣告者徙之旁郡  
有劉惇者自稱明節皇后弟官承宣使所至郡府皆接以禮盜請  
俸錢積數百萬公一見與之言覺其詐即加收治一問而服乃開  
封捕盜使臣也紹興元年六月轉左正議大夫冬復顯謨閣待制  
提舉亳州明道宮公在郡留心庶政事雖甚微亦不輕委其屬視  
其民如恐傷之有利立行有害立去邦人愛公如父母出境之日  
民挽車號泣相送數十里不絕至今言及公猶以手加額頌歎不  
已五年加開國伯七年加開國侯九年磨勘轉左正奉大夫十三  
年加開國公食邑自三百戶累封至二千戶實封一百戶公官京  
師二十年徧歷華貫而在太學之日爲多自學正以及長貳皆天  
子親擢每歲禮闈試貢士必使公預方是時羣試者凡萬人公考  
其文于數句中輒知其學之淺深是以多得天下奇士于書無所

不讀一過目則終身不忘研窮經旨雖通顯不輟祁寒隆暑手不  
廢卷議論常出諸儒意表學子得其說爭鈔錄藏其誨人則必  
先德行而後詞章故諸生皆知自重而恥麗于罰每薦士必觀其  
器識而後劾奏其所推引位輔弼禁從臺閣者比比相望天下論  
知人必以公爲稱首其爲文汪洋雄健而復精深醇密眾製各自  
有體大抵悉極其妙所謂不煩繩削而自合者也于紀事尤不苟  
凡子之葬其親非得公文志墓則必歉然其爲詩清麗有句法與  
賓客登臨宴賞卽席投筆立成文不加點坐者莫不驚畏嗟服公  
在孕時其母夫人夢鳳凰集庭己而生公人知其爲文字之祥及  
中兩科歸清孝公又夢歐陽文忠公授公以巨硯自茲公文益進  
遂以文章名海內夫豈偶然也哉公爲人開蕩而樂易遇物盡誠  
勇于義若嗜慾不靳財費賙人之急惟恐不及從弟濟仲貧甚以  
郊恩官之先其子族之孤不能自存者則爲具匭橐選壻歸之江  
陰歲租悉推以畀同產其仕于杭究也得俸不敢輕用一毫菲衣

糲食寸積銖累以嫁二妹早年與長兄司成俱事輦轂飲食燕游  
須臾不暫捨宣和辛丑歲司成不幸而公方守汝陽爲位哭之盡  
期而徹復推己俸贍其孤晚與仲兄工部居故里公築堂山水佳  
處名以二老且日致珍異甘麝爲奉探其志而先之其友悌益出  
于天性鄉閭慕而化之居官清慎所至必增市估之直敕家人非  
飲食日用之物不得輒市于民雖游宦四方而不知其土地所產  
于奇器異物珍玩之具無所好臨事敢爲不畏禍患以白黑太  
分屢爲權倖所中雖數齟齬處之恬然或問其故公曰吾道固當  
如是又何悔四爲二千石綽有古循吏之風御僕妾亦以恩禮未  
嘗妄加鞭箠有不當意者以微言愧之而已自再爲湖州適時多  
艱疲于應接慨然有退休之志旣遂奉祠之請乃築室寶溪之上  
山水環湊名人魁士杖策造門公爲之賦詩飲酒樂而不厭客去  
則觀書著文優游閒適凡十有四年與子孫講論文藝朝夕不置  
閨門之內弦誦相聞彬彬若庠序然有文集八十卷外集二十卷

又取諸史考證異同發摘祕隱褒善貶惡皆古今名賢所未到者  
別成一書號考古通論合若干卷尤喜釋氏書謂與吾儒同道究  
其奧旨每宴坐凝然終日或至夜分不寐易簣之夕數聞異香索  
水盥手合爪掌跏趺端坐久之乃北首右脅而臥薨于正寢合夫  
釋典所爲如來涅槃者享年七十有三時紹興十四年九月八日  
也初公屬疾命左右上章告老詔以左宣奉大夫致仕及遺表上  
詔又贈特進既捐館吳興之民雖居深山窮谷中聞者莫不泣下  
此豈有以彊之然哉蓋其感于中者深也公之夫人張氏金紫光  
祿大夫磐之女而禮部侍郎滌之妹有賢行先公二十年卒葬于  
江陰軍由里山之原諸孤以十五年九月壬申奉公之喪合葬焉  
明年太常考功以公之行治言于朝曰道德博聞曰文安樂撫民  
曰康宜賜諡文康詔從之于是人士益推爲終始哀榮者嗚呼公  
之仕則遇昌時而位三品退則能自適而享壽考則爲大儒而  
見宗當世沒則有易名以發揚潛德亦可以無憾矣然人猶以爲

恨者以公之所蘊者甚厚而所施者纔一二也子六人長曰立方  
左朝奉郎行祕書郎兼提舉祕書省編定書籍官兼吳王益王府  
教授兼權尚書考功員外郎登紹興八年進士科次曰立中右迪  
功郎提舉河北鹽香司幹辦公事嘗請開封□□立器立卓立豫  
立參皆早世女三人長適左朝請大夫主管台州崇道觀許暘前  
卒次適左承務郎監登聞鼓院劉封次適左奉議郎權通判紹興  
軍府事章侗孫男五人長曰郭右迪功郎臨安府於潛縣主簿次  
曰郭右承奉郎知建康府溧水縣丞次曰郭左承事郎新太平州  
州學教授紹興十八年中進士甲科次曰郭右承奉郎臨安府鹽  
官縣丞後公三年卒次曰郭右承務郎孫女五人長適右修職郎  
監台州支鹽倉沈洵次適右迪功郎章是次適左奉議郎主管台  
州崇道觀張本餘未嫁曾孫一人曾孫女三人惟公始爲吳興侗  
時方叩拜公于稠人中一見蒙器遇遂歸以季女獲從公遊二十  
餘年故知公出處大節爲最詳謹敘其事泣以授公子立方將求

名世之士篤古而達于詞者表公之墓云壻左奉議郎權通判紹興軍府主管學事章侏狀

故左宣奉大夫顯謨閣待制贈特進葛公諡議

議曰先聖以文學政事析爲二科博史以藝文刑法合成一志以見才德充備兼而有之者爲難故特進葛公經術政體兼而有之者也公自髫鬣能自擇師通經業文嶄然自立未冠試有司以經義中高第自擇師通經科俱爲第一師表成均文體始變逮今粹然一出于正者實公啟之若續因革禮于曲臺著承華書于春坊皆稽古禮文治心修身之要茲邃于經術者能之試吏臨安鋒芒已露讞議刑辟則直死囚之冤欽摘款牘則正姦吏之罪若乃立朝大節則見于數陳時政歸必削橐力拒要人恥以倖進卻西城搜括之役釋青溪株連之民再臨吳興治如其初晚奉外祠忠以事君主上龍飛草勸進書以授郡將讀者感泣茲達于政體者能之謹按諡法道德博聞曰文安樂撫民曰康公以經學淵源致位

通顯詞章一出傳寫成誦非道德博聞乎練達正經剛柔相濟所居有頌去必見思非安樂撫民乎具茲二美宜有大名以傳不朽伏請諡曰文康謹議左承奉郎行太常寺博士賜緋魚袋蔡宰撰故左宣奉大夫顯謨閣待制贈特進葛公諡文康覆議

議曰文者貫道之器不通乎道而區區刻意于絺章繪句之間則遇事而失其所守臨民而不知所愛况于□□患難相逢於得喪之地而能表見特立摧其長雄不污龍利益亦鮮矣此後世博雅之士考儒林之全節而弔其不終未嘗不廢書而歎也故特進葛公詞場藝苑俱以文鳴學館儒宮號爲師表訂曲臺之縟禮賦郊陛之多祥秀句奇辭閒見層出高文大冊追古耀今至於奉詔治民承流宣化摧姦汝水若張敞之治京兆遺愛吳興類朱邑之葬桐鄉俾諛聞曲學而素節靡然者亦可聞風少媿矣傳曰不侮鰥寡不畏強禦公足以當之宜錫美名以爲儒林之寵文康之諡僉以爲宜請從初議謹議左朝請大夫監尚書六部門兼權尚書考

功員外郎張頡撰

丹陽集卷二十四

丹陽集卷二十四

宋史列傳

葛勝仲字魯卿丹陽人登紹聖四年進士第調杭州司理參軍林希薦試學官及詞科俱第一除兗州教授入爲太學正上幸學多獻頌者勝仲獨獻賦上命中書第其優劣勝仲爲首差提舉議曆所檢討官兼宗正丞始朝廷以從臣提舉議曆所至是代以郭天信勝仲力請罷之補遷禮部員外郎會御史中丞石公弼言僖宗原廟增置殿室違元豐之舊詔禮官議勝仲建言予而復奪在常人猶難之況在天之靈乎議者非之責知歙州休寧縣復召爲禮部員外郎權國子司業時朝廷命諸生習雅樂樂成進一官遷太常卿宋自建隆至治平所行典禮歐陽修嘗哀集爲書凡百篇號太常因革禮詔勝仲續之增爲三百卷詔藏太常及建春宮以勝仲兼諭德勝仲爲仁孝學三論獻之太子復采春秋戰國以來歷代太子善惡成敗之迹日進數事詔嘉之徙太常少卿除國子祭酒尋知汝州李彥括田破產者眾勝仲請蠲不當括者彥怒劾勝

仲上寢其奏改湖州尋徙鄧州朱勔先求白雀之屬勝仲不與至是媒孽其短罷歸建炎中范宗尹爲相凡前日以朋附被罪遠貶者咸赦還復知湖州時羣盜縱橫聲搖諸郡勝仲修城郭作戰艦閱士卒賊知有備引去歲大饑發官廩振之民賴以濟紹興元年句祠歸十四年卒年七十五謚文康子立方官至侍從孫邨爲右相自有傳

丹陽集附錄

右丹陽集二十四卷宋葛勝仲撰勝仲字魯卿江陰人紹聖四年進士官至華文閣待制知湖州謚文康事蹟具宋史文苑傳其文集八十卷外集二十卷久佚館臣從永樂大典輯出編詩文爲二十四卷江陰葛氏世籍廣陵唐天祐中避孫楊連兵之禍渡江南徙宋代門祚鼎盛五世登科第三世掌詞命宋史有傳三人附見十人最爲江陰望族魯卿再守湖州有全城功遂卜居吳興汎金溪上集中有汎金溪宅上梁文其子立方韻語陽秋序云歸休吳興汎金溪上是舊家江陰徙居吳興可見者如此葛氏以葛洪著望稱丹陽魯卿自署丹陽迺宋人之舊習集亦署曰丹陽集是晉時之丹陽郡非宋時之丹陽縣也自陳振孫書錄解題誤以爲丹陽人而宋史因之遂以魯卿爲舊居丹陽徙居吳興似與江陰無涉者因厯考丹陽歸愚兩集韻語陽秋均無徙居丹陽之文京口耆舊傳嘉定至順兩鎮江志亦不載葛氏父子鎮江志如陳升之者均載之豈有獨遺葛氏父子之理韻語陽秋云余曾祖通議楊寘榜登科未四十

致政享年八十七居江陰軍青陽之上湖自號草堂逸老又云先人文康公罷官南陽適當兵擾復還舊業奉伯父工部居焉別建二老堂於宅南眷望由里諸山皆在日考由里山離江陰城九里距青陽亦在指顧孫鴻慶爲作序文有曰觀與公同州里亦可爲魯卿居江陰之證若爲丹陽人則屬鎮江府不得謂同州里丹陽集二十一有里中無居寓丹陽縣詩五六聯云退食井腴如就國原注某見封丹陽郡遙尋祖系似還鄉原注葛穉川丹陽人觀此更可見非丹陽人矣至近代之志又據宋史鈔入不足據也此集藏書家罕見昔年廠肆曾出孔莊谷鈔本爲汪柳門侍郎購去今從宋文瀾閣錄副取以刊行訛錯滿紙校讐不易丹陽詞一卷四庫別收汲古毛氏刻入六十種詞今取集中詩餘一卷互校有汲古無而本集有者三首汲古有而本集無者十八首字句亦有短長乃重爲校定而以汲古所有之詞附刊於後鴻慶集中有序文一首 閣本未錄今仍冠於集首以符其舊七言古詩有次韻

鄭維心游西余山詩係七言律兩首爲改附七言律詩之後光緒丙申中秋日武進盛宣懷跋

